



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





800027024L




11.
13. 2.

E. BIBL. RADCL.

H
D. 3
4
C.
67.4

19163 d. 9.



H O R T I
M A L A B A R I C I
P A R S P R I M A,
DE V A R I I G E N E R I S
A R B O R I B U S
E T

FRUTICIBUS SILIQUOSIS;

Latinis, Malabaricis, Arabicis, Brachmanum characteribus nominibusque expressis,
Adjecta Florum, Fructuum, Seminumque vera delineatione, colorum
viriumque accurata descriptione,

A D O R N A T A

Per Nobilissimum ac Generosissimum D. D.

HENRICUM VAN RHEDE TOT DRAAKESTEIN,

Toparcham in Mydrecht, quondam Malabarici Regni Gubernatorem supremi Confessus
apud Indos Belgas Senatorem Extraordinarium, nunc vero Equestris Ordinis nomine
Illustribus ac Præpotentibus Provinciæ Ultrajectinæ Proceribus adscriptum,

E T

THEODORUM JANSON. AB ALMELOVEEN, M. D.

Notis auxit, & Commentariis illustravit

J O A N N E S C O M M E L I N U S.

N U N C P R I M U M

Classium, Generum, et Specierum Characteres Linnæanas; Synonyma Authorum, atque Observationes
addidit; et Indice Linnæano adauxit,

J O H A N N E S H I L L, M. D.

A C A D E M I Æ I M P E R I A L I S N A T U R Æ C U R I O S O R U M
D I O S C O R I D E S Q U A R T U S.

L O N D I N I:

Sumptibus A U T H O R I S;

Prostant venales etiam apud NOURSE, *Strand*; WHITE, *Fleet Street*; ROBSON, *Bond Street*;
ELMSLY, *Strand*; DAVIS, *Holborn*; CATER, *Holborn*; BELL, *Strand*; FLETCHER,
Oxon; WOODYER, *Cantab.*; POTTS, *Dublin*; BALFOUR, *Edinburgh*; BELL, *Edinburgh*;
GOSSE, *Hagæ*; SAILLANT, *Paris*; TRATNER, *Viennæ*; MONALDINI, *Romæ*; REY,
Amsterdam; DIDOT, LE JUNE, &c. *Paris*; & BEMAN, *Rotterdam*.


M.DCC.LXXIV.

[illegible]

Plate	1	to	face	Page	2	16	to	face	Page	26	30	to	face	Page	54	45	to	face	Page	80
2	---	---	---	---	4	17	---	---	---	28	31	---	---	---	56	46	---	---	---	82
3	---	---	---	---	6	18	---	---	---	30	32	---	---	---	58	47	---	---	---	84
4	---	---	---	---	8	19	---	---	---	32	33	---	---	---	60	48	---	---	---	86
5	---	---	---	---	9	20	---	---	---	34	34	---	---	---	62	49	---	---	---	88
6	---	---	---	---	10	21	---	---	---	36	35	---	---	---	64	50	---	---	---	90
7	---	---	---	---	10	22	---	---	---	38	36	---	---	---	66	50 ^a	---	---	---	95
8	---	---	---	---	10	23	---	---	---	40	37	---	---	---	68	51	---	---	---	96
9	---	---	---	---	12	24	---	---	---	42	38	---	---	---	70	52	---	---	---	98
10	---	---	---	---	14	25	---	---	---	44	39	---	---	---	72	53	---	---	---	100
11	---	---	---	---	16	26	---	---	---	46	40	---	---	---	74	54	---	---	---	102
12	---	---	---	---	18	27	---	---	---	48	41	---	---	---	76	55	---	---	---	104
13	---	---	---	---	20	28	---	---	---	50	42	---	---	---	76	56	---	---	---	106
14	---	---	---	---	20	29	---	---	---	52	44	---	---	---	78	57	---	---	---	109
15	---	---	---	---	24		---	---	---			---	---	---			---	---	---	

AUGUSTISSIMO,
POTENTISSIMO, INVICTISSIMOQUE
PRINCIPI
GEORGIO TERTIO,
MAGNÆ BRITANNIÆ, FRANCIÆ, ET HIBERNIÆ,
REGI, FIDEI DEFENSORI, &c. &c. &c.
PATRIÆ PATRI,
MAXIMO REI LITERARIÆ STATORI,
PROTECTORIQUE GRATIOSISSIMO,
HANC ACCURATIOREM HORTI MALABARICI EDITIONEM;
CLASSIUM, GENERUM, ET SPECIERUM CHARACTERIBUS LINNÆA-
NIS; SYNONYMIS AUTHORUM, ATQUE OBSERVATIONIBUS,
ET INDICE LINNÆANO ADAUCTAM;
HUMILLIMO DEVOTISSIMOQUE ANIMO,
DAT, DICAT, DEDICAT,
SACRATISSIMÆ MAJESTATIS SUÆ
SUBJECTISSIMUS OBLIGATISSIMUSQUE,

JOHANNES HILL,
Academiæ Sacri Romani Imperii Leopoldino-
Carolinæ Naturæ Curiosorum Socius.



P A R S P R I M A

H O R T I

M A L A B A R I C I

D E

A R B O R I B U S.

T E N G A.

C O C O S N U C I F E R A.

F I G. 1. 2. 3. 4.

T*Enga*, lingua Bramanum ~~Mala~~, est arbor cum surrecto caudice alte
assurgens, nasciturque in arenosis.

Radix crassa cortice rufescente ac nigricante, interius ligno molliori,
fibras late transversum diffundens.

Caudex surrectus unum pedem crassus, in una parte crassitie maxima duos
ferme pedes æquans, ramis foliaceis qui ex solo ejus vertice altius ac altius in-
crescente erumpunt coronatim ordine decussato in summitate circumdatus, ac
in cortice seu crusta nigricante, quæ deglubi nequit, semiannularibus circulis
ac notis quibus pedes ramorum infederunt striatus; constatque ligno
minus duro ac filamentis grossis pertexto ac ruffo-rubefcente, intus mol-
liori, ad corticem duriori, cum vetustior est multò duriori & magis nigri-
cante, quod sub dio expositum intra duos, tresvé annos corruptioni ob-
noxium, sub aquis magis durabili, ejus cacumen, quod à teneris ramis
circumdatur, cum altior ac vetustior est, in conum fastigiatur ac molli &
albicante pulpa seu corculo dicto in lingua Lusitanica *Palmita*, quod exte-
rius ex variis tunicis sibi mutuò superinjectis conflatur, ac intus densum
est, constat; hoc cum tenerior est Ténga & altitudine unius cubiti, est
dulcis ac grati saporis; cum majoris ætatis, saporis minus grati ac astrin-
gentis ac dulcedine nulla; cum altior ac vetustior est, saporis dulcioris &

Tom. I.

B

gratissimi,

gratissimi, æmulans juglandes nostrates, estque in eduliis ac ab elephantibus maxime expetitur, qui ob ejus appetitum arbores hasce eradicant.

Rami foliacei simplices sunt, in nullos alios divisi, in pede quo caudicem primum arctè complectuntur interius plani, ac nonnihil concavi ac supernè interiùs in ventrem acutum extenuati, exterius in totum convexi, in imâ parte pedis latiores & inde sensim in angustum contracti ac in oris extenuati, & reticulato, raro, ruffofusco cortice, cujus filamenta ex oris pedis utrinque prodeunt caudicem primum circumvestientes ac se mutuo obtegentes; suntque vestiti cortice flavo viridi ac intus filamentis lignosis minus duris mollem inter carnem albicantem per textis constantes; qui vetustiores sunt à caudice magis deflectunt ac pandi sunt, dein decidunt alter post alterum temporibus ordinatis, dum alii ex summitate caudicis de novo erumpunt.

Folia, quæ superiorem partem ramorum circumvestiunt ad partem eorum planam ubi in ventrem extenuati sunt, utrinque in oris prodeunt oblique ex adverso sita, suntque oblongo-angusta longitudine plus minus sesquicubiti, latitudine trium transversorum digitorum ab origine sensim in angustum contracta, superficie valde plana, venis parallelis ac subtilibus in longum striata inferius cum futura albicante subflava quæ in angulum inflexa est, inserta sunt, ac versus exteriorem partem ex angulo futuræ nonnihil clausa, & in interiori, quæ cum interiori superficie rami convenit, costa altè eminente, quæ exteriorem partem sulco striat, in medio obfita, viroris fusci & nitentis, cum marcescunt, flavescente, saporis & odoris nullius nisi sylvestris.

Supra ex *Ramorum Foliaceorum* exortu ex *Caudice* oriuntur *Capsæ* oblongæ in quibus *Flores* & *Fructus* teneri simul inclusi sunt surculis infidentes; sunt autem capsæ rotundæ & nonnihil planæ, tres quatuorve spithamas longæ, ad originem angustiores & flaviores, & in vertice in conum stricti medii digiti latitudine ferme in cortice crassæ venis filamentisque lignosis in longum striatæ, exterius virides ac sulcis lirisque quæ ad cacumen profundiores, exarata, interius albicantes & glabræ.

Surculi Fructiferi dum in capsâ inclusi sunt glabri & nitentes ad originem glandulosi, angulati & undulantibus lacunis inflexi, alii rectius, alii ductu parùm serpentino excurrentes medio ramo crassiori coronatim circumpositi, & versus cuspidem capsæ in angustum contracti, denso ordine ad se mutuo arctè confiti ac rupta capsâ ex medio ramo se transversim in orbem expandunt, suntque vestiti cortice crassio, primum cum molles ac teneri & in capsâ inclusi subflavi & flavo-albescentes ac dein magis flavescentes ac rubescentes, post viridescentes; in hisce *Surculis* in *Capsâ Flores* & *Fructus* ex ordine proveniunt, ut *Fructus* in inferioribus partibus prodeant quam *Gemme Florum*.

Gemmæ Florum spicæ sunt albescentes parum flavæ ac dein magis & magis flavescentes, glabræ & nitentes, aliæ planiores, aliæ rotundiores parvis & flavo-albicantibus calycibus trifoliatis arcte exceptæ cum in capsis sunt densè ad se invicem confitæ, ubi autem extra capsam cum furculis erupere iis accrescentibus rariores ac transversum sitæ vel parum anteriora versus cum cuspidè reflexæ, aperiuntque se in tria folia, quæ ad unam oram rotundiora sunt, & in vertice cuspidata, duriola, rigida & crassiola, habentque in medio sex stamina flava, quæ oblongis, crassiolis primum surrectis, dein decumbentibus apicibus dotata sunt, ac ex unguiculis foliorum prodeunt, ac cum iis stylum brevem, crassiolum & albicantem, superne trifidum, suntque odore grato, velut lilia, licet debili: *Flores* postquam è *Capsis* eruperunt, confestim è *Surculis* decidunt.

Fructus qui cum *Floribus* in capsis oblongis simul proveniunt, & infra *Flores Surculis* arcte insident, cum ad maturitatem pervenerunt, prægrandes sunt, suntque velut nuces constantes operimento lignoso, qui interius ad superficiem internam operimenti seu testæ medulla alba obducti sunt, ac intus larga cavitate quæ aqua seu liquore repleta est: hi dum teneri sunt & ex capsâ cum spicis erumpunt, forma rotundi sunt colore flavo-albicantes & calyce flavo-albicante, qui ex rotundis foliis mutuo circumvolutis constat, arctè & in totum obducti, intus sub corticibus quibus circumteguntur carne densa albicante, nulla cavitate dotati, postmodum verò cum ætate increscentes forma oblongo-angusta sunt in longitudine maxime aucti, minus verò in latum, in cortice exterius cum nitore viridescentes, calycis foliis ex quibus cum superna parte emicant ex rufo rubescentibus, proditque se in iis primum nota parva, oblongo-angusta, cavitatis cum majori incremento introducendæ in ima parte seu ad exortum fructus, antequam autem cavitas se offert, fructus hi teneri Malabaribus *Bellacà*, Lusitanis *Coquinbos*, cavitate autem jam introducta *Fructus* primum sola aqua repleti sunt ac tum dicti Malabaribus *Caricà*, Lusitanis *Caricà*; absoluto verò cavitatis incremento postquam omni sua repleti aqua sunt medulla ad internam operimenti superficiem obducuntur.

Quod ad cavitatem notandum, eam in teneris fructibus valde oblongo-angustam esse ac cum fructibus primùm in longitudinem magis increscere; minus verò in latum, esseque circumscriptam forma ovali, cujus angulus acutior versus summitatem fructus situs est, in fructibus autem vetustioribus ad formam ellipticam seu rotundam accedere: est autem medulla *Fructus*, quæ ad certum temporis intervallum augefcit expetita in eduliis, primum tenera & albicans ac subcærulea, sapore dulci ac grato, minimè verò oleoso, dein albicans ac magis magisque indurefcens, cum dura sapore nucis, ac quo vetustior seu durior saporis magis oleosi, contrita ac tusa lacteum liquorem, qui & sapore lactis est, sed nonnihil oleosi fundens; cum vetustissima est maximè oleosa ac ex oleo cærulescens, odorem fortem

oleosum, qui ingratus est, spirans; pro diversa medullæ consistentia *Fructus* variis nominibus sunt donati, cum ea tenera est & lacti similis ac mollis, dicitur Malabaribus *Corumba*, cum completa est & non magis augetur, *Elanè*, Lusitanis *Lania*; cum nonnihil dura est Malab. ut & Lusitanis: *Malinga*; cum dura est, *Tenga*, Lusitanis *Cóquo*, cum adhuc durior, *Barétu-Tenga*, ac cum maximè dura, *Cóttu-Tenga*, Lusitanis *Cóco Sicco*. Quod ad aquam, quæ est intra cavitatem, hæc in fructu tenero *Caricù* dicto est primum subastringens, subsalsa & subacida, minus verò dulcis, dein quo fructus vetustior fit, magis & magis dulcescens; in fructu vetusto, ut *Barétu-Tenga*, simul valde dulcis & salsa, ante medullæ proventum clara & valde limpida est instar aquæ; medulla autem proveniente turbida seu minus limpida & pallide albicans, ex fructu *Caricù*, qui omni sua aqua jam repletus est, facto angusto foraminulo per operculum magna vi radiatim exsilit, minus verò ex fructu, qui medulla repletus est, ut *Corumba* seu *Lania*; aqua in *Maninga* id proprium habet, quod ut liquor, dictus *Suri*, fermentatione ad oculum notabili cietur, cum medulla dura est in fructu exsiccare incipit, in ollam infusa & aëri exposita saporem dulcem illico amittit & subacida redditur, idque ocyus si vento moveatur, sine ulla tamen fermentatione, quin & aqua fructus *Maninga* hoc modo omnem suam fermentationem amittit. Quod ad operimentum aquam ac medullam continens, illud primum tenerum, estque in fructu *Corumba* adhuc molle & esculentum ac sapore nucis juglandis, illud calce illitum primum flavescit, dein viridi-fusco colore tingitur, quò vetustior fit fructus ac medulla durior etiam magis indurescit, ac cum maxima duritie est, sectioni minus pervium, estque exterius tribus futuris eminentibus in longum striatum, ac in parte inferiori inter futuras tribus oculis clausis donatum, quorum unus latior & minus durus est, inter futuras, quæ latius distant, situs, aurificibus ob ferventem flammam, quam exhibet, in usu. Cortex exterior operimentum obducens in exteriori superficie primum est albicans, ut in fructibus de *Coquinbos* cum tenerrimi sunt, dein viridescens, ac cum majori ætate ex viridi flavescens, cum autem fructus vetustior est ac exsiccare incipit, estque tandem siccus cinereo-fuscus, & primum quidem mollis ac tenuis est, dein constans intus carne densa, albicante & molli, quæ in *Lania* tenera adhuc mollis & sectioni facile pervia est, ac calce illita flavo colore tingitur, post magis & magis indurescens intus in carne plurimis lignosis ac stupeis filamentis ad funiculos consiciendos idoneis quæ operimento lignoso exterius arctè adhærent, est intertextus. Quod ad formam externam, hi fructus cum tenerrimi, rotundi sunt, cum majori ætate oblongo-rotundi ac tribus angulis obtusis ad partes futurarum emicantes, cum vetustiores sunt minus oblongi, ac cum vetustissimi sunt, figura magis contracta quàm *Lania*; in cocos vetustis ad partem eorum inferiorem intra medullam duram oculus oblongo-rotundus albicans, qui postea flavescit, se prodit, estque tenerum germen fructus qui eo terræ mandato ex superiori parte per oculum operimenti minus durum seu latius surculum novellum extrudit, atque.

atque ex inferna parte piram dictam Mal. Lusitanis *Póngo*, quæ magis & magis increfcens dum aqua interea exficcat, totam cavitatem adimplet; furculus autem novellus ex oculo prodiens extra operimentum emicans paulo reflexus corticem exteriorem perterebrat, ac ex inferiori parte emittit radículas, quæ per corticem exteriorem primum obliquè decurrendo, tandem eo perrupto se terræ hinc inde affigunt: pirum quod in cavitare nascitur albicans est, & in strictiori parte, quâ ex oculo prodit subflavum, exterius rugis in longum striatum & granulatum ac oleo inunctum, intus fungosum, humidum, molle & albicans, esculentum, sapore multo dulciori quàm medulla, verùm nonnihil fastidioso.

Ex hac arbore liquor *Suri* quoque provenit, qui potus est ut vinum vim inebriandi obtinens, saporis grati, subdulcis, subfalsi & subacidi, cùm primum exceptus est majori dulcedine, cùm vetustior acidior, coloris ex albicante subcœrulei & pallidi, in superficie bullis seu spuma obfitus ac brevi tempore fermentans ac inter fermentandum sibilum edens ac guttulas tenues veluti vinum forte & vegetum in aërem excutiens, vi quoque massam farinaceam seu cerevisiam fermentandi pollens maximè cùm dulcior est, estque liquor maximo commodo serviens, ex quo vinum ardens, quod ut vinum vim inebriandi habet, acetum ac saccharum quod *Iagra* vocant, formatur; educitur autem hic liquor ab iis quos *Cbegues* vocant hoc modo: capsæ floriferæ seu fructiferæ, quam *Mammam* arboris vocant, cuspidem incidunt, eique ollam appendunt, ac infra cuspidem intervallo quatuor digitorum corticem capsæ obliquè secant, sectumque versus cuspidem elevant barbam ut ajunt efficientes, ut liquor ex cusptide inciso per corticem capsæ dimanans ex barba in ollam appensam refundatur, cuspidem autem incisum vel limo certo obducunt, vel foliis *Vétti-Táli*, vel corticis exterioris viridi rasura idque ad obturandum cavernulas in cusptide fitas, ne per eas liquor *Suri* ex furculis, qui intra capsam sunt, exstillans, intra ipsam capsam se effundat: capsam quoque vinciunt in incisura cum cortice qui à ramis foliaceis detractus est ad impediendum ne rumpatur; *Mamma* autem seu capsæ cusptide primum inciso post quinque dies dat *Suri*, estque is liquor qui primum exstillat colore rubescente; bis de die mane & vesperi ex communi usu ollas cum *Suri* detrahunt; cùm tribus vicibus, etiam meridie; ollæ priusquam appenduntur, primum bene tersæ sunt ac ab omni liquore expurgatæ, quoties autem appenduntur, cuspis inciditur & prædicto modo oblinitur, ac insuper *Mamma* in quatuor partibus proximè ad oras, non verò in ipsis oris, neque in medio inter duas oras pulsatur cum osse butyro repleto, fit autem illa pulsatio, ne liquor intercipiatur ac hæreat, sed facilius ac liberiùs, atque adeo copiosius manet; liquor hic *Suri* dictus, qui medio die detrahitur in ollis mane appensis, dulcis est, qui vesperâ subacidus, altero die acefcens, tertio autem die liquor dulcis acidus redditur, suam dulcedinem prorsus amittens; liquor qui ex arbore tenera educitur minus fortis ac vegetus est quàm qui ex arbore grandiori & vetustiori, minusque spirituosus,

spirituosus, adeò ut minus vini ardentis per distillationem exhibeat, odoremque terræ in qua nascitur etiam spirans; liquor quem arbores valde vetustæ dant, minori copia emanat & dulcior est ac magis inebrians; vinum ardens ex hoc liquore postquam uno die in ollis detractis servatus est, distillando extrahitur additis nonnullis guttulis olei de *Cocos*; ut acetum ex eo conficiant, ollas in quibus exceptus est, in calce per quindecim dies imponunt, quo ad fermentationem vehementem excitatus multam spumam ebulliendo ac in fundum ollæ materiam albicantem, quæ coloris cinerei est, demittendo, mutatur in acetum; Saccharum autem *Iagra* dictum ex eo liquore hoc modo conficitur; ollis quas *Mammis* arboris appendunt, indunt momentum calcis quantum sufficit ad liquorem instillatum rubedine tingendum, nam si calx superflua sit liquor est magis albicans & lacteus colore calcis, si minus calcis additum, liquor ex suo colore albicat, dein hunc liquorem *Suri* ita cum calce sufficienter imbutum & permixtum coquunt, continuò eum cum cochleari movendo donec inspissetur, habeturque tum saccharum rubrum; notandum verò ex liquore *Suri* instillato, cui minus calcis datum est, non posse saccharum confici, si verò plus calcis ei datum sit, adeò ut in fundo impermixta resideat ad saccharum conficiendum residuum calcis primum esse demendum; in confectione sacchari seu *Iagræ* albicantis hoc insuper observatur quod liquorem *Suri* cum calce permixtum in ollas diversas ad separationem calcis transfundant, mutando ter ollas, ut si mane detractus sit, medio die calce quæ in fundo subsedit relictâ, in novam ollam infunditur, atque ita altera vice hora secunda, ac vespere rursus in novam ollam refusa coquitur.

Hæc arbor valde ferax est, præcipue quæ in locis salis ac proximè ad mare nascitur, quæ in montosis provenit minus ferax est, ac fructus seu *Cocos* minores dat, quorum aqua saporis est minus dulcis ac minus grati, liquorem *Suri* minori quoque copia fundit, qui tamen fortior est; à vigesimo quinto ad trigessimum ætatis annum vigore est summo, fructus seu *Cocos* abundatiores & grandiores uti & capsas seu *Mammis* in quibus inclusi sunt majores producens, ac liquorem *Suri* uberius fundens, ab eo tempore quo fructus dat, maturis deciduis novos semper dat fructus, licet cum longævæ ætatis sit, minori copia & forma minores; liquor *Suri*, quem vetustior dat, minori quoque copia exstillat; verum dulcior & fortior est; centum annos ordinarie durat in vita; cum languet ac morti proxima est, rami omnes foliosi flavescentes ac velut adusti conspiciuntur.

Observatum est de hac arbore eam tertio post sationem anno ramis, qui in justam magnitudinem excrevere, vestitam esse, atque ab eo tempore ramos incipere decidere, suntque tum rami ad sesquihominis vel etiam duorum altitudinem surrecti, & caudex qui ramis in totum circumvestitus ac obtectus est non major quàm altitudine unius cubiti, crassitie autem
unum

M A L A B A R I C U S.

7

unum pedem æquans: singulis mensibus ordinariè unus ramus novus prodit, veteribus interea deciduis, estque tempore æstivo lapsus ramorum frequentior quàm pluvioso, spatio trium mensium rami in justam magnitudinem excrescunt, puta qui post tertium annum à satione in arbore proveniunt; ante exortum capsarum seu *Mammæ* fructiferarum rami majore longitudine sunt quàm post, in arbore grandi ordinariè viginti octo rami plus minus conspiciuntur; capsas cum suis fructibus quandoque tertio à satione anno, vel quinto, vel octavo, vel decimo producant, prout terra magis vel minus bona est: capsæ infra singulos septem ramos qui è summitate arboris prodeunt, proveniunt spatio trium mensium in suam justam magnitudinem excrescentes, seseque decimo quinto die post aperientes; flores quinto vel sexto die post capsarum aperturam decidunt; in arbore ordinariè sunt duodecim fasciæ *Cocorum*, una fascia fert *Cocos Siccus* dictos: *Barattu-Ténga*, seu *Cotta-Ténga*; altera fructus maturos dictos *Palupèn-Ténga*, qui carne magis dura sunt quam *Maninga*, minus verò quam *Ténga*; tertia fructus immaturos, dictos *Belacà-Caricù*; quarta fructus dictos *Maninga*; quinta fructus dictos *Elani*; sexta fructus dictos *Curimba*; præterea duæ *Mammæ* apertæ & quatuor clausæ; Ex fructibus teneris & ex *Mamma* primùm erumpentibus ordinariè quindecim aut sedecim è ramis decidunt, reliquis in *Cocos* excrescentibus; tertio post aperturam *Mammæ* mense fructus aquæ pauxillum acquirunt, sexto autem mense omni aqua sunt repleti; dein spatio trium mensium omni sua medulla implentur, quæ post tres menses indurescit ac tum cocus ex arbore decidit, uno autem mense ante delapsum aqua diminuitur ac tum etiam oculus in medulla se offert: fructu deciduo post unum mensem se prodit pyrum quod spatio sex mensium totam cavitatem replet, intra quod tempus si terræ mandatus sit *Cocus*, ex oculo surculus cum ramis novellis ad altitudinem unius cubiti assurgit.

V I R E S E J U S.

R*Adix* decocta in aqua & cum sicco gingibere epota confert pro febre calida, eadem trita & decocta cum oleo fructus seu *Coqui* adhibetur in ablutione oris pro pustulis in gingiva obortis; succus ex ramis tenellis expressus & mixtus cum momento mellis oculis ad sedandum dolorem adhibetur facta lotione, succus foliorum cum oleo fructus seu *Coqui* in decocto datus proficius est pro hæmorrhoidibus; flores cum saccharo comesti juvant urinantes materiam purulentam; succus ex floribus expressus ac in lacte vaccæ datus proficius est pro gonorrhœa; capsula florum trita & cum oleo decocta prodest in ulceribus ex adustione ortis facta perunctione, succus ex fructu tenello expressus servit pro pustulis oris in infantibus facta lotione, ut & pro oculorum doloribus eodem modo adhibita; aqua

aqua *Cansje* epota cum floribus ardori jecoris restinguendo confert, eadem in iterata lotionne capitis pro rubedine oculorum conducit; medulla fructus seu *Coqui* valet pro fulcis oris masticata; oleum ex medulla extractum pustulas capitis pellit facta perunctione, idem proficuum quoque est pro hæmorrhoidibus eodem modo usurpatum; pyrum quod ex aqua in cavitate *Coqui* excrefcit cum oryza tostum datur pro tussi ex melancholia nata, ex cortice arboris exprimitur oleum quocum ungitur pars affecta morbo cutaneo nato ex vermibus.

F I G. 1. 2. 3. 4.

Palmarum varias inveniri species, vel mediocriter in Botanicis exercitato satis est notum. *C. Baubinus* in *Pinace* quadraginta septem proponit, & hanc quidem primam recenset, inter Palmas Nucem ferentes, nomine *Palma Indica Coccifera angulosa, lانسات Indi*, id est, *Nucis Indica Avicennæ*.

Cum autem in plerisque tam Orientalis quam Occidentalis Indiarum regionibus, præsertim locis maritimis, copiose germinet, hinc passim ejus historiam pluribus tradunt auctores: & imprimis præ aliis *Garzias ab Horto*, & in eum *Clusius*. Vires quoque & usus fufius enarrant *Hernandes & Recchius*, *Plantarum Mexicanarum historia libro tertio*, ubi ab incolis arborem hanc *Coyolli* vocari affirmant, diversasque ejus in nova Hispania observari species.

Accuratissimam autem hujus arboris, ejusque attributorum descriptionem, si quis insuper

desideret, adeat celeberrimi *G. Pisonis Historiam naturalem Indiarum*, qui testatur ab incolis Brasilianis vocari *Inajagua çuiba*, & singula folia, pedes circiter sedecim esse longa: à quo tamen non dissentiant Auctores nostri, dum ea duntaxat sesquicubitum æquare asserunt: cum illud quod Auctores nostri ramum vocent, à *Pifone* folium, & illud quod ab Autoribus folium, ab ipso foliorum ala nuncupetur.

Præter autem varios usus, ab aliis memoratos, quos humanum in commodum suppeditat hæc *Palma*, resinam quoque fundit peculiarem, qualis mihi hoc anno ex *Zeilan* laudatissima totius orbis insula, allata: constat ea ex fermentis medium digitum latis, & funiculi in modum in longum porrectis, coloris subfusci & pellucidi, saporis autem lenti & præpinguis: quasnam verò obtineat vires & facultates, addiscere aut experiri nondum licuit.

C O C O S N U C I F E R A.

C L A S S I S

P A L M Æ P E N N A T I F O L I Æ.

Character genericus.

MASC. Cal. 3-partitus. Cor. 3-petala. Stam. 6.

FEMIN. Cal. 5-partitus. Cor. 3-petala. Stigm. 3. Drupa coriacea.

Nomen specificum.

Cocos inermis, frond. pinnatis: foliolis replicatis ensiformibus.

Synonyma authorum.

Cocos frondibus pinnatis: foliolis ensiformibus replicatis. *Jacq. hist. t. 168.*

Cocos frondibus pinnatis: foliolis ensiformibus margine villosis. *Hort. cliff. 483. Fl. zeyl. 391. Roy. lugdb. 4.*

Palma indica coccifera angulosa. *Bauh. pin. 502.*

Palma indica nucifera. *Bauh. hist. 1. p. 375. Calappa. Rumpf. 1. p. 1. t. 1. 2.*

Observationes.

Habitat in paludosis, umbris.

Foliola omnia (excepto utrinque infimo) retro-plicata sunt.

Monoica, hexandra, trigyna.

C A U N-

C*Aunga*, Ling. Bram. *Madi*, est arbor procera altitudine arborem *Tenga* æquans, nascens in arenosis.

Radix nigricans, oblonga, crassitie unius spithamæ, radículas albicantes & rufas, quæ intus lignoso filamento sunt, ex se diffundens.

Caudex crassitie unius spithamæ, maxima crassitie ad radicem, in summitate paulò minori obductus cortice viridi-claro.

Rami qui ex caudice ordinatè prodeunt, ac ordine decussato bini & bini ex se mutuo emergunt cum pede summitatem caudicis instar vaginæ seu capsæ rotundæ ac clausæ circumplectentes, exterioribus interiores circumdantibus, ac simul caput oblongum in summitate *Caungæ*, quod crassius est ipso corpore caudicis inferiore, constituentibus, rami exteriores pede fisso ac rupto post successive suo tempore decidunt; est autem pes ramorum exterius viridi-fuscus, in interiori superficie albicans, contextura ferme coriaceus, ac interiori superficie striatus, intus lignosis filamentis minus duris in longum perductus membrana candida & nitente, quæ firmæ & densæ texturæ est, obductus: pars ramorum superior quæ ex pede exit, inferius ad pedem latior est, dein sensim strictior, exterius rotunda, interius nonnihil cava ac superiora versus interiùs in medio in costam acutam extuberans ac utrinque ad costam planis oris circumscripta, in quibus foliis ex adverso oppositis est vestita exterius ut & interiùs colore viridi, ad pedem autem interiùs nonnihil flavescent, ac intus lignosis mollibus filamentis ac fungosis carneis fibris pertexta: sunt autem folia oblongo-angusta longitudine trium quatuorvé pedum & latitudine quatuor pollicum plus minus, ac instar flabellorum in duas tresvé, etiam quatuor quinqueve plicas complicata & cum plicis ex oris ramorum producta in parte interiori in plicarum angulis eminentibus costis viridi-claris obsita, & intus venis in longum striata, contextura rigida, superficie plana; viridi-fusca & nitentia in utraque parte.

In *Capitulo Caunga* quod in summitate est intra pedes ramorum foliaceorum vaginiformes *Capsæ* in quibus fasciæ ramorum ac furculorum cum floribus & fructibus includuntur, proveniunt infra singulos una, sunt autem capsæ oblongæ quatuor plus minus spithamas æquantes in una parte, qua pedi exteriori accumbunt rotundæ, in altera qua pedem internam complectuntur, cavi ambitus, superficie glabra & æquabili, ad summitatem in medio partis cavæ stria lacunosa in cuius tractu rumpunt sulcatæ, colore exterius primum viridi-diluto albicante & subflavescente, post cum ætate flavescentes, interius coloris candidi, capsæ exteriori accrescente ramus exterior, qui cum arcu includit, vi detruditur; fasciæ ramorum & furculorum quæ in capsis inclusæ constant uno pede plano quo caudicis summitati circumpositæ, suntque in ramulis crassioribus fructibus teneris dotata, & in furculis tenuibus, qui infra exortum fructuum erumpunt; spicis solis seu gemmis florum in duabus oppositis partibus obductæ; fasciæ autem hæ in ramis ac furculis primum sunt albicantes seu flavo-albicantes, dein viridescences, cum vetustiores sunt, colore viridi-fusco & duræ.

Spicæ Florum summitati furculorum obversæ sunt, suntque parvæ & angulatæ & albicantes, in tria folia rigida & cuspidata ac crassiola se aperientes, continentque in medio stamina novem albicantia tenuia sine ullis apicibus, tria longiora ex flavo albicantia, quæ à sex minoribus magis flavis cinguntur.

Fructus qui fasciis ramorum adhærent cum sua magnitudine iustâ sunt, oblongo-rotundi sunt, in ima & superiori parte strictiores, involuti cortice exteriori crasso, ac constantes pulpa rufo-rubescente, & intus in medio pulpæ medulla albicante,

cum autem teneri sunt, hi fructus candidi sunt ac nitentes, albicantibus furculis appendentes, forma non rotunda sed angulata, maxima parte foliis calycis oblongo-rotundiolis & mutuo circumvolutis circumprehensa, interius constantes pulpa densa albicante, quæ saporis nullius & astringentis; postea cum ætate pulpa molli sunt & pauca continentes in medio pulpæ humorem clarum ac multum qui cum pulpa astringentis saporis est, suntque tum dicti *Tannè-Painà*, dein pulpa interiori magis aucta sunt, ac nullum humorem in medio continentes, suntque tum fructus dicti, *Schalémbe-Painà*, cum ætate majori pulpa magis & magis indurescit nasciturque in medio in longitudine medulla albicans, diciturque, cum pulpa & medulla minus dura est, *Aria-Décca*, cum durior *Adecca*, cum maximè dura est & cortex aureo-flavus, *Paléca*; est autem pulpa, forma primum ovali habens cuspidem acutiorem ad summitatem fructus, est verò pulpa, cum tenera & humida est, colore albicante-subflavo, forma oblonga & angusta & ad summitatem cuspidata, dura, colore ex rufo-rubesciente, forma est minus oblonga ac crassior ac magis ad conum accedens, cujus basis est in ima parte fructus: pulpa, seu dura, seu mollis, cum *Bétel* addito momento calcis manditur, maximè autem mollis; Cortex pulpam circumdans corticula exteriori densiori & duriori, quæ superficie plana & glabra est, ac primum albicans, dein viridis, post cum pulpa ac medulla dura est, aureo-flavi coloris, obductus, intus constans carne primum tenera albicante, quæ majori quantitate est ad imam partem fructus, ac corticula exteriori decisa cum pulpa fructus in comestione *Bétel* simul manditur, cum fructus vetustior est, filamentis lignosis, quæ primum coloris albicantis sunt, dein cum corticula exterior aureo-flava est, coloris quoque aureo-flavi seu crocei sunt, est per textus, estque tum adeo arctè pulpæ superficie adhærens, ut non facile deglubi possit: intra medullam albicantem in basi fructus in medio oculus rotundiolus albicans conspicitur, qui germen fructus est furculum edens: quatuor *Capsæ* plus minus simul in eadem arbore in *Capitulo* reperiuntur; quinto anno à satione dat *Fructus* si terra ferax sit, ordinariè septimo, vivit quinquaginta annos, triginta vegeta est fructus proferens, post languescit, fructus post unum mensem, quo ex capsâ erupere, aquam recipiunt, post tres menses fructus omni aqua repleti sunt, post sex menses pulpa dura.

V I R E S E J U S.

Radix decocta in aqua servit pro ore sulcato si cum ea diluatur, uti & pro ejus pustulis. Succus foliorum tenerorum expressus ac cum oleo *Schirgelim* datus confert pro lumbricis.

F I G. 5. 6. 7. 8.

Arbor hæc à *C. Baubino* in *Pinace* vocatur *Palma*, cujus fructus fissilis *Faufel* dicitur, *Faufel Serapioni*, *Fisfel* & *Fufel Avicennæ*. Fructus tum alibi, tum in Regno *Malabar* à nobilioribus vocatur *Arcca*, teste *Garzia ab Horto*, ad quem plura de hac materia desiderantem lectorem remitto. Ut & *Christophorum à Costa*, qui *Avellanæ Indicæ* nomine fructus describit, eosque adhuc virentes, sub arena condi testatur, ut gustu evadant gratiores, quin & in lotionibus adstringentibus magni esse usus. Maximum autem

huic fructui famam conciliavit quotidianus ejus cum foliis *Betre* sive *Bette*, apud Indos *Magnates* & ditiores usus, ut apud jam citatos autores, *Linschoten* & *Boutium* (qui *Pynangh de Sirii* & *Sirii Boa* vocat) videre est.

Plures autem ejus dari species, testantur præter Autores nostros, fructus magnitudine & forma varii, quos inter rariora asservo. Verum quem formâ oblongâ *Arccæ* subjungit *Clusius*, toto cœlo ab eâ differt, cum nihil aliud sit, quàm Nucleus interior *Palmapini Lobelii*.

A R E C A C A T H E C U.

C L A S S I S

P A L M Æ P E N N A T I F O L I Æ.

Charactèr genericus.

Masc. Cal. . . . Cor. 3-petala. Stam. 9.

Fem. Cal. . . . Cor. 3-petala. Drupa calyce imbricato.

Nomen specificum.

Areca frond. pinnatis; foliolis replicatis oppositis præmorsis.

Synonyma authorum.

Areca frondibus pinnatis: foliolis replicatis oppositis præmorsis. Fl. zeyl. 392.

Areca f. *Faufel*, avellana indica versicolor. Raj. hist. 1363.

Palma arecifera nucleo versicolore moschatæ simili. Pulk. alm. 275. t. 309. f. 4.

Palma cujus fructus sessilis *Faufel* dicitur. Bauh. pin. 510.

Pinanga. Rumph. amb. 1: p. 26. t. 4.

C A R I M.

C A R I M - P A N A.

BORASSUS FLABELLIFER.

FIG. 9.

Carim-Panà duæ species sunt, Carim-Panà & Ampana.

Carim-Panà Bramanis Talatamadò Lusitan. Palmeira Brava fem. est arbor procera nascens in arenosis.

Radix supernè capillata, ac infernè ramum medium crassiorum rectà demittens, ac cum eo ramos transversos tenuiores, estque cortice ac ligno nigricante.

Caudex ligno rufo-nigricante, in medio corculo molli, exterius cortice seu crusta nigricante, quæ deglubi nequit, ut *Tenga*, obductus, ad crustam ligno duriorum.

Rami coronatim ac ordine decussato caudicem circumfident, suntque in pede, qui quatuor ferme cubitos oblongus, interius plani & nonnihil cavi, exterius rotundi ac in oris ob cuspides eminentes asperi & incidentes, infernè latiores ac spithamam ferme in latitudine æquantes, supernè strictiores ac latitudinem ferme unius palmi, in summitate folium prægrande, quod latissimum est, ac velut flabellum plicatum explicant; sunt autem folia hæc in plicarum oris eminentibus costis asperis obducta, in anteriore parte incisa, ac in plures cuspides stricta, contextura densa & crassa, in longum venis densis striata; rami cum tenerrimi sunt cum suis foliis flabelli-formibus candida sunt & nitentia ac folia in se plicis convoluta, antè haud incisa.

Fructus sunt externa forma similes fructibus *Tenga*, sed minores & rotundiores & in vertice nonnihil plani calyci arcto & majori & foliis mutuo circumvolutis excepti, prodeuntes ex capsulis quæ tribus foliis arcte circumvolutis constant, ac supra ex exortu ramorum erumpunt, sunt autem hi fructus calyce arcto & majori ex foliis mutuo ei circumvolutis composito excepti, corticis crassi exterius obducti corticula densa, quæ fructibus immaturis viridi-fusca, nitens ac glabra, ac iis maturis inferius supra calycem nigricans & nitens, ac sulcis seu fissuris in longum striata est,

superiùs in vertice ex viridi-flavescens seu prorsus flava, intus autem cortex pulpam habet densam, quæ primùm mollis ac alba est, dein cum fructus probè maturi sunt, filamentis lignosis, tenuioribus ac mollibus & minus duris densè pertexta ac succulenta, saporis subdulcis & non ingrati, odoris fortis ac ejusdem ut caro fructus dicti *Schacca*; in medio pulpæ corticis duæ tresve nuces oblongo-rotundæ & planæ pulpa intermedia à se mutuo sejunctæ confitæ sunt, constantque exteriùs operimento crasso ac lignoso, cum vetustiores sunt, nonnihil petroso ac summè duro, quod in exteriori superficie filamentis lignosis albicantibus arctissimè obductum est, adeo ut minus glabrum sit quàm operimentum lignosum in fructu cocos; in hisce cum teneriores sunt, intus medulla est cœrulea & transparens, crassa, mollis & gelatina ac esculenta, saporis dulcis haud ingrati, quæ cum tempore valde indurescit, adeo ut mandi nequeat.

Apud hosce Medicos non est in usu.

F I G. 9.

Hujus *Palmae Cocciferae* complicato fructu minore, folium prægrande munere Domini *Pauli Hermans*, Medici & Botanici præstantissimi, Civitatisque *Columbo* in Insula *Zeilan* Consilarii Justitiæ dignissimi, possideo. Longitudine illud tredecim, & latitudine vel modicè expansum novem pedes superat, eamque obtinet figuram, quam hic Autores nostri de-

scribunt: Verum & insuper, ubi foliorum lacinia vel divisuræ incipiunt, filamenta habet plurima, teretia, ejusdem cum lacinii longitudinis, quæ deorsim propendent. Addebat Dominus *Hermans* sexaginta milliaribus supra *Columbam* fuisse allatum, & ab incolis vocari *Talagaba*, id est, arborem umbrosam, foliis enim utuntur, umbraculi loco.

BORASSUS FLABELLIFER.

CLASSIS

PALMÆ FLABELLIFOLIÆ.

Character genericus.

MASC. Cal. . . . Cor. 3-partita. Stam. 6.
FEMIN. Cal. . . . Cor. 3-partita. Styli 3.
Drupa 3-sperma.

Nomen specificum.

Borassus frond. palmatis plicatis cucullatis, stipit. ferratis.

Synonyma auctorum.

Borassus frondibus palmatis plicatis cucullatis, stipitibus ferratis.

Borassus frondibus palmatis. Fl. zeyl. 395.

Palma coccifera, folio plicatili flabelliformi; mas, femina. Raj. hist. 1366.

Lontarus domestica. Rumph. amb. 1. p. 45. t. 10.

A M P A N A.

BORASSUS FLABELLIFER.

F I G. 10.

A *Mpana*, quæ secunda species, Ling. Bram. *Talatámado*, Lusitanis *Palmera Bràvo Machò*, cum *Carim-Pana* eadem est, tantum in eo differens, quod loco fructuum seu *Cocorum Capitula* teretia & florifera proferat; hæc autem Capitula ex *Capsis* quæ foliis mutuo circumvolutis constant, ac supra ex exortu ramorum emicant, diversis caulibus, qui duri, plani & primum albicantes, dein virides sunt, prorumpunt, in summitate unius caulis, duo triave fita; sunt autem capitula duas spithamas plus minus longa, & nonnihil incurva, primum cum caulibus albicantia, dein viridescantia & fractu facilia, in superficie plurimis squammulis quæ ex intortione apertæ summitatem eorum respiciunt, obducta.

Flores quos ferunt inter squammas ex suis oculis emicant in tractibus spiralibus, at non signatis, ac sibi mutuo parallelis confiti: suntque stellulæ constantes tribus parvis interiùs cochleato-cavis ac rigidiusculis foliolis, quæ primum cum capitulo albicantes, dein viridescantes sunt, constantes, continentque in medio quinque vel sex tenuia stamina, quæ apicibus albicantibus, subflavis & grandiusculis ac striatis dotata sunt.

In hisce *Capitulis* floriferis intra carnem proximè ex adverso oculorum florum *Gemmæ* oblongo-rotundæ ad superficiem erectæ, quæ glabro loculamento occlusæ sunt, continentur, quorum oculis flores inserti sunt.

Apud hosce Medicos non est in usu.

F I G. 10.

Palma hæc ab aliis non descripta, non incommodè meo iudicio vocabitur *Palma Malabarica*, flosculis stellatis, fructu longo squammato.

Mirus verò naturæ lusus in hac & præcedente specie considerandus venit, quæ Plantis quoad

cætera simillimis, toto cœlo discrepantes flores & fructus apposuit.

An autem eam ob rationem, ex Legibus naturæ, à Clarissimo *Morifono* exhibitis distinguenda, unicuique iudicandum relinquo.

B O R A S S U S

BORASSUS FLABELLIFER.

C L A S S I S

P A L M Æ F L A B E L L I F O L I Æ.

Character genericus.

MASC. Cal. . . . Cor. 3-partita. Stam. 6.

FEMIN. Cal. . . . Cor. 3-partita. Styli 3.
Drupa 3-sperma.*Nomen specificum.*Borassus frond. palmatis plicatis cucullatis,
stipit. ferratis.*Synonyma auctorum.*Borassus frondibus palmatis plicatis cuculla-
tis, stipitibus ferratis.

Borassus frondibus palmatis. Fl. zeyl. 395.

Palma coccifera, folio plicatili flabelliformi;
mas, femina. Raj. hist. 1366.Lontarus domestica. Rumph. amb. 1. p. 45.
t. 10.

Capitula isthæc & figurâ & texturâ suâ se genuinos julos seu nucamenta esse produunt: unde arborem hanc à præcedente specie distinctam esse non concedimus. Stantibus ergo naturæ legibus à Morisone exhibitis non necesse est ut hæ arbores disjungantur, cum altera florifera tantum sit, altera fructifera; sexu distinctæ, non specie: quod idem & Salici & Palmæ dactyliferæ, & aliis præterea arboribus accidit. At verò si fructum respicias secundum leges istas Palmæ ad diversa genera reducendæ sunt. Aliæ scilicet ad Pruniferas, quarum fructus pulpâ humidâ molli officulum ambiente constat; Aliæ ad Nuciferas, quarum fructus pro exteriore etiam tegumento materiam habet sicciorem. At neque figurâ conveniunt Palmarum fructus, ut earum descriptiones attendenti manifestum fiet, neque officulorum seu seminum numero: Alii, enim & quidem pleraque simplex officulum habent, alii, geminum aut etiam plura.

RAY.

S C H U N D A - P A N A.

C A R Y O T A U R E N S.

F I G. II.

S *Cbunda-Panà*, Ling. Bram. *Biralà-Madò*, est arbor procera nascens in arenosis.

Radix est rufo-obscuro cortice obducta, intus in medio ligno molliori, fibris hinc inde vestita.

Caudex ambitu amplexum duorum hominum implens in superficie obductus cortice seu potius crusta cinerea quæ deglubi nequit. Ad crustam est ligno duro interiùs medio ferme ambitus diametro ligno molli.

Rami qui ex caudice ordinatè prodeunt ac ordine decussato bini & bini ex se mutuo exsurgunt cum pede caudicem circumfident, quemadmodum rami *Ténga*, eumque reticulato raro cortice, cujus filamenta ex oris pedis originem sumunt, circumvestiunt, suntque in pede tenues & cavi, ac tomentosa rufa lanugine exteriùs obsiti, ac tactu velut coriacei, interiori superficie albicantes seu ruffi, inferiùs latiores, parte superiori, quo à caudice reflectuntur, sunt rotundiores & duabus lacunis latis interius utrinque in longum striati, ex quibus versus oppositas partes furculos foliaceos qui angulati, virides, interius striati sunt, ac ad exortum extuberantes emittunt, exterius virides ac pilosa lanugine, quæ facile deteri potest, obsiti, intus filamentis lignosis laxè per texti, suntque ob lignum paucum leves.

Folia in furculis ramorum ad interiorem partem exoriuntur caulem investientes, ac versus duas oppositas partes obversa, suntque oblonga ac velut triangulari ambitu circumscripta in una parte anteriora versus longiori ora, in altera quæ furculum proximè contingit, breviori excurrentia, ac cum duabus oris ad exortum angulum rectum acutum efficientia, atque adeo anteriùs latiora, ac in anteriori ora, quæ inter duas laterales intermedia est, ac cum ora interiori ac breviori angulum obtusum, cum exteriori ac longiori angulum acutum efficit, cuspidibus acutis eminentia, suntque contextura rigida, venis ex angulo exortus prodeuntibus, quæ certis intervallis velut nervi eminentes in adversa parte extuberant, striata in longum, superficie utraque glabra ac viridifusca, & valde nitentia; folia quæ in summitate ramorum oriuntur ex ramo tanquam costa intermedia protenduntur.

Flores & Fructus in capsis oblongis, quæ ex caudice supra originem furculorum foliaceorum transversum prodeunt, ac oblongæ sunt unum brachium, ac quatuor quinqueve viridibus scutellatis corticibus constant, simul proveniunt furculis numerosis, qui capsis apertis ex iis erumpunt, ac ramo medio crassiori coronatim circumpositi octo plus minus cubitos longi evadunt & graves fascias constituunt densò ordine arcuè infidentes.

Sunt

Sunt autem flores spicei; oblongo-rotundi, ac longitudine ferme unciali rectà furculis impositi ac nonnihil posteriora versus reflexi, & bini ac bini passim ex adverso ad se invicem siti, cum se aperiunt in duo, sed maximè ac ad summum in tria folia, quæ surrecta & cuspidata, rigida, dura, crassa, nullis venulis striata, ac interiùs nonnihil cochleatæ-cavæ sunt, se dividunt, uti & manuum pressione resolvuntur, colore primùm sunt viridi, post rubescente, seu purpureo-rubescente, dein flavescente, alii aperti, alii clausi atque adeo etiam diversi coloris, alii rubri, alii cœruleo-rubri dilutiùs, vel intensiùs, alii flavi.

E medio horum spiceorum foliorum emicat penicillus angustorum, flavorum, surrectorum ac striatorum foliorum, quæ instar staminum sunt.

Gemmæ fructuum juxta spiceos flores siti sunt, suntque minores quàm flores, rotundæ ac in vertice cuspidatæ, & cum cuspidate anteriora versus reflexæ, quæ floribus deciduis remanent ac in fructus excrescunt.

Sunt autem fructus, cum in justam magnitudinem excrevere, confertissimo suo numero fasciam ramorum valde onerantes, plano-rotundi furculis, qui striati sunt, sine petiolis infidentes, primum cum immaturi, duri ac virides, dein flavi, ac vetustiores rubicundi, cum probè maturi, rubicundo-obscuri & nitentes, constantes cortice tenui & carne intus molli & rubra, quæ ex gustu linguam acerrimè pungit & lancinat.

Intus *Semina* seu *Nuclei* duo duri sunt, totam ferme capacitatem fructus replentes, forma oblongi, una parte rotunda, altera qua sibi mutuo accumbunt, plana, striis lacunosa, colore exterius rubro, ac carne intus albicante cœrulea & rubra.

Apud hosce Medicos non est in usu.

F I G. II.

Arborem hanc *Palma Dactylifera* esse speciem, non est quod quis dubitet: & nisi fructus carnem linguam acerrimè pungere & lancinare traderent Autores, non incommode ad *Palmam Americanam* fructu racemoso *C. Bau-*

hini referri posse, opinarer. Quin & putem, figuram illam quam *Exoticorum* Lib. IV. Cap. XII. *Chamæripes Peregrina* nomine, exhibet *Clusius*, nihil aliud esse, quàm racemum aut fasciam, cui adhæserunt hujus arboris fructus.

C A R Y O T A U R E N S.

C L A S S I S

P A L M Æ B I P E N N A T I F O L I Æ.

Character genericus.

MASCUL. Cal. communis. Cor. 3-partita. Stam. plurima.

FEMIN. Cal. idem. Cor. 3-partita. Pist. 1. Bacca 2-sperma.

Nomen specificum.

Caryota frond. bipinnatis: foliolis cuneiformibus oblique præmorsis.

Synonyma authorum.

Caryota frondibus bipinnatis: foliolis cunei-

formibus oblique præmorsis. Fl. zeyl. 396.

Palma indica, folio bicomposito, fructu racemoso. Raj. hist. 1365.

Palma dactylifera, fructu acerrimo. Plum. spec. 3.

Seguaster major. Rumph. amb. 1. p. 64. t. 14.

Observationes.

Palmarum omnium historia fructificationis adhuc imperfecta est, nec sufficit industria Rheedi, cui tamen debemus in his quidquid adhuc certi innotuerit. Utinam exotici Botanici nobis traderent distinctas harum species, & genera, etiam ex structura frondium, quum serius & rarius apud nos floreat.

LINN.

B A L A.

B

A

L

A.

MUSA PARADISAICA.

FIG. 12. 13. 14.

B *Ala* lingua Bramanum *Kely*, est arbor ad duum hominum altitudinem assurgens, nasciturque in arenosis.

Radix crassa est duas spithamas ac tres oblonga, ambitu rotundo, plurimis fibris capillatis, quæ intus lignosæ sunt, vestita, exterius fusca ac nigricans, intus carne albicante, quæ saporis aquei, subdulcis & subastringentis est, quæ incisa humorem albicantem nonnihil unctuosum, qui saporis subdulcis & valde astringentis est, exudat, ac illicò subrubro, seu persico colore suffunditur; intervallo ferme pollicari ab ambitu annulo seu circulo tenui parum lignoso ac etiam molli in orbem pertexta conspicitur, ex quo fibræ radicis filamenta recipiunt, ac plurima filamenta lignosa tenuissima versus corticem hinc inde deducuntur, rarissima autem ac breviora versus interiores annuli partes.

Ex radice *Rami foliosi* simplices, quorum interiores ex exterioribus, à quibus arcè comprehenduntur, ordine ferme decussato emicant pede recto & oblongo, qui unius seu duum etiam hominum altitudinem metitur, assurgunt, cum superiori parte, in qua foliis vestiti sunt magis minusve à pede reflexi ac pandi, sunt autem in pede exterius rotundi, interiùs cavi in ima parte pedis quâ superficiei radicis annulari tractu insident ac superiori æque lati ac latitudine unius spithamæ, in media pedis latitudine crassi ferme unum pollicem, ac inde versus oras sensim extenuati exterius cortice glabro & subviridi seu etiam viridi-flavescente, qui in filamenta candida; dura & valida in longum protrahi potest, interiùs corticula seu membrana glabra & candida obducti; intus in longum perducti numerosis parietibus, albicantibus, simplicibus, parallelis, qui singuli venulis intus in longum striati sunt, ac plurimis transversis membranaceis intersepimentis in camerulas seu loculos, qui cortice exteriori & interiori occlusi sunt, distincti, sapore aquoso haud adstringente; superiori parte, qua à pede magis minusve reflexi sunt ac pandi, majori sunt crassitie, & minus lati, cum maxima latitudine infernè, inde sensim usque ad apicem strictiores, exterius rotundiores, ac interiùs rotundiore cavitate, ac in oras extenuatas stricti, intus quoque ejusdem texturæ ut in pede, suntque rami intervallo à pede ferme spithamæ, seu etiam cubitali, nullo folio vestiti, inde usque ad apicem vestiti uno folio, constituuntque velut mediam costam foliorum, cujus latera ex ejus oris tenuibus utrinque excurrunt: cum teneriores, colore sunt in totum albicante, cum vetustiores, viridi-diluto ac cœruleo rore conspersi, dein cum majori ætate flavescentes.

Folia, quæ ramorum superiorem partem investiunt, oblongo-rotunda & lata sunt cum suo ramo medio seu costa longitudine ferme sesquihominis, in medio maxima latitudine, quæ ferme est unius cubiti, & inde versus apicem & imam partem strictiori, suntque superficie glabra, lenissima ac æquabilissima, subtilissimæ texturæ, adeo ut aqua in iis sparsim diffusa illico in rotundissimas guttulas se colligat, viridis in recta vividi & nitentis, in adversa minori nitore, saporis subadstringentis & subdulcis, venulis densis subtilissimis & parallelis, quæ ex oris costæ seu rami medii transversim excurrunt ac initio sui tractus ex inferiori costæ parte conspicue deducuntur, striata & in margine rubro limbulo cincta, in quem venæ tractu

superiora versus inflexo incurrunt, intervallis autem ordinatis ac ferme semidigitalibus venulis magis nitentibus sunt, ac in earum tractu in recta parum extuberantia, & in adversa rugulis tenuiter striata, ac in ipsis costæ oris in tractu suo obliquè ex inferiore costæ parte conspicuè deducuntur, ac in margine ubi teneriora cum suo ramo in totum sunt albicantia, & in parte recta album sericum ex vividissimo candore & nitore æmulantia; folium intimum quod ex radice prodit ac ab aliis comprehenditur, in se convolutum est.

Post foliorum omnium, quæ ex radice originem sumunt, exortum, unus *Caulis* rotundus, qui parte inferiore nonnihil crassior, ex medio pedum ramorum foliaceorum è radice exsurgit in summitate cono nodulatus, ac ex eo hinc inde diffitis intervallis rami tres quatuorve, quorum superiores conum obtegunt ac involvunt, emergunt, quibus apertis & relaxatis conus se foras prodit arborisque partus conspicitur; horum autem ramorum folia trium quatuorve digitorum transversorum seu palmi vel spithamæ intervallo à superiori parte pedis eos investiant, suntque minus oblonga quàm quæ in prioribus ramis ac minori intervallo puta palmi vel spithamæ plus minus à pede exorta.

Caulis in parte ea, quæ à pede ramorum investita est, albicans & mollis ac tener est parte superiori, quæ cum cono foras se prodit, viridescit ac durior evadit, & filamentis nonnihil lignosis est pertextus, ac cum tempore magis magisque pandus, estque intus in totum fistulosus ac saporis aquei, subdulcis & subadstringentis, ubi confringitur, plura filamenta candida ex superficie partium confractarum deducuntur ac longè protrahuntur; hic tener coctus ac à filamentis separatus est in eduliis: succus in parte superiori contentus magis adstringens est & sublacteus ac unctuosus.

Flores ac *Fructus* simul in cono proveniunt; est autem conus spithamam longus, constans ex foliis plurimis oblongo-rotundis antè contractioribus, grandiusculis, crassis, & sibi mutuo superimpositis, ac clausis, & in diversas series dispositis: quæ coriacea, exterius corrugata ac sulcis & interius venis in cuspidem desinentibus striata sunt; quæ exteriora folia, colore sunt exterius rubro-fusco & subcæruleo rore conspersa, ac in interiori superficie sanguinea; quæ interiora, colore flavo & magis ac magis albicante, cum tener est, conus cum suo caule colore in totum est albicante; intra singula hujus conici folia quæ unum post alterum se aperiunt ac dein decidunt, flores cum fructibus quibus insident seu flores soli includuntur, & quidem intra folia exteriora & inferiora flores cum fructibus simul, quibus insident, intra folia autem interiora & propius ad cuspidem conici sita, flores soli sine fructibus.

Sunt autem *Flores*, qui *Fructibus* insident, constantes quatuor foliis, tria sunt oblonga, surrecta & rigida, infernè latiora ac sensim in angustum contracta, crassa, nonnihil pellucida, albicantia, & nitentia, ac venis in longum striata, superius in cuspidem flava, atque eorum unum, quod exterius situm, latius est & superne in tres cuspidem flavas incisum, duo cætera angustiora & in unam cuspidem contracta, atque ex hisce duobus unum quod folio latiori magis proximè adjacet cochleatæ cavitatis tenue & magis transparens, quartum folium quod inter duo folia oblonga, crassiora confitum est, & ex adverso folii oblongi tenuioris, est instar vesiculæ seu folliculi rotundi interiora versus convolutum, candidissimum, nitens, ac maxime transparens, tenuissimis venulis in longum striatum, minus oblongum, ac in ora rotunda verticis cuspidem crispata eminens, in se, cum nondum apertum est, humorem limpidum, unctuosum, ut ovi albumen, sed tenuiorem, ac subdulcem, instar mellis, continens.

E medio *Florum* ex umbilico fructus quinque *Stamina* cum *Stylo oblongo* exsurgunt: *Stamina* erecta plana, & lata, ac parum crassiola, sunt ejusdem longitudinis, & candida.

Stylus Rotundus, crassus, oblongus, supra stamina ferme dimidia longitudine eminens, ac folia oblonga longitudine ferme æquans, inferius crassior, coloris albicantis & rubescentis, in vertice uno nodo crasso, plano, rotundo, ac velut cereo & nonnihil ex albo fusco dotatus.

Flores qui nullum fructum dant prioribus ferme similes, sed nonnihil ab iis differentes, constantes tantum duobus albicantibus foliis, uno oblongo, surrecto & interiora versus contracto, ac supernè in quinque cuspides flavas, quarum duæ interiores angustiores sunt, inciso, quod in foliis prioribus est tricuspdatum, & altero folliculiformi tenui minori, quod à folio majori circumvoluto includitur, quod idem est ut folliculiforme folium in prioribus floribus, sed minùs amplum ac etiam liquorem subdulcem continens.

Stamina, quæ in hisce quoque quinque candida, sed oblonga sunt, ferme ad nodum styli exsurgentia, inferius nitentia & rotundiola, & supernè plana ac interiùs utrinque ad oras futura eminente fusca obfita; stylus oblongus, crassus, albicans, uno nodo crasso striato est dotatus: sunt autem hi flores pede rotundiolo, unciali, denso & carnoso, qui exterius & intus est albicans, ac tenerimum fructus germen referens, constantes, ac suo pede ad ungues foliorum coniformis capituli, quod eos includit, semiannularibus extuberantiis caulis seriebus ferme binis surrecti ac densè ad se invicem juncti, insidentes, ac oculos albicantes decidui relinquentes.

Fructus in suo *Caule* fasciatim seu plures congregatim proveniunt inferioribus semiannularibus extuberantiis caulis, quæ eo excrecente latius deducuntur, & quò magni inferiores sunt, eò latiore intervallo distant, positæ seriebus ferme binis plures ut duodecim, quatuordecimvè plus minus ad se invicem surrecti insidentes, ac in novem, decemvè distinctis ordinibus plus minus caulem circumstantes, suntque oblongi longitudine plus minus unius spithamæ, cum maturi sunt minus angulati seu rotundi, constantes cortice æquabili, crassio, exterius flavo, cum immaturi sunt, intus pulpa flava, densa, & molli, ac unctuosâ, quæ saporis dulcis & grati ac ad corticis interiorem superficiem carne minus densa seu fungosa & albicante obducti, transversim secti in carne nota magis fusca seu rufa velut signo crucis interstincti, ac punctulis hinc inde nigricantibus conspersi, cum immaturi sunt, magis angulati, cortice viridi, qui, cum tenerimi sunt, primum est albicans, intus pulpa minus molli, & albicante, ac saporis adstringentis, ac expressi, liquorem exstillantes spissiore, unctuosum, ac viscidum, qui in pannum decidens eum inficit macula, quæ nullo negotio elui potest.

Fasciæ horum *Fructuum* in uno caule ordinario tres pedes plus minus oblongæ sunt.

Semina in iis communiter nulla.

V I R E S E J U S.

Radix contrita & epota in lacte vertiginem capitis sedat; ejus aqua cum saccharo permixta proficuè ebibitur pro ardore renum, quin & eadem aqua simpliciter epota pro doloribus ex urina abortis confert, daturque proficuè iis, quorum corpus argento vivo distillato infectum est, ut & iis qui inter edendum capillos hauserunt: corculum arboris putà caulem albicantem, qui fructum fert, tritum & cum melle intus sumptum malis oculorum convenit, ad quod etiam servit butyrum in quo fructus seu fici in frusta secti tosti sunt, epotum.

Bála ex diversitate fructuum plures ac diversæ sunt species, ut *Néndera-Bála* quæ fructum fert oblongiorem cæteris, qui in cortice est, colore rubro, & intus carne rubefcente, suntque ejus species *Néra-Nenderæ*, quæ fructibus est grandioribus, & *Curvò-Coddè*, quæ fructibus est minus oblongis, *Cadali-Bála* fructus fert gratis & jucundi odoris, qui cortice sunt tenui; ejus species *Schéru-Cadali*, quæ minores fructus fert, & *Erada-Caduli*, quæ sapore præferuntur: *Puam-Bála* fructus fert exactè rotundos, & oblongiores, ac crassiores quàm *Cadali-Bála*, qui saporis sunt optimi, estque ejus species *Turendle-Bála* utpote grandior. *Mánnem-Bála* fert fructus angulatos quatuor superficierum, qui carne non-nihil oleosa ac pingui, sunt saporis magis dulcis, cortice crasso, habetque hæc folia crassiora cæteris & magis lata ac oblongiora; *Cinga-Bála* fert fructus oblongos ut *Nendera-Bála*, sed minùs crassos, & qui maturi viridi-clari sunt; *Canim-Bála* fructus fert multo minores cæteris, qui maturi, coloris sunt subflavi; ejus species est *Schúndila-Canim-Bála*, quæ fructus fert valde parvos ac minores cæteris, ac nullos alios flores nisi qui in fructibus insident, atque adeo ramum totum usque ad verticem fructibus oneratum: *Calèm-Bála* fert fructus cortice crassio, in quibus semina nigra continentur. *Bangála-Bála* flores fert, qui sunt colore cæruleo-fusco.

Bála species communiter intra sex menses flores ferunt; *Puam-Bála* autem intra duodecim menses, fructus post quatuor menses maturefcunt; una arbor unum caulem ex radice edit ac fructu dato & ad maturitatem perducto emoritur, stolonibus qui ex ejus radice circumquaque expullulant in arbores ex-crescentibus.

F I G. 12. 13. 14.

Nescio quid *C. Baubinum* moverit, quod hanc arborem in *Pinace* vocaverit, *Palmam humilem longis latisque Foliis*, cum non duntaxat Autores nostri, sed & alii testes oculati, proceram esse, & duorum hominum altitudinem æquare, testentur. Forsan *Gesnerus*, qui *Pamilam* vocat, vel *Oviedus*, qui pro loci ratione, *Pumilam proceramve* esse asserit, huic opinioni ansam præbuit. *Musa* vel *Muza* vulgo vocatur *Serapionis*, *Mauz Egyptiis*, *Alpino*, *Muz* & *Gemez Mauritanis*, *Guillandino* teste: *Pala* quoque vocatur *Plinio*, & *Quelli Bengalesibus*, nominibus procul dubio, à *Malabarensium Bala*, & *Bramanum Kely* mutuatis: *A Brasiliensibus*, ubi, *Pisone* teste,

abundè luxuriat, *Banana* & *Pacobuçu* vocatur. Parum autem sibi constat *C. Baubinus*, dum à se invicem disjungit *Musam*, & *Ficum Indicam Racemosam* sive *Banana*, cum revera una & eadem sit arbor, licet ratione fructus, aliquot ejus dentur differentiæ, ut pluribus etiam nostri Autores inculcant.

Arbusculam quoque tenellam, satis tamen vegetam, hoc anno ex *Zeilan* ad nos attulerunt, reduces inde naves, quæ an hyemem feret, dies docebit.

Num porro sit *Dudaïm* in *Bibliis*, *Uva* quam ex terra benedicta *Moyse* attulerunt, *Ficus Pharaonis*, vel *Pomum Paradisi*, judicent alii.

M U S A P A R A D I S A I C A.

C L A S S I S

P O L Y G A M I A M O N O E C I A.

Character genericus.

HERMAPHRODITUS. Cal. spatha. Cor. 2-petala: altero erecto, 5-dentato; altero nectarifero, concavo, brevior. Filamenta 6, horum 5 perfecta. Stylus 1. Germen inferum, abortiens.

HERMAPHRODITA. Calyx, Corolla, Filamenta, Pistillum hermaphroditi, filamento unico perfecto. Bacca oblonga, 3-quetra, infera.

Nomen specificum.

Musa spadice nutante, floribus masculis persistentibus.

Synonyma auctorum.

Musa spadice nutante, floribus masculis persistentibus. LINN.

Musa racemo simplicissimo. Hort. cliff. 467. Hort. upl. 301. Fl. zeyl. 368. Roy. lugdb. 10. Hasselq. it. 492. Gron. orient. 324.

Musa cliffortiana. Linn. mus. 1. t. 1. Trew. ehret. t. 18, 19, 20.

Musa. Clus. exot. 229. Sterb. citr. t. 4. Rumph. amb. 5. p. 125. t. 60.

Ficus indica, fructu racemoso, folio oblongo. Bauh. pin. 508.

Palma humilis, longis latisque foliis. Bauh. pin. 107.

Observationes.

Hybrida planta matre *Bihai*, patre ignoto. LINN.

A M P A -

A M B A P A J A.

C A R I C A P A P A Y A.

F I G. 15.

P *Apája* duæ sunt species, una *Amba-Pája*, altera *Papajámaram*.

Amba-pája ling. *Bram. Dadul-Papája*, est arbor ad altitudinem quatuor hominum assurgens, fruticosa, nascens in arenosis.

Radix rectà se demittens, estque albicans, constans cortice ac carne albicante, humida & pingui sine ligno, estque odoris fortis, oleosi & graveolentis, saporis quoque pinguis & ingrati.

Stirps simplex est pedem crassa, estque ad radicem intus solida, albicante, humida & pingui carne repleta, superiori parte cava ac distinctis intersepimentis carneis pingui-humidis, & albicantibus clausa, constantque cortice denso, viridi & pingui-humido, qui filamentis minus lignosis est pertextus, ac intus, ubi cava est stirps, membrana tenui & albicante vestitus.

Folia cauliculis cavis, viridi-dilutis & albicantibus, ac intus quoque pingui-humidis, qui duos ferme pedes longi sunt, ac ad stirpis interiora intersepimenta erumpunt, & ad originem paulò crassiores sunt, insident, suntque laciniata, incisa in septem lacinias seu folia, quæ singula antèrius cuspidata sunt, ac cuspidibus lateralibus eminent contextura tenuia, mollia & lenia, viroris in adversa fusci, in recta communis.

Ex petiolo septem *Costæ* majores & viridi-dilutæ ad extremos cuspides cujusque folii excurrunt, quæ hinc inde costulas transversas diffundunt.

Cauliculi novi è summitate caudicis semper erumpunt, vetustioribus, qui in inferiori parte stirpis sunt, deciduis, ac notas albicantes in ejus cortice viridi relinquentibus.

Flores in petiolis tenuioribus, rotundis, tres spithamas longis, viridi-dilutis, qui intus corculo sunt albo, ac in medio tubulo pertusi, pingui-humidi, ac supra ex origine caulium quibus folia insident oriuntur, plures congregatim

congregatim ac umbellatim proveniunt, suntque albicantes, odoris grati & jucundi, quinque oblongo-rotundorum foliorum in stellæ formam expansorum cum pedunculo viridi-diluto, albicante, calyci parvo, arcto & viridi-fusco infidentes: folia crassiola sunt & densæ texturæ sine venis, in exteriori superficie in uno latere coloris viridi-diluti albicantis ut pedunculus, ac reliquo latere in quo etiam exterius coloris albicantis sunt, crassiora. Ex medio emicat corculum flavum constans decem oblongis apicibus qui brevissimis stamunculis ad unguiculos foliorum superiori pedis parti in duabus seriebus interiùs affixi & inserti sunt.

Gemmæ Florum oblongo-rotundæ, primùm virides, dein subflavo-albicantes.

Fructus fert nullos.

Flores fert toto anno.

Tota hæc planta seu frutex aut arbor est pingui-humida, ejusque humor qui ex radice vel stirpe vel caulibus foliorum ac florum incisus exsudat, est primùm aquei subcœrulei & subalbicantis coloris ac transparens, qui ex attactu aëris confestim in unctuosam, magis albicantem & subcœruleam materiam inspissatur.

Aqua quæ ex fl. distillatur, odoris est pinguis ac moleolentis.

Apud hosce Medicos non est in usu.

CARICA PAPAYA.
CLASSIS
DIOECIA DECANDRIA.

Character genericus.

Mas. Cal. subnullus. Cor. 5-fida, infundibuliformis. Filamenta in tubo corollæ: alterna breviora.

Fem. Cal. 5-dentatus. Cor. 5-petala. Stigmata 5. Bacca 1-locularis, polysperma.

Nomen specificum.

Carica foliorum lobis sinuatis. Rumph. amb. 1. t. 50. 51. Trew. chret. t. 7. Hugh. barb. 181. t. 14. 15.

Synonyma authorum.

Carica foliorum lobis sinuatis. Hort. cliff. 461. Fl. zeyl. 365. Roy. lugdb. 225.

Carica fronde comosa, foliis peltatis: lobis varie sinuatis. Brown. jam. 360.

Arbor platani folio, fructu peponis magnitudine eduli. Bauh. pin. 131. Mer. sur. 40. t. 40. & t. 62. 64.

Ficus arbor utriusque indiæ, platani foliis, monopeteches. Pluk. alm. 145. t. 278. f. 1.

Papaya fructu oblongo, melonis effigie. Trew. chret. t. 7.

Papaya. Ehret. t. 3. f. 1.

PAPAYA-

P A P A J A M A R A M.

C A R I C A P A P A Y A.

FIG. 15.

P *Apajmaram*, quæ secunda species est, *Papaja* ling. Bram. *Pápaja*, arbor minus excelsa, caudice minus crasso, cum priori in floribus differens, ut & quod fructus habet.

Flores ex quorum medio seu orificio fructus erumpunt cum suis fructibus parvis petiolis in stirpe hinc inde proveniunt, alibi sunt & odoris jucundissimi, constantes quinque foliis oblongis, quæ anteriora versus rectis oris in cuspidem se contrahunt, ac rigida, crassa, & densa sunt sine venis conspicuis, exteriora versus cum cuspidem reflexa ac intorta.

Calyx, quo continentur, quinque brevium cuspidum est, qui foliis florum deciduis fructum inferius complectitur.

Fructus qui singuli ex medio uniuscujusque floris erumpunt, nullo vel tenuissimo sunt cortice, carne densa & solida ac pingui-humida; cum immaturi, carne sunt albicante & saporis pinguis ac astringentis, exstillantes humorem aqueum subalbicantem & subcæruleum, qui inspissatur, ex maturitate carne interius flavescente, ac saporis haud ingrati pingui-dulcis, intus grandi cavitate ac in interiori superficie, quæ in longum quinque rotundis lateribus excurrit, fungosa carne obducti.

Semina in interiori superficie inter fungosam carnem numerosa in quinque seriebus confita sunt, quæ in medio rotundorum laterum à se mutuo interstinctæ sunt, suntque officula rotunda, angulata aspera & nigra, singula involuta in propria membrana albicante, ac transparente, & nitente, ac parvis & tenuibus umbilicis adhærentia nucleo intus albo.

Fructus, cum teneri sunt, & in medio florum confiti, superiora versus in cuspidem contracti seu conici sunt, ac in cuspidem quinque angustis, crassis,

crassis, subflavis foliis, quæ in anteriori parte latiora, & in cuspides divisa sunt coronati, ac incisi gemmulis rotundis albicantibus in interiori superficie obsiti sunt.

Fructus fert toto anno.

Apud hosce Medicos non est in usu.

F I G. 15.

Hæ arbores quoque duobus in locis, seorsim diversisque nominibus à C. Baubins proponuntur in *Pinace*.

Primum Libro XI. Sect. v. *Capite de Platano*, hisce verbis: *Arbor Platani folio fructu Peponis magnitudine eduli, Mamacra ipsa arbor: at fructus Mamaon, ab uberum forte similitudine: Lusitanis in America est mas sterilis, fœmina fructifera, Clus. cur. post.*

Deinde Libro XII. Sect. I. *Capite de Ficu*, sequentibus verbis: *Ficuum specie fructus Peruanus, Papaje fructuum genus ficuum specie.*

In utraque India satis frequens conspicitur, à *Boutis* arbor vocatur *Melonifera* s. *Papayo*, à *Pisone* *Pinoguaçu*, qui marem æque ac fœminam fruc-

tum ferre refert (secus ac *Clusius*, nostrique autores statuunt) licet minorem & oblongiorem, falsumque esse fœminam non ferre fructum, nisi mas addet: quod & confirmat *Rochefortius*.

Fabius Columna suis in *Reccium Commentariis*, hujus quoque arboris nomine *Papayo Orientalis* & *Peponis arborentis* mentionem facit, testaturque se ejus semen unà cum accuratissimâ Plantæ descriptione accepisse, à famigeratissimo *Petro de Valle*, è duodecimo peregrinationis suæ anno reducere: Nobis etiam ex Occidentali India quandoque fuit transmissum, & feliciter germinavit, verum hyemalis culturæ impatiens, & frigoris exosa, nunquam perennavit.

CARICA PAPAYA.

CLASSIS

DIOECIA DECANDRIA.

Character genericus.

MAS. Cal. subnullus. Cor. 5-fida, infundibuliformis. Filamenta in tubo corollæ: alterna breviora.

FEM. Cal. 5-dentatus. Cor. 5-petala. Stigmata 5. Bacca 1-ocularis, polysperma.

Nomen specificum.

Carica foliorum lobis sinuatis. Rumph. amb.

1. t. 50. 51. Trew. ehret. t. 7. Hugh. barb. 181. t. 14. 15.

Synonyma authorum.

Carica foliorum lobis sinuatis. Hort. cliff. 461. Fl. zeyl. 365. Roy. lugdb. 225.

Carica fronde comosa, foliis peltatis: lobis varie sinuatis. Brown. jam. 360.

Arbor platani folio, fructu peponis magnitudine eduli. Bauh. pin. 131. Mer. sur. 40. t. 40. & t. 62. 64.

Ficus arbor utriusque indiæ, platani foliis, monopeteches. Pluk. alm. 145. t. 278. f. 1.

Papaya fructu oblongo, melonis effigie. Trew. ehret. t. 7.

Papaya. Ehret. t. 3. f. 1.

I L R.

A R U N D O B A M B O S.

F I G. 16.

IL R lingua Bramanum *Váfi*, nostra communi *Bambù*, est Arbor nascens in arenosis, in excellam altitudinem, quæ eam *Ténga* exsuperat, evadens.

Radix ab ipso stipite non multum differens, nisi quod albicans & plurimis radiculis seu fibris sit vestita, ex geniculis, quibus distinctus est, novos oculos seu cauliculos geniculatos emittit, atque hi etiam alios ex quibus tanquam novis radicibus caules plures simul juncti assurgunt, atque ita caules novelli cum suis radiculis avulsi profeminantur; Caules autem rotundi, cortice viridi, duri & geniculati sunt ex geniculis novos ramos furcalosque emittentes, atque in ipsis geniculis spinis oblongis, rigidis, acutis, uno vel etiam duobus pluribusve muniti, intus fistulosi fistulis subtilibus.

Stipites, qui ex radice ipsa exsurgunt, ad duorum triumve hominum altitudinem se erigunt, priusquam laterales ramulos seu furculos diffundunt, ac crassitie ferme unius spithamæ evadunt, cum teneri ac novelli sunt stipites, uti & rami ferme solidi, in medio uno tantum parvo tubulo pervii, cum maximè novelli sunt, in medio, ubi tubulus aperitur, nota albicante sunt; cum vetustiores, intus cavi, & ad geniculos intersepimento lignoso clausi, & interiùs membrana tenui, albicante obducti, constantque lignosis, duris, albicantibus filamentis, cum teneriores sunt, exteriùs viridi-fusci; cum vetustiores, ex albo flavi & nitentis coloris, nullo cortice, qui lignosis filamentis interstinctus est, vestiti: Stipites hujus arboris cum vetustiores sunt, aliquo genere calcis in cavitate obducuntur, quæ usui medico servatur.

Folia, quæ geniculis caulium brevissimis petiolis insident, longa & angusta sunt longitudine unius spithamæ, latitudine quæ ad petiolum maxima est, digitali, versus summitatem sensim stricta, venis in longum striata, & in exteriori parte in medio uno nervo obsita, oris aspera si versus inferiora stringantur, viroris utrinque communis.

Flores in spicis squamosis, qui nodulis caulium congregatim insident, proveniunt, atque ex spicis apertis tenuissimis filamentis dependent, intra quas se deinde recipiunt velut flores spicati oryzæ, suntque deinde in spicis tritico similes, nisi quod minores sunt; sexagesimo anno à satione, ut ferunt, hæc arbor flores fert per unum ferme mensem proximè ante florum exortum, primum omnibus foliis spoliatur, & postquam defloruit, emoritur.

Corticis & Foliorum decoctum epotum servit ad sanguinem in corpore ex vulnere retentum expurgandum, confertque etiam puerperis ad materia sanguinolentæ, quæ post partum retenta est, excretionem. Calx quæ in stipitibus vetustis crescit, prodest in stranguriâ, iisque qui urinam purulentam mingunt.

FIG. 16.

Arundinem hanc Autores nostri inter arbores describunt, eodem quo *C. Baubinus* jure, cui in *Pinace* dicitur, *Arundo arbor*: in qua humor lacteus gignitur, qui *Tabaxir Arabibus* & *Avicennæ Mambu Indorum*, in cujus arundinibus *Tabaxir* sive saccharum, *Mambu Garziæ*. Rectius Dominus *Hermans*, qui Anno 1676. portionem Plantæ siccata, una cum foliis & flores ex insulâ *Zeilan* transmisit, *Baubinianam* denominationem nonnihil immutavit, dum vocat *Arundinem Indicam arboream maximam, cortice spinoso*. Addit porro quod *Cingalensis* vocetur *Nuaybas*, id est, arbor febrilis, quia febre corripiuntur ii qui se lavant ex aquis, in quas arboris hujus folia decidere. Corruptè vulgò à *Lusitanis* aliisque vocatur *Bambu* vel *Bamboes*: in Insula autem *Madagascar* præsertimque ejus Provincia *Galemboulou*, teste Domino *Flacourt*, tanta nascitur copia, ut regio inde nomen obtinuerit. *Voulu* enim ibidem nuncupatur. Ad quam immensam autem locis humidis, arenosis & paludosis, quibus gaudet, quandoque affurgat proceritatem, ex fragmentis, Clarissimi *Pisonis* munere, in porticu Horti Academici suspensis, colligere datur: quorum majus viginti octo, minus viginti sex pedum longitudinem superat. Quin & credibile est, hæc arundines, antequam essent diffractæ, duplo majorem longitudinem

obtinuisse, cum crassities unius extremitatis, ab alterius vix differat. Admiratione quoque dignum est, tam vastam arundinum molem, tam exiguis vestiri foliis, cum maxima ex siccatis, quæ asservo, vix spithamam longitudine aut transversum digitum latitudine transcendat. Arundines hæc insuper amputatæ, & igne crematæ, fertilissimum præbent cinerem, in quo omnis generis confitæ plantæ feliciter proveniunt: dum autem cremantur, ingentem edunt sonitum, & fragore centum aliquot sclopetorum explosiones æmulantur. Aër enim intra cancellos, internodiorum ope reclusus, dum rarefit, ampliusque spatium desiderat, parietes quaque versum dirumpit, & vi sibi exitum quærit.

Quàm varia autem, non minus ac *Palma Coccifera*, hæc planta humanum in commodum suppeditet auxilia, pluribus tradunt Autores, & imprimis *G. Piso* in *Mantissa Aromatica*, ubi præter accuratissimam *Sacar Mambu*, sive *Tabaxir* descriptionem, videre quoque licet, tenellos hujus Arundinis ramos, præsertim radici vicinos, ab Indis condiri, & celebris illius confectio quæ *Achar* vulgò nuncupatur, & ad appetitum excitandum, ventriculique concoctionem promovendam per Europam dispergitur, non infimam partem constituere.

ARUNDO BAMBOS.

CLASSIS

TRIANDRIA DIGYNIA.

Character genericus.

Cal. 2-valvis. Flosculi congesti, lana cincti.

Nomen specificum.

Arundo calyc. multifloris, spic. ternis sessilibus. S. N.

Synonyma authorum.

Arundo calycibus multifloris, spicis ternis sessilibus. Sp. Pl.

Arundo arbor. Bauh. pin. 18. Hort. cliff. 25. Fl. zeyl. 47. Roy. lugdb. 67.

Tabaxir & Mambu arbor. Bauh. hist. 1. p. 222.

Observationes.

Habitat in India utraque.

Paniculæ Scapus rectus, rigidus, gerens ad alternos dentes sæpius Flores tres, alternatim s. distiche positos, sessiles, rigidulos, lineares, longos.

LINN.

MALACCA

MALACCA SCHAMBU.

EUGENIA IAMBOS.

FIG. 17.

SChámbu duæ species, una *Malacca-Schámbu*, altera *Nati-Schámbu*.

Malacca-Schámbu ling. Bram. ejusdem nominis est arbor procera ramis densis & opacis transversum sparsis.

Radix crassa est, ramos quaquaversum diffundens, cortice est cinericeo, intus rufo, ligno albicante.

Stipes ambitu amplexum unius brachii paululum excedens, cortice cinereo, rami cinereo magis fusco, furculi teneriores virides.

Folia, quæ in ramis bina & bina ac ordine se mutuo decussantia petiolis viridibus, curtis, crassis, interiùs planis seu latè striatis proveniunt, oblongo-angusta, rotunda, anteriùs cuspidata, ad petiolum quoque stricta, longitudine maxima unius spithamæ, latitudine duorum triumve pollicum, quæ minùs longa evadunt, cæteris latiora, suntque textura crassiola & solida ac densa, superficie glabra, virore in rectâ valde fusco & nitente, in adversâ virore communi, saporis adstringentis ac nonnihil subacidi seu vinosi diutius masticata, odoris nullius, cum emarcescunt, sunt flavescentia ac crocea.

Ex costa media, quæ in adversa solum eminet, *Nervi* subtiles & parum in adversa eminentes, recta obliquo ac ferme parallelo ductu anteriora versus exeunt, ac æquali intervallo à margine reflexi in se invicem arcuatim incurrunt velut limbulum ad marginem relinquentes, suntque in recta parte tractibus suis conspicui ac venulis minutulis, subtilibus, intra folium meantibus comitati.

Flores in petiolis seu furculis viridibus spithamam plus minus longis, qui supra ex origine foliorum oriuntur plures congregatim, tres, quatuor, quinqueve parvis ac semidigitalibus, rotundis, crassiolis & viridibus, pedunculis proveniunt, constantes quatuor foliis ex viridi albicantibus, oblongo-rotundis, interiùs cochleatis, rigidis à se mutuo latiusculè distantibus, quæ exteriùs magis viridia sunt, & in oris superioribus interiùs & exteriùs magis albicant, & venulis annularibus versus oppositas oras in longum striata sunt, suntque ad unguiculos foliorum ornati denso penicillo confertorum, longiusculorum, candidorum staminum, quæ ex ora quadrata orificii medii cancelliformis lati & cavi se exserunt, & in vertice apicibus seu nodulis ex albicanti flavescentibus dotata sunt, & in medio penicilli staminum stylo albicante crassiole, surrecto & in apicem desinente, quæ ex medio orificii seu umbilici exsurgit.

Calyx est quatuor brevium lato-rotundorum ac interiora versus quoque cochleatorum & magis viridiorum foliorum, quæ singula inter duo florum folia exterius confident, ejusque pes crassus versus inferiora se in conum stringens, & nonnihil ex viridi albicans, ac à reliquo petiolo florum, qui viridi-fuscus est, nodulo distinctus, estque ipsum primordium fructus, ac magis & magis extuberans & turgescens. Sunt autem flores odore nullo cum in suo vigore sunt, ac vivido colore, ubi autem flavescent ac emarcescunt, quo tempore ex albicante flavescent, acido seu vinoso sunt odore.

Fructus sunt minores illis secundæ speciei, forma rotundi, primum virides, cum ad maturitatem accedunt, ex albicante subflavi, probè autem maturiores magis flavescentes, in vertice umbilico seu orificio quadrato florum clausi, & quatuor foliis calycis viridibus ad se mutuo contractis & nonnihil surrectis coronati, constantque exterius corticula seu membrana tenuissimâ, carne humida, intus magis albicante, lata cavitate in medio, ac ad interiorem carnis superficiem filamentis nonnullis fungosis & albicantibus obducti, suntque saporis dulcis & grati, ac odoris rosacei valde amœni, quem etiam in sapore exspirant atque exhibent; in medio cavitatis nucleus est rotundus, cavitate minor, latus, & liber, ac nutans, qui cortice exterius est rufo ac spadiceo-diluto, interius densa ac viridi-diluta pulpa, quæ saporis est subamari & adstringentis, ac vel simplex est, vel in duos tresve minores nucleos angulatos resolvitur.

V I R E S E J U S.

Ejus Decoctum in aqua servit pro fissuris oris si cum eo abluatur.

F I G. 17.

Qui à *C. Bambino* dicitur *Persici officulo fructus Malaccensis*, idem est cum fructu arboris hîc descriptæ; quæ à *Canarinis Iamboli*, à *Lusitanis Iambeiro*, ab *Arabibus Tapha Indi*, à *Persis Taphat*, à *Turcis Alma*, *Christophoro à Costa* teste nuncupatur. Ex *Malacca* piperifera, ut refert Clarissimus *Piso*, in dissitas quasque regiones, ob florum fragrantiam, & fructus suavitatem, translata fuit hæc arbor, imprimisque ob perpetuam florum & fructuum vicissitudinem: quod alterâ arboris medietate, frondibus & fructibus orbâ, altera pars fructibus maturis & immaturis tam-

diu oneretur ac ornetur, donec frondes recuperaverit.

Flores & fructus ex ejusdem relatu, frigidæ sunt & humidæ qualitatis, insigniter fragrantæ, ac proinde inter primas delicias omnibus pariter incolis habiti.

Plurimi quoque usus passim in Medicinâ existunt: fructus enim crudi, & flores saccharo conditi, ab ægris æstuantibus cum successu usurpantur, quod succosa frigiditate, sitim in febribus extinguant, spiritusque vitales confortent.

EUGENIA IAMBOS.

CLASSIS

ICOSANDRIA MONOGYNIA.

Character genericus.

Cal. 4-partitus, superus. Petala 4. Drupa 1-sperma, 4-angularis.

Nomen specificum.

Eugenia fol. integerrimis, pedunc. ramosis terminalibus. S. N.

Synonyma Authorum.

Eugenia foliis integerrimis, pedunculis ramosis terminalibus. Fl. zeyl. 188 *.

Persici officulo fructus malaccensis ex candido rubescens. Bauh. pin. 441.

Jambosa sylvestris alba. Rumph. amb. 1. p. 127. t. 39.

NATI.

N A T I - S C H A M B U.

EUGENIA MALACCENSIS.

F I G. 18.

N *Ati-Schambu*, quæ altera species *Iambu* est, ling. Bram. *Schambu*, arbor quoque excelsa.

Radix crassa, ramos quaquaversum diffundens, cortice albicante, ac cinerea corticula, quæ facile in squamas deteritur; obducto, qui saporis est adstringentis, ligno intus albicante.

Caudex ambitu unius hominis amplexum implens, cortice exterius scabro ruffo-viridescente ac molli, intus albicante, qui adstringentis, acidi vinosique saporis est.

Folia, quæ in petiolis crassioribus curtis bina & bina proveniunt, grandiora sunt illis primæ speciei, forma ad latitudinem minus oblonga, textura quoque densa, solida ac crassiola, superficie quoque plana & glabra, viridis in recta fusci & nitentis, in adversa clari, saporis adstringentis & magis acidi seu vinosi, odoris quoque parum acidi, cum marcescunt, flavo quoque colore tinguntur.

Flores forma iidem & penicillo staminum breviori, suntque folia cum stylo, ut & penicillo staminum, quæ apicibus suis flavis seu subrufis dotata sunt, purpureo-rubro nitentis pulcherrimi ac vividi coloris, primùm odoris nullius, dein cum marcescunt, parum acidi.

Calyx quoque quatuor viridium interiùs cochleato-cavorum foliorum.

Fructus, qui quoque ex calyce exoriuntur, majores sunt illis primæ speciei, forma oblongo-rotundi & ad petiolum strictiores, in vertice quoque umbilico florum clausi & foliis calycis viridibus ad se invicem contractis coronati, suntque primùm virides, dein ex viridi albicantes, post virore evanido albicantes, cum maturi, ad unam partem candidi, ad aliam rubescentes, ac inter candidum colorem striis rubris perfusi, cortice quoque tenuissimo

tenuissimo & carne alba ac succulenta, in medio etiam lata cavitate, & in superficie interiori carnis fungosis, albis & exsuccis filamentis obducti, saporis sunt vinosi & pergrati, ut & odoris; intus nucleus est grandis cavitatem fructus implens, qui quoque cortice exteriori rufo & spadiceo, interiorius densa ac viridi-diluta pulpa, quæ saporis quoque est subamari & adstringentis, constat.

Bis in anno fert fructus.

V I R E S E Y U S.

Cortex ejus tritus & in lacte acido epotus dysenteriam sistit.

F I G. 18.

Hæc præcedentis arboris altera est species: præter enim Autores nostros, plures dari, testantur *Pise*, *Acosta*, & *Paludanus*. Peculiaris autem, & à nullo, quod sciam, descriptæ, ramum siccatum fructibus immaturis onustam, unà cum seminibus, ex insula Zeilan, hoc anno transmissit, jam sæpius laudatus Dominus *Hermans*.

Vocata hæc fuit ab ipso *Iambos Sylvatica*, fructu cerasi magnitudine, *Walgambu Cingalensium*: obtinetque folium, *Iambos* majoris folio non multum dissimile, fructus autem cerasi magnitudine, uvæ in modum, racematim cohærentes, quorum vertex cingitur tribus foliis bifidis, coronam quasi constituentibus.

EUGENIA MALACCENSIS.

C L A S S I S

I C O S A N D R I A M O N O G Y N I A.

Character genericus.

Cal. 4-partitus, superus. Petala 4. Drupa 3-sperma, 4-angularis.

Nomen specificum.

Eugenia fol. integerrimis, pedunc. ramosis lateralibus. S. N.

Synonyma authorum.

Eugenia foliis integerrimis, pedunculis ramosis lateralibus. Fl. zeyl. 187.

Perfici officulo fructus malaccensis rubens, Bauh. pin. 441.

Jambosa domestica. Rumph. amb. 1. p. 121. t. 37. 38.

C H A M P A C A M.

C H A M P A C A M.

MICHELIA CHAMPACA.

F I G. 19.

Champacàm lingua Brami. *çbampò*, est arbor procera densis frondibus latè sparsis, nascens in arenosis.

Radix ruffo cortice qui saporis est amari & peracris.

Caudex unius hominis amplexum ambitu implens, cortice crasso, exterius cinereo, intus molli, sub exteriori corticula viridescente & ex albo flavescente, qui saporis est amari, & subacris, ligno albicante.

Surculi rotundi, cinericei, ac sub exteriori cuticulâ virides, in apice ubi novello germine expullulant, spadicei coloris: suntque caudex, rami ac surculi cortice quoque adstringente.

Folia quæ hinc inde in surculis petiolis uncialibus, interiùs striatis, in inferiori parte nonnihil extuberantibus proveniunt & passim novello germine surculorum qui supra eorum exortum prorumpunt, comitata, oblongo-rotunda, anteriùs in cuspidem oblongam angustam contracta, spithamam & amplius longa, latitudine quatuor quinqueve pollicum contextura duriola, superficie plana & lenia, viroris in recta fusci & nitentis, in adversa clari: saporis amari & acris.

Ex costa media, quæ crassa est, & in adversa altè eminens, ac tenuiter in recta *Costæ* obliquo & parallelo ductu anteriora versus exeunt, ac à margine reflexæ arcuatim in se invicem incurrunt, venulas nonnullas transversas ex se distribuentes, ac in adversa solum parte eminentes, & in recta vestigia tractuum exprimentes; ad exortum foliorum cortex surculorum tenui fissura, quæ obliquo ambitu est, hiât, ac per eam cortex inferior qui magis extuberans est, à superiori cortice interstinguitur, suntque folia cum suis petiolis ex superiori parte fissuræ prodeuntia.

Flores, qui in summitate surculorum supra ex origine foliorum crassis, subflavo-viridibus, lenibus, surrectis ac sesquiuncialibus petiolis proveniunt, sunt acuti ac fragrantis odoris, constantque foliis oblongo-angustis, quæ in triplici ordine posita sunt, quorum quæ in exteriori ordine sunt, octo plus minus latitudine ferme tripla iis, quæ in secundo interiori ordine etiam octo plus minus sunt, ac versus summitatem rotundiola & nonnihil cuspidata, quæ in secundo ordine magis cuspidata, quæ in tertio ordine parvula, brevia, versus summitatem maxime cuspidata, flavo-diluta, ac velut stamina crassiola, inferius circumambientia stylum crassum, qui, in medio pedunculo rotundo exsurgit, ac superiora versus nonnihil conicus est, & spicis, parvis, viridibus, crassiolis, cuspidatis scutellatim circumdatus; suntque

suntque spicæ in cuspide, quo inferiora versus inflexæ, rubescentes ac rudimentum fructûs continentes: floribus quoque sapor adstringens & acris est.

Fructus, qui spicatim seu racematim crasso petiolo medio viridi, ac tortuoso pedunculis crassis, & curtis circumscident, sunt oblongo-rotundi, magis minusve gibbosi, cortice crassio, primùm viridi; cùm maturi, flavo-diluto albicante sapore peracri, odore minùs grato.

Semina, quæ intus continentur se invicem proxime sine ullo intersepi-mento contingunt, suntque uno latere rotundo ad fructûs formam accom-odata, reliquis planis tribus quatuorve pro ratione mutui contactus: con-stantque, cum matura, pulpâ tenui, humidâ, sublaetâ, quæ membranâ incarnato-rubra est investita, intus osse grandiusculo nigro.

Flores bis fert in anno, fructus non dat nisi cum vetustior est.

Ex fl. aqua odorif. quæ eorum odorem spirat, distillatur.

V I R E S E J U S.

R*Adix* & cortex ficcus tritus & mixtus cum lacte spisso dicto *Tayr* aposte-
matibus aperiendis & maturandis serviunt in forma emplastri appositi;
Cortex Radicis in pulvere cum aqua calida datus menstruis in mulieribus
excitandis servit, fœtumque in gravidis expellit, si largius ac copiosius
sumatur: *Flores* triti & cum oleo decocti, pro doloribus capitis, oculorum
affectionibus, ut & in podagra serviunt facta capitis unctione. *Aqua ex*
Floribus distillata, præcordiis exhilarandis commoda est; *Oleum*, in quo
Flores per quadraginta dies insolati sunt, in capitis perunctione ejus dolori-
bus ac animi deliquio prodest; *Oleum Fructuum* flatus pellit, si cum eo
corpus ungatur.

F I G. 19.

Nominis affinitas, florum gratissimus odor, aliæque quæ huic Plantæ ab Autoribus adscri-
buntur circumstantiæ, non difficulter mihi per-
suadent, eandem esse cum ea, quæ à *Boutio*
Cap. 45. describitur, licet fatear ejusdem de-
scriptionem obscuram esse, mutilam, quin &
forfan vitiosam: quod primâ fronte liquebit, si

quis eandem cum figura diligentius conferat.
An autem eadem sit cum *Champe C. Baubini*,
de qua in *Pinace* inquit, *Champe dicuntur alii*
flores, quorum etiam magnus apud Indos usus est,
odore graviore, quàm lilium. *Garx. Fragor*, pro-
nuntiare vix ausus sum.

MICHELIA CHAMPACA.

C L A S S I S

P O L Y A N D R I A P O L Y G Y N I A.

Charaeter genericus.

Cal. 3-phyllus. Petala 15. Baccæ multæ,
4-spermæ.

Nomen specificum.

Michelia fol. lanceolatis.

Synonyma authorum.

Michelia. Fl. zeyl. 144. Olf. it. 93.

Sampacca. Rumph. amb. 2, p. 199. t. 67,
68.

Observationes.

Flores lutei, suaveolentissimi.

LINN.

E L E N G I.

E L E N G I.

MIMUSOPS ELENGI.

F I G. 20.

E Lengi lingua Bramanum *Vavalli*, est arbor procera frondibus densis & opacis latè sparsis, nasciturque in arenosis.

Radix crassa & altè se in terram figens, ramosque subtus & super terram transversum latè dimittens, cortice lacteo, ac sub crusta exteriori fusco-rubescente.

Caudex duùm hominum amplexum ambitu ut plurimum implens: cortice crasso exterius fusco & scabro, interiùs lacteo ubere spisso, & glutinoso, fissili, ac ubi finditur, colore flavo & rubescente vividè variegato, interiori superficie ex alborubescente; ligno est quoque lacteo, fissili, gravi, in aquis summè durabili, extra aquas putredini facilè obnoxio.

Folia, quæ hinc inde in parvis viridibus, rotundis ac interiùs striatis petiolis proveniunt, sunt oblongo-rotunda, ad petiolum rotundis oris, anteriùs brevi cuspidè, qui versùs exteriora reflectitur, crassiola ac solidæ texturæ, superficie plana, ac in recta parte virore fusco & nitente glabritie, in adversa claro & minus nitente, lateribus interiora versùs nonnihil clausis, odore uti folia pyrorum nostrarum.

Ex *Costa* in recta etiam parte eminente *Venæ* transversæ, subtiles, ac densæ excurrunt, quæ folium subeunt, suntque utrinque conspicuæ.

Flores proveniunt passim ex origine foliorum etiam quinque, sexve congregatim petiolis pollicaribus ex viridi-flavescentibus, suntque albicantes, & dein ex albicante flavescentes seu ex flavo fuscescentes, forma stellæ sedecim foliorum oblongo-angustorum & cuspidatorum, quorum duo & duo arctiùs juncta sunt, odore jucundo & fragranti. In medio corculum crassum & conicum est, quod octo albis surrectis foliis est circumdatum, constans octo staminibus surrectis, curtis, crassis, albicantibus & pilosis, quæ versus summitatem in cuspidem stricta & flava sunt, ac circumposita capitulo albicanti-subflavo, quod germen fructus est, ex quo stylus virididilutus & albicans emicat.

Calyx est octo oblongo-angustorum, cuspidatorum, stelliformiter expansorum foliorum, quorum quatuor exterius flavescentia ac muscosa sunt, quatuor quæ inter ea se intergerunt, exterius albicantia: singula folia calycis folia duo florum, quæ arctius juncta sunt, subcingunt.

Gemmæ Florum conicæ sunt & muscoli coloris.

Ex Floribus Serta seu *Coralla* efformant.

Fructus, qui suo calyce inferius comprehensi, sunt oblongo-rotundi ac instar olivarum, primum virides, dein flavi ac rubescentes, carne sub cortice flava & farinacea: suntque in eduliis.

Intus passim unum ac etiam duo grandiuscula *Officula*, quæ oblongo-rotunda, nonnihil plana, & spadiceo-fusci ac nitentis coloris sunt, continentur.

Bis in anno hæc arbor dat *Flores*. *Ex Floribus aquam stillatitiam* indigenæ eliciunt, quæ odorifera est.

V I R E S E ÿ U S.

RAdix trita cum aceto tumorem in facie tollit, parte affectâ cum eo linita, eadem cum *Aqua* eod. modo sumpta servit pro oris pustulis. *Corticis Decoctum* servit pro angina, uti & dolore dentium, gutture seu ore cum eo abluto. *Aqua distillata ex Floribus* & epota proficua est pro melancholicis & febricitantibus; gravidis in difficili partu *Fructus* triti in aqua calida commodè dantur.

F I G. 20.

Cum hujus plantæ ne vestigium quidem apud alios invenerim, vocandam censeo, *Oleæ-affinem* Neutiquam autem confundi debet cum *Vasavel Bramanum*, sive *Pavate Acoftæ*, de qua arbore vide ejusdem *Aromat. Historiam*. Cap. 14.

MIMUSOPS ELENGI.

CLASSIS

OCTANDRIA MONOGYNIA.

Character genericus.

Cal. 8-phyllus. Petala 16. Drupa acuminata.

Nomen specificum.

Mimusops fol. alternis remotis. Rumph. amb. 3. t. 63.

Synonyma auctorum.

Mimusops foliis alternis remotis. Fl. zeyl. 138 *.

Flos cuspidum. Rumph. amb. 2. p. 189. t. 63.

Kauki indorum. Pluk. alm. 203. Breyn. cent. 20. t. 8.

MANJAPUMERA M.

NYCTANTHES ARBOR TRISTIS.

FIG. 21.

M *Anjapumeram*. ling. Bram. *Pariàtacù* est arbor grandis trium quatuorve hominum altitudinae, densis & opacis frondibus latè sparsis, nascens in arenosis.

Radix ramos subtus & super terram transversos spargens.

Stipes ambitu ~~amplexum~~ unius brachii æquat, cortice cinereo.

Surculi quadrangulares ac nodulati, spadiceo cortice, qui interiùs est viridis, obducti.

Folia in nodulis brevibus, crassiolis, viridi-albicantibus petiolis bina ac se mutuo in ordine decussantia proveniunt, suntque ad petiolum lata curvitate, & anteriora versùs in cuspidem angustum contracta, contextura crassa, superficie aspera, virore in recta fusco & nitente, in adversa autem claro, sapore adstringente & subamaro.

Ex *Cossâ* media in adversa parte *Cossæ* hinc inde excurrunt, quæ rectam tractibus striant in se invicem arcuatis ductibus propè ad marginem incurrentes.

Flores proveniunt in petiolis rigidis ac superiora versùs obliquè surrectis, qui bini & bini in adversis partibus supra ex origine foliorum erumpunt ac singuli passim in tres minores ramulos curtos, brevesque mutuo dividuntur, suntque in singulis petioli ramis quini congregatim infidentes, odore dulci & delectabili optimum mel æmulante, interiùs & exteriùs albicante & aqueo colore, sex, septem, octo foliis constantes, suntque folia ad petiolum strictiora, versùs summitatem lateribus rectis dilatata, atque duabus laciniis brevibus excurrentia, ac anteriùs inter lacinias sinuata, & exteriorem versùs partem oris rigidè inflexa, contextura tenuia ac rigida, in sole valde coruscantia, venulis vix conspicuis, nisi in parte ubi colore albicante attrito membranaceæ sunt pelluciditatis.

Sunt autem *Pediculi Florum*, quibus ex calyce oblongo, profundo, viridi ac qui rotunda supernè ora est, emicant vaginulæ breves, semiunciales, crocei, aureique coloris, in hisce duo stamina flava, quæ apicibus surrectis, crassis & flavo-albicantibus dotata, sunt inserta; pediculi florum ficcati croceum odorem recipiunt, iisque indigenæ cum ligno sandali mixtis atque tritis corpus inungunt.

Fructus sunt rotundo-plani ac compressi, colore viridi, in medio una futura extuberante ad verticem utrinque perducti.

In iis duo rotunda compressa *Semina*, quæ utrinque sub cortice extuberant intersepimento medio à se mutuo distincta.

Apud hosce Medicos non est in usu.

F I G. 21.

Diu anceps hæsi, an eadem foret hæc arbor, cum *Arbore tristi folio Myrti C. Baubini*. Arrisit *Bramanum Pariatucù*, quod cum *Canarensum Parizatoco* non malè convenire videbatur: tum etiam *Clusii* descriptio, ex *Fabricii* relatu deprompta: præsertim cum ea quæ de florum pediculis, colore, odore, & usu reliqui addunt Autores, non inconcinnè cum nostrorum descriptione conveniant. Obstat tamen defluxus florum *Arboris tristis* de die, cujus nulla hic fit mentio: Verum cum *Fabricio* & *Paludano* testibus, illud eos duntaxat concernat flores, ad quos solares radii pertingere possunt, minoris facienda videtur hæc difficultas. Interim mihi vix satisfacio, aliorumque iudicio subscribo.

NYCTANTHES ARBOR TRISTIS.

CLASSIS

DIANDRIA MONOGYNIA.

Character genericus.

Corolla 8-fida. Cal. 8-fidus. Pericarpium dicoccum.

Nomen specificum.

Nyctanthes caule tetragono, fol. ovatis

acuminatis, pericarpis membranaceis compressis.

Synonyma aulherum.

Nyctanthes caule tetragono, foliis ovatis acuminatis, pericarpis membranaceis compressis. Fl. zeyl. 11.

Arbor tristis myrto similis. Bauh. pin. 469.

Observatio.

Fructus ficcus capsularis est. LINN.

C O N N A
C A S S I A F I S T U L A.

F I G. 22.

Conna, lingua Bramanum *Bajo* est arbor procera, unius hominis altitudine, ramis densis & opacis latè sparsis.

Radix cortice fusco ramos transversos spargens.

Caudex ambitu amplexum unius hominis excedens, cortice cinereo, ut & furculi vetustiores, novelli, virides; cortex adstringens & subamarus.

Folia in furculis teneris, viridibus, petiolis brevibus, rotundis, ferme bina & bina cum uno in vertice conveniunt, suntque oblonga ad petiolum lata curvitate, inde antè ad cuspidem stricta, mediocri crassitie, mollia, densa, superficie lenia, glabra & plana.

Ex *Cossa* media, quæ in adversa parte eminet nervulis subtilissimis, inter quos venularum contextus cancelliformes minutissimi intercurrent, striata, viridis viridis & nitentis in recta, in adversa clarioris & surdi, sapore subdulci & subamaro.

Flores in furculis viridibus, rotundis, duas spithamas longis, qui supra ex origine furculorum foliaceorum erumpunt, conveniunt petiolis longiusculis, triuncialibus, tenuibus, rotundis, viridibus hinc inde appendentes; sunt autem flores flavi quinque foliorum oblongo-rotundorum & nonnihil crispatorum, quæ inferius angustis unguiculis sunt, ac ex vena media latiore venis obliquis sunt striata, tria ad unam partem sunt minora, quæ ex adverso, paulo majora.

Stamina in medio decem, tria majora flava, incurvata & lata, cum grandibus apicibus seu lingulis flavo-fuscis, inflexa vèrsus tria folia minora, septem minora flava cum grandibus apicibus seu semibifidis flavo-fuscis linguis vèrsus duo folia majora inflexa; ex medio longum filicarum viride germen prodit, verum non ex omnibus floribus.

Calyx quinque viridi-dilutorum cuspidatorum foliorum.

Siliqua, quæ floribus deciduis succedunt, sunt oblongæ, rotundæ, rectæ fistulæ seu cannæ dictæ, Cassiæ fistulæ, duas spithamas & amplius longæ, cortice exteriori viridi, interiori albicante, & lignoso, seu potius cartilaginoso, duro constantes, interius distinctæ in sua loculamenta per orbiculos cartilaginosos,

cartilagineos, rotundos, transversos ac parallelos, qui cortici interiori affixi & in medio recta fissura ad eandem corticis partem striati; intus in hisce cannis orbiculi cartilaginei pulpa subdulci, quæ primùm albicans, dein flavescentes, post rubro-nigricans, obducti sunt; in pulpâ *Fabæ* involutæ sunt, quæ forma oblongo-rotundæ sunt adjacentes orbiculis cartilagineis ex inferiori parte & cum sua longitudine respondent longitudini fissuræ.

Fabæ teneræ, cortice albicante & candido sunt, intus pulpa viridiflavida, quæ carne pellucida & nervosa circumdata est, saporis nullius nisi sylvestris, cum maturæ ac siccæ sunt, duro rubro-fusco cortice obductæ.

V I R E S E J U S.

Cortex & *Folia* contrita ac mixta cum oleo conducunt in perunctione partis affectæ pustulis. *Fabæ* in *Decocto* datæ ventrem laxant ac purgant per inferiora. *Earum farina* usurpatur pro cataplasmate.

F I G. 22.

Exhibetur hic ab Autoribus nostris *Cassia Fistula Alexandrina* C. Baubini: quæ cum nascatur variis in regionibus, varia inde sortitur nomina. In *Egypto*, unde copiose quaquaversum differuntur *Fistulæ*, *Alpino* & *Paludano* testibus, vocatur *Chaiarwamber*, in *Brasilia* *Tapyracaynána*, in *Mexico* *Guaubayhuatli*, *Canarinis* *Hafanguia* & *Barafenga*, *Guzuratenfibus* *Gramala*, *Arabibus* *Gazatfalus*, *Malabarenfibus* juxta Autores nostros *Conna*, & ex *Acostæ* testimonio *Condaca*, *Bramanis* *Bojo*, vel ut alii volunt, *Baboo*, & *Bava*, in *Zeilan* ubi copiosè crescit, à *Cingalensibus* vocatur *Ehæla*. Circa floris descriptionem nonnihil variant Autores, dum alii incarnatos, alii aureos, alii flavos describunt, ut & illi sunt, quos hoc anno ex *Zeilan* accepi, perreptantibus pluribus venuli purpureis.

Hisce in regionibus, semen terræ mandatum, ad pedalem quandoque excrevit altitudinem, verum ingruente hyeme, omnem respuit cul-

turam, & emoritur, ut non semel sum expertus.

Præter autem hanc *Cassiam vulgarem*, & *Brasilianam* à *Lobelio* in *Pharmacopœia Rondeletii* restituta exhibitam, alia quoque datur, à nullo Botanicorum hæcenus descripta, quam *Cassiam Americanam Fabaceam* nominare lubuit: Sihi-quarum enim loco fabas longiusculas & vulgaribus non dissimiles profert, quibus continetur *Pulpæ* ejusdem ferme cum vulgari saporis & efficacitæ, ipsa arbor *Radice* nititur crassa, rotunda, quæ in plurima filamenta cortice nigricante obducta definit: *Caudex* cinerei est coloris, scaber, substantiæque medullosæ, quem *Ramuli* inordinate ambiunt, foliis vestiti subrotundis, ex glauco viridibus, brevissimisque pediculis donatis: *Flores* videre non contigit: *Semen* quod pulpæ involvitur, subrotundum est, compressum, & nigricans, pisi minoris magnitudine, ex *Americæ Insulis*, quas Galli *les Antilles* vocant, allatum.

C A S S I A F I S T U L A.

C L A S S I S

D E C A N D R I A M O N O G Y N I A.

Character genericus.

Cal. 5-phyllus. Petala 5. Antheræ superne 3 steriles; infimæ 3 rostratæ. Legumen.

Nomen specificum.

Cassia fol. quinquejugis ovatis acuminatis

glabris, petiolis eglandulatis. *Rumph. amb.* 2. t. 21.

Synonyma authorum.

Cassia foliis quinquejugis ovatis acuminatis glabris, petiolis eglandulatis. *Fl. zeyl.* 149 *. *Mat. med.* 199. *Hasselq. in.* 468.

Cassia foliolis quinque parium lanceolatis: extimis minoribus. *Hort. cliff.* 158.

Cassia fistula alexandrina. *Bauh. pin.* 405. *Comm. hort.* 1. p. 215. t. 110. *Rumph. amb.* 2. p. 83. t. 21.

B A L A M -

B A L A M - P U L L I*seu MADERAM-PULLI.***TAMARINDUS INDICA.**

FIG. 23.

B *Alàm-Pullì* seu *Maderàm-Pullì* ling. Bramanum Sinza est arbor grandis ramis densis in latum diffusis.

Radix crassa brachia latè diffundens cortice rubescente.

Stipes crassus ambitu duorum hominum amplexum æquans cortice crasso sub crusta nigricante & cinerea-rubescente uti & rami vetustiores. Folia in petiolis seu furculis tenuibus, viridibus, interiùs sulco striatis, nondum spithamam longis, qui ad exortum viridi-diluto tuberculo parum turgescent, bina & bina in duabus seriebus proveniunt, iisque insident cum anteriori parte nonnihil versus summitatem petiolorum conversa, & petiolos cum suis superficiebus oblique secantia; suntque folia parva, oblongo-angusta pollicari ferme longitudine, latitudine ferme semidigitali & ubivis uniformia, nisi quod ad posticam partem paulò latiora quàm anteriora versus, anteriori ora rotunda, contextura nonnihil tenuia & solida, superficie plana, viroris fusci, in adversa dilutioris, saporis acidi in adversa parte in medio nervus parum eminens, atque ex eo venulæ subtilissimæ in se invicem incurrentes exeunt in adversa tantum conspicuæ.

Flores qui congregatim octo, decem, plus minus in petiolis viridibus, qui ex origine petiolorum seu furculorum foliaceorum oriuntur, proveniunt, constant septem foliis colore differentibus, cum quibus calyci crassiole & rotundo insident, ac odoris nullius; ex foliis quatuor quæ exteriùs sita sunt colore in totum candido, postmodum parum subflavescentia, suntque oblonga, anteriùs cuspidata, tenuia, nullis venulis striata, tria quæ supra ex horum foliorum unguiculis ad unam partem prodeunt ac interius sita sunt, anteriora versus magis rotundiola, in oris tenuiter crispata, & inter colorem album qui etiam in adultioribus subflavescit, venis rubris variegata, suntque eorum duo reliquis majora puta longiora & latiora, atque tertium inter illa duo intermedium surrectum est & minusculum ac anteriori cuspidate parvo subflavo eminens, orisque interiora versus contractis seu cochleato-cavum.

E medio stamina viridia exsurgunt tria incurva quæ prius in unum juncta sunt, post divaricantur respicientia folium surrectum, duo horum exteriora excepto intermedio apicibus dotata sunt, qui primùm flavi, postea cum folia subflavescent, rubro-fusci coloris.

Cum hisce simul emicat unus stylus viridis incurvis staminibus crassior inter stamina & folium surrectum prodiens, qui filiquosum germen est.

Gemmæ Florum rotundiolæ sunt, in una parte planæ, in altera magis convexæ, primùm rubro-saturæ, dein cum rotundo-oblongiores fiunt, colore viridi-albescente.

Fructus, qui in lignosis ac crassiusculis petiolis ramis appendent, sunt filiquæ oblongæ, crassæ, in glandulas tres quatuorve extuberantes, constantes cortice crassiole qui exterius est rufi seu muscosi coloris, intus viridis & carne intus acerba, quæ primùm humida, duriola & albicans ac subviridis est, cum maturi sunt, mollis & flavo-seu rubro-fusca, suntque ad corticem ex petiolo lignosis filamentis sed raris per carnem in longum per-texti & sub carne in membranacea loculamenta in quibus fabæ consistæ sunt, distincti.

Fabæ quadratæ & planæ, primùm cum immaturæ sunt, cortice virididiluto & nitente, intus sub cortice pulpa sunt alba, candida, densa seu solida, sapore, cum teneræ sunt, adstringente & corticis amari, maturis filiquis in osseam duritiem cortice rubro-fusco evadunt.

Flores hæc arbor semel in anno dat in Novembri.

V I R E S E ⁊ U S.

IN Febribus ardentibus, malignis & pestilentialibus confert, ad quod sæpe cum saccharo condita datur, ab indigenis creberrimè usurpatur in medicamentis purgativis præcipuè tempore æstivo, ut & maximè ubi bilis flava redundans ac se per corpus undique diffundens, sanguinis ebullitio, fitis infesta, morbi cutanei & præsertim morbus regius grassantur, in quibus malis simplex medicamentum ex cassia fistula cum tamarindo unà cum saccharo vulgo dicto Jagra de Cana datur, quod leniter alvum laxat ac purgat. *Cortex* tritus & cum aqua oryzæ in unctionem corporis permixtus humoribus superfluis dissipandis confert.

F I G. 23.

Arbor hîc descripta est *Siliqua Arabica*, quæ *Tamarindus C. Baubini*: *Tamar* sive *Daçtylus Indorum*, *Palmula Indica* & *Derefilde* Arabum. Brasiliensibus, *Pifone* teste, *Iutay*, Guzurattensibus *Ambuli*, Canerinis & Malabarensibus juxta *Acoftam*, *Chincha* & *Puli*: Madagarscensibus *Monte* dicitur. *Folia* Sole occidente eodem modo ut in *Acaciis*, aliisque sese contrahere so-

lent, eoque oriente aperire, ut & in plantis apud nos natis, sed quæ nunquam perennârunt, non semel experti sumus: quod autem & ipse fructus sive filiqua, frigoris vitandi causâ, foliis sese involvat, fabulam redolet. Qui plura autem de hisce velit, jam citatos adeat autores, & imprimis *Alpinum* de plantis Ægypti.

T A M A R I N D U S I N D I C A.

C L A S S I S

T R I A N D R I A M O N O G Y N I A.

Character genericus.

Cal. 4-partitus. Petala 3. Nectarium setis 2 brevibus sub filamentis. Legumen pulposum.

Nomen specificum.

Tamarindus. Jacq. amer. 10. t. 10.

Synonyma authorum.

Tamarindus. Hort. cliff. 18. Mat. med. 28. Hort. upf. 15. Fl. zeyl. 14. Roy. lugdb. 465. Rumph. amb. 2. p. 90. t. 23. Læf. it. 210.
Siliqua arabica, quæ *Tamarindus*. Bauh. pin. 403.

C O D D A M -

C O D D A M - P U L L I.

C A M B O G I A G U T T A.

F I G. 24.

Coddàm-Pullì seu Otà-Pullì, ling. Bram. Dàrambò, est arbor procera, nascens in arenosis, densis & opacis frondibus latè sparsis.

Radix crassa brachia seu ramos subtus ac super terram latè diffundens, cortice albicante-subflavo, qui crusta nigricante obductus est, & sub eâ rubescit, ligno albicante & subflavo incisa perviscosum humorem qui saporis est nullius, exudans.

Caudex ambitu duorum hominum amplexum implens, cortice quoque eodem ut *Radix*, ligno albicante.

Folia in furculis bina & bina petiolis brevibus, viridibus, interiùs planis proveniunt. Suntque oblongo-rotunda, anteriora versus in cuspidem angustam, quæ versus unam partem nonnihil inflexa est, contracta, ad petiolum quoque stricta, cum oris versus exteriora nonnihil inflexa, suntque contextura crassa, spissa & solida, viroris in recta fusci & nitentis, in adversa clari.

Ex *Costa* media quæ in adversa altè extuberat & tenuiter in recta, venulæ procedunt obliquè anteriora versus quæ folium subeunt, & in adversa parte sub exteriori folii cuticula tenuiter prominent; præter eas nullæ aliæ venæ sunt conspicuæ; foliis sapor est acidus.

Flores in vertice furculorum foliaceorum brevissimis pedunculis insident, suntque incarnati seu rosaceo-saturi & flavescentes, constantes quatuor foliis rotundis, parùm oblongis & versus interiora cochleato-cavis, suntque folia crassa & densa sine venis intus magis flavescentia & exterius ad oras; in medio florum emicat globulus viridis rudimentum fructus in octo latera oblonga per strias distinctus, in vertice, capitulo seu umbilico, quod ex gemmis albicantibus constat, quæ velut ad eandem orbitam extenduntur, obsitus, estque circumdatus staminibus surrectis albicantibus, quæ in vertice flavo-rubris nodulis dotata sunt; flores odoris nullius & saporis subacidi.

Calyx est quatuor viridi dilutorum flavescentium, cochleato-cavorum foliorum.

Fructus, qui uncialibus petiolis appendent, grandes sunt, rotundi octo, novem, decemve costulis extuberantes, ac in vertice capitulo parvo, quod etiam costulis striatum est, eminentes, primùm virides, dein flavescentes, cum maturi, albescentes, sapore acido-dulci.

In medio pulpæ *Semina* cum sua longitudine in longitudine fructus confita, oblonga magnitudine unius articuli compressa, colore cœruleo-nigro.

Hæc arbor *Flores* & *Fructus* semel in anno dat, in *Martio*.

Apud hosce Medicos non est in usu.

F I G. 24.

Eadem est hæc arbor cum *Fructu malo aureo* æmulo *C. Baubini*, sive *Carcapuli Acofæ*. Perperam tamen confundit *Baubinus*, *Carcapuli Acofæ*, & *Carcapuli Linscot*. Quod manifestò liquebit, si quis utriusque descriptionem examinet. *Acofa* enim qui *Carcapuli* quoque *Canarinis* vocari asserit, fructum hujus arboris, malo aureo similem tradit. *Linscot*. autem, fructum *Cerasi* magnitudine describit.

Quod ut distinctius pateat, lubet hic adscribere verba Domini *Hermans*, qui literis, anno præterito, *Columbæ* datis, unâ cum harum Plantarum foliis & floribus ad me transcripsit: *Arboris* (inquit) *Indicæ* sunt folia & flores, quæ *Gummi Gottæ* fundit, fructu acido, sulcato, aureo, malimagnitudine, *Carcapuli Acofæ*, *Ghoraka* *Cingalenfibus* dicta. Mox subjungit: *Hiscæ adde*

folia & flores alterius speciei, *Arboris* nempe *Indicæ* quæ *Gummi Gottæ* fundit, fructu dulci rotundo, cerasi magnitudine, *Carcapuli Linscot* (N.B. quod *Baubinus* in *Pinace*, utramque perperam comprehendit, sub una specie, *Carcapuli Acofæ*, & *Carcapuli Linscot*. Differunt enim inter se flore ac fructu, licet in reliquis convenient,) *Cingalenfibus* vocatur *Kanna Ghoraka*, id est, *Ghoraka* dulcis, binæ hæc arbores ex trunco inciso *Gummi Gottæ* fundunt, præstat autem illud quod ex *Kanna Ghoraka*.

Confundi tamen neutiquam debet *Gummi Gottæ* hic descriptum, cum vulgari, quod ex *Esula Indicæ* affini Planta, colligi testatur *Bontius* Cap. LVII. & ab Indis vocari *Lonam Cambodja*, quod in *Cambodja*, vicina *Chinæ* regno Provincia, frequenter proveniat.

CAMBOGIA GUTTA.

CLASSIS

POLYANDRIA MONOGYNIA.

Character genericus.

Cor. 4-petala. Cal. 4-phyllus. Pomum 8-loculare. Sem. solitaria.

Nomen specificum.

Cambogia.

Synonyma authorum.

Cambogia. Amœn. acad. 1. p. 402. Fl. zeyl. 195. Mat. med. 257.

A T T Y - A L U .
F I C U S R A C E M O S A .

F I G. 25.

AL U quatuor sunt species, *Atty-Alu*, *Itty-Alu*, *Areálu*, *Perálu*.

Atty-Alu lingua Bramanum, *Roembadoè*, est arbor procera, densis & opacis frondibus latè sparsis, nasciturque in arenosis.

Radix crassa radículas laterales plurimas fibrosas tam subtus, quàm super terram longè latèque diffundens, cortice lacteo, qui sub crusta nigricante ex albo rubescit, ac incisus seu detractus pleniori rubedine celeriter perfunditur, brachio inciso aquam limpidam & insipidam ac subrubram saporisque frigidi ubertim exhibet, quæ vase supposito excepta suo usui asservatur.

Caudex crassus, amplexum unius hominis ambitu excedens, cortice crasso, coriaceo ac lacteo, qui à ligno detractus seu incisus intus ex colore albo quoque nonnihil rubescit. *Surculi* teneri virides, geniculati.

Folia quæ in ramis ac furculis petiolis mediocriter longis, crassis, rotundis, & interiùs tenuiter striatis proveniunt, oblongo-rotunda longitudine ad latitudinem, quæ in medio maxima est fermè dupla, ad petiolum oris rotundis anteriùs in cuspidem leniter contractis, suntque tenuia, mollia, glabra & lenia, virore in recta parte fusco & nitente, in adversa autem claro: nervi in quibus viror dilutior est, ex costa crassiola, quacum in parte adversa eminent, obliquo ductu anteriora versus exeunt, ac proximè ad marginem reflexi minoribus arcubus in se invicem deferuntur, ac inter hosce venis transversis folia cancellatim densè & subtiliter pertexta sunt; sapor foliis adstringens, odor nullus nisi sylvestris: in vertice furculorum conus oblongus & viridis inter foliosa involucra viridia folia tenella recondens.

Flores fert nullos uti nec cæteræ species.

Fructus in ramis ac furculis petiolis curtis, crassiolis, nonnihil incurvis, tum etiam in ipso corpore plures congregati proveniunt, suntque plano-rotundi, ac ad petiolum contractiores, nonnihil pilosi cum umbilico in vertice haud dissimiles nostris ficis, cum immaturi sunt, virides ac lacteo liquore, ut & in petiolis; maturi, colore rubicundo & minus lactei, suntque in eduliis.

In hisce fructibus ut in ficis *Grana* parva, tenuia, oblonga, numerosâ
G 2 serie

serie continentur, constantia ex capitulo rotundo & recta caudula, quacum ordine cortici interiùs insident, suntque instar folliculorum in suis capitulis unum semen minutum nigricans recondentia, primùm albicantia, ex maturitate subflavescentia.

Fructibus cùm maturescunt *Formicæ* innascuntur, hosque naturales habent in eduliis; non verò eos qui aliarum sunt specierum.

Bis terve in anno hæc abor dat fructus, uti & cæteræ species, quæ omnes, ut indigenæ ferunt, non alio modo propagantur, nisi è seminibus fructuum à corvis depastorum, quæ cum suo stercore deponunt.

V I R E S E J U S.

RAdicis decoctum epotum servit ad purificandum sanguinem & hepar, reprimisque coleræ acrimoniam; ejusdem decurtatæ succus exstillans qui in vase supposito excipitur, etiam hepatis male affecto convenit, confertque iis qui manus habent fulcatas & fissas. *Cortex* ardoribus hepatis restinguendis in decocto datur, atque hoc modo usurpatus etiam iis servit qui in ore aliisque partibus sulcos habent. *Idem* tritus ulceri cuique proficuè apponitur, uti & parti laboranti morbo sacro Lusitanicè dicto, *Cobrella*. *Foliorum succus* cum oleo decoctus in febre calida conducit, si vicibus iteratis corpus & caput cum eo lavetur. *Fructus* alvum adstringit, estque comestus proficiuus pro pituita humorumque mala temperie corrigenda.

F I G. 25.

Proponuntur hic ab Autoribus quatuor ficuum *Malabarensum* species, quas utpote à nullo descriptas (& forsitan huic regioni duntaxat familiares,) sequentibus nominibus insignire placuit. *Atty-Alu* ergo nobis erit *Ficus Malabarensis folio oblongo, acuminato, fructu vulgari æmulo*.

F I C U S R A C E M O S A.

C L A S S I S

P O L Y G A M I A T R I O E C I A.

Charaſter genericus.

Receptaculum commune turbinatum, carnosum, connivens, occultans flosculos vel in eodem vel distincto.

Masc. Cal. 3-partitus. Cor. o. Stam. 3.

Fem. Cal. 5-partitus. Cor. o. Pist. 1. Sem. 1.

Nomen specificum.

Ficus fol. ovatis integerrimis acutis impresso-punctatis, caule arboreo.

Synonyma authorum.

Ficus foliis ovatis acutis integerrimis, caule arboreo, fructu racemoso. Amœn. acad. 1. p. 30.

Grossularia domestica. Rumph. amb. 3. p. 136. t. 87. 88.

Observatio.

Folia adpersa punctis albidis. LINN.

I T T Y - A L U.

FICUS BENJAMINA.

FIG. 26.

ITTY-*Alu* quæ secunda species *Alu* est, lingua Bramanum, *Aréca-Góli*, arbor quoque procera est, at minor cæteris speciebus, densis & opacis frondibus latè sparsis.

Radix quoque crassa radículas tam subtus quàm super terram longè latèque diffundens, cortice quoque lacteo, qui incisus etiam cum tempore rubescit.

Caudex crassus, amplexum unius hominis æquans, cortice lacteo, ac cum detrahitur seu inciditur, intus rubescente, ex ramis hujus arboris filamenta seu radiculæ versus terram pendulæ demittuntur. *Surculi* teneri virides & geniculati.

Folia quæ petiolis brevibus digitalibus adhærent, minora cæteris, facie oblongo-rotunda, rotundisque ad petiolum & anterius oris, ac parvâ, angustâ & obtusâ cuspide eminentia, latitudine ad cuspidem paulò majori, quàm ad petiolum, suntque crassa, solida, densa ac valde nitentia in utraque parte, verùm magis in rectâ, in quâ virore sunt valde fusco ac saturo.

E costa quæ in parte adversa maximè eminet, minùs verò in recta, *Venæ* intra folium conspicuæ transversim recto ac satis parallelo ductu ordine denso exeunt, atque ad marginem arcuatim concurrentes limbo cinguntur.

Sapor Foliis adstringens & subamarus.

In vertice furculorum conus oblongus & viridis inter foliosa involucra viridia folia tenella viridi-diluta recondens.

Fructus qui duo tresve congregati vel solitarii cum supra ad originem foliorum, tum hinc inde pediculis brevibus proveniunt, parvuli sunt & rotundi in vertice umbilico eminente coronati, suntque etiam, cum immaturi, lactei ac virides; maturi verò, minùs lactei, colore flavo ac minùs rubescente.

Grana

Grana in fructibus quoque magna congerie, suntque forma & colore illis prioris speciei similia, at minora, recondentia in se minutum nigricans semen.

V I R E S * E Ÿ U S.

Cortex arboris tritus ac in lacte per pannum exprimendo datus vertigini capitis sedandæ confert. Ulceribus curandis prodest *Foliorum* decoctum cum oleo, si cum eo corpus perungatur; habet quoque hæc easdem vires cum prima, dictis modis, quibus illa usurpata.

F I G. 26.

Secunda hæc *Ficus* species non inconcinne | *lio densiusculo nitente, fructu parvo, rotundo,*
meo iudicio vocabitur *Ficus Malabarensis, fo-* | *corenato.*

F I C U S B E N J A M I N A.

C L A S S I S

P O L Y G A M I A T R I O E C I A.

Character genericus.

Receptaculum commune turbinatum, carnosum, connivens, occultans flosculos vel in eodem vel distincto.

MASC. Cal. 3-partitus. Cor. o. Stam. 3.

FEM. Cal. 5-partitus. Cor. o. Pist. 1. Sem. 1.

Nomen specificum.

Ficus fol. ovatis acuminatis transverse striatis margine lævi.

Synonyma authorum.

Ficus foliis ovatis acuminatis transverse striatis margine lævi. Sp. Pl.

Varinga parviflora. Rumph. amb. 3. p. 139. t. 90.

Observatio.

Rami tenues. Folia petiolata, exacte ovata, acuminata, subtransverse tenerrime striata margine distincto lævi, perennia, facie Pyri.

LINN.

A R E A L U.

FICUS RELIGIOSA.

F I G. 27.

A *Reálu*, quæ tertia est species *Alu*, lingua Bramanum *Bipaloè*, arbor quoque est procera, densis & opacis frondibus latè sparsis, nascentisque in arenosis & petrosis, ac etiam in arboribus, uti *Itti-Alu*.

Radix crassa radices fibrosas tam subtus quàm super terram longè latè-que diffundens, cortice lacteo qui incisus etiam rubescit.

Caudex crassus, duorum passim hominum amplexum ambitu æquans, cortice lacteo, qui detractus seu incisus etiam rubescit:

Surculi novelli virides geniculati.

Folia quæ longis, tenuibus, rotundis, ac viridi-albicantibus petiolis appendent forma cordis humani, anteriùs angusta ac longa lanceola cuspidata, quæ vetustiora postica parte ad petiolum rectioribus oris, quæ teneriora rotundioribus circumscripta, margine tum æquabili tum in arcus sinuato; suntque solida ac densa, minusque crassa, quàm illa secundæ speciei, lenia & mollia; at quæ vetustiora sunt, rigida, in interiori latere virore nitente & fusco, exterius claro.

Ex costa in utraque parte eminente *Costulæ* transversæ recto & ferme parallelo ductu anteriora versus obliquè exeunt ad marginem proximè progredientes, ubi arcubus rotundis & simplicibus in se invicem concurrunt in recta parte maximè eminentes, ac in adversa in quibusdam solum conspicuæ, in quibusdam verò tenuiter eminentes, inter hæc costas in interiori parte plurimi extantes nervuli cancellatim intertexti folia in ea parte scabra reddentes, ac in adversa instar venarum intra folium solum conspicui cum plurimis aliis numerosis venulis: suntque folia in margine nervulo tenui & albicante circumdata.

In vertice furculorum *Conus* oblongus, viridis, inter foliosa involucra viridia folia tenella viridi-diluta recondens.

Fructus ramis furculisque supra ad exortum foliorum in nodalis bini & bini juncti & uniti arcuè insident, suntque uti illi *Itty-Alu* parvi & rotundi,

rotundi, colore quoque minùs rubro, quàm illi *Atty-Alu*, suntque illis *Itty-Alu* planè similes cum umbilico parvo, in vertice formicis intus carentes.

In hisce fructibus *Grana* quoque numerosa, eadem cum illis *Atty-Alu* magnitudine, semen minutum nigricans in se recondentia.

Est hæc arbor Deo *Viṣṇu* sacrata, quem sub ea natum esse & flores sustulisse hi gentiles fantur: estque ex religione ipsorum hanc adorare, muro lapidum cingere, eamque seu lapides juxta positos rubro colore signare, quamobrem ab incolis Christianis *Arbor Diaboli* nominatur.

V I R E S E Ṭ U S.

*R*Adicis Cortex in decocto datus coleræ acrimoniam obtundit & sanguinem purificat, estque in febribus fixis & radicatis præsidio. *Cortex Arboris* ad ulcerum sanationem conducit tritus & appositus, ac cum aqua eodem modo adhibitus prodest pro morbo sacro. *Succus Foliorum* expressus, ac cum oleo decoctus, conducit in febre podagrica corpore cum eo peruncto.

F I G. 27.

Tertiam hanc speciem non incongruè appellandam cenſeo, *Ficum Malebarenſem*, folio cuspidato, fructu rotundo, parvo, gemino.

F I C U S R E L I G I O S A.

C L A S S I S

P O L Y G A M I A T R I O E C I A.

Character genericus.

Receptaculum commune turbinatum, carnosum, connivens, occultans flosculos vel in eodem vel distincto.

MASC. Cal. 3-partitus. Cor. o. Stam. 3.

FEM. Cal. 5-partitus. Cor. o. Pist. 1. Sem. 1.

Nomen specificum.

Ficus fol. cordatis oblongis integerrimis acuminatissimis.

Synonyma authorum.

Ficus foliis cordatis oblongis integerrimis acuminatis. Hort. cliff. 471. Fl. zeyl. 372. Amœn. acad. 1. p. 30.

Ficus malabariensis, folio cuspidato, fructu rotundo parvo gemino. Pluk. alm. 144. t. 178. f. 2.

Confer. *Arbor conciliorum*. Rumph. amb. 3. p. 142. t. 91, 92.

P E R A L U.

FICUS BENGHALENSIS.

FIG. 28.

*P***Erālu**, quæ quarta species *Alu* est, ling. Bramanum *Vadboè*, arbor cæteris procerior, densis & opacis frondibus latè sparsis, nasciturque in arenosis.

Radix crassa radices fibrosas, tam subtus quàm super terram longè latèque diffundens, cortice præ cæteris lacteo, qui incisus quoque rubescit.

Caudex eximia crassitie duùm triumve etiam hominum amplexum ambitu æquans, cortice præ cæteris lacteo, qui detractus seu incisus quoque intus rubescit: ex ramis ut in *Itti-Alu* filamenta seu radiculæ multò numerosiores versus terram pendulæ dimittuntur.

Surculi teneri, virides, geniculati, pilosi seu lanuginosi.

Folia, quæ petiolis mediocriter longis, crassis, planis, valdè lacteis, ac viridi-albicantibus & subtilibus pilis obfatis præveniunt, majora & crassiora sunt cæterarum specierum foliis, & quidem crassitie eximia, forma oblongo-rotunda, anteriora versus rotundiola ac rotundis oris contracta, majori latitudinis versus petiolum texturæ densæ & solidæ, superficie plana, polita ac lenia, in utraque parte tomentosa lanugine obducta, in adversa lanugine densiori & lenissima, ac *Veluti* seu corii lanuginosi lenitie, virore in recta parte fusco & nitente, in adversa claro.

E petiolo cum costa intermedia quæ valdè crassa est, ac hinc inde costulas suas laterales obliquè anteriora versus emittit, utrinque duæ *Costæ* exeunt, quæ versus posticam partem folii suas quoque *Costulas* emittunt, omnesque ad marginem arcuatim concurrunt in adversa parte eminentes, in recta tum conspicuæ, tum etiam nonnihil eminentes: inter hæc costas nervuli transversî rariores, qui venulis densis ac subtilibus per texti sunt, sparsi. Sapor Foliis adstringens, odor nullus.

In vertice furculorum *Conus* est oblongus & viridis inter foliosa involucra folia novella viridia recondens.

Fructus ramis furculisque supra ad exortum foliorum passim bini & bini juncti & uniti, ut illi *Aredlu*, arcè insident, rariùs solitarii, suntque magnitudine

nitudine cum illis *Atti-Alu* eâdem, at rotundiores, nec non colore maximè intensè rubescente seu incarnato saturo; cùm maturescunt, tomentosa lanugine obducti, cum umbilico parvo in vertice.

In hisce fructibus grana quoque numerosa congerie, magnitudine eadem cum illis *Atti-Alu* in se semen minutum nigricans instar folliculorum recondentia.

Vadboè Bramanes grande, atque adeò hoc nomine velut per excellentiam notant grandem arborem, uti hæc, utpote cæteris speciebus prægrandior.

V I R E S E ÿ U S.

Liquor *Radicum* seu filamentorum, quæ ex ramis deorsum pendent, cum aqua simpliciter epotus, vel in decocto datus mitigat dolorem febrilem purificatque hepar & sanguinem. *Cortex* arboris tritus proficiuus est pro morbo sacro parti affectæ appositus. Ablutio corporis cum *Corticis* decocto in febre confert.

F I G. 28.

Quantum hoc ficum genus, non immerito dicitur *Ficus Malabarensis folio crassiusculo, majori, fructu gemino, intensè rubente.*

Si autem alicui placuerit, aliquas ex hisce speciebus, ad *Sycorum* referre, non malè quoque illud fieri posse, libenter sentiam.

F I C U S B E N G H A L E N S I S.

C L A S S I S

P O L Y G A M I A T R I O E C I A.

Charaeter genericus.

Receptaculum commune turbinatum, carnosum, connivens, occultans flosculos vel in eodem vel distincto.

MASC. *Cal.* 3-partitus. *Cor. o. Stam.* 3.

FEM. *Cal.* 5-partitus. *Cor. o. Pist.* 1. *Sem.* 1.

Nomen specificum.

Ficus fol. ovatis integerrimis obtusis, caule inferne radicato.

Synonyma Authorum.

Ficus foliis ovatis integerrimis obtusis, caule inferne radicato. *Hort. cliff.* 471. *Amièn. acad.* 1. p. 29. *Roy. lugdb.* 212. *Trew. ebret.* 50.

Ficus americana, latiore folio venoso. *Pluk. phyt.* 178. f. 1.

Ficus benghalensis, folio subrotundo, fructu orbiculato. *Comm. hort.* 1. p. 119. t. 62.

Copiosum appetit alimentum, largiorique laticè aquoso delectatur: crassas ac pendulas fibras, quæ radicum rudimenta, è trunco & ramis demittit, quæ ubi solum attigerint, radices agunt; eapropter quoque ab aliquibus, idiomate Belgicò, insignitur nomine *Wortelboom*.
COMMELIN.

B U P A R I T I.

HIBISCUS POPULNEUS.

F I G. 29.

P*ariti* quatuor sunt species, *Pariti*, *Bu-Pariti*, *Schem-Pariti*, *Cadù-Pariti*.

Bu-Pariti lingua Bramanum *Vàlli-Càri-Capoèfi*, est arbor excelsa, nascens in arenosis, densis opacisque frondibus, coronam valdè gratam efformans, idque maximè quod ob puritatem nullis formicis neque muscis infestetur.

Radix pinniformis plurimis capillatis fibris terræ se affigens.

Caudex amplexum unius hominis superans ligno albicante est minùs duro & solido, quemadmodum illud abietum, verùm nullis venis undulatis, quod adaptatur ad conficienda instrumentorum musicorum opercula, intus in ligno corculo molli; ejus cortex est ut cortex tiliæ, cum quâ in multis ut forma, amœnitate & viriditate convenit, estque lignum & cortex nullius odoris, neque saporis, nisi sylvestris & adstringentis.

Folia, quæ teneris furculis, five ii ex vetustioribus ramis è latere, five ex eorum superiori parte erumpunt, petiolis longis, rotundis, viridibus, tenuibus appendent, sunt forma cordis humani, magnitudine unius palmi & amplius, anteriùs lanceola oblonga & angusta, cuspidata, contextura mollia & solida, superficie plana & glabra, viroris communis & parum nitentis, in parte adversa dilutioris, odoris & saporis nullius nisi sylvestris.

Ex petiolo cum costa media utrinque *Costæ* tres exeunt, quæ anteriùs progressæ ad oras folii excurrunt, ubi inter subtilissimos venularum cancellulos ac tractus disparent, suos ramulos laterales versus marginem dimittentes, suntque costæ etiam in recta parte eminentes, licet magis in adversa.

Flores qui longis quoque petiolis supra ex origine foliorum proveniunt, sunt campanæ quinque oblongo-rotundorum foliorum calyci arcto, rotundo, profundulo & crasso ac viridi-fusco, qui quinque minutis apicibus in ora eminet, insidentes, coloris ex albo flavescentis, qui nonnihil ad virorem vergit, odoris nullius; folia supra se invicem convoluta sunt exterius venis seu nervis eminentibus in longum striata, & ad idem latus in parte inferiori valde aspera, suntque ad calycem crassiola, anteriora versus tenuia, rugis valde crispa & contracta, & cum unguiculis versus unam partem inflexa; inferiùs in collo flores rosa insigniti sunt purpureo-rubicundo-

fulca quinque foliorum, quæ singula in singulis unguiculis foliorum distinctè notata sunt.

Ex medio exfurgit *Stylus Columnaris* striatus, albicans, circumdatus infra apicem penicillo numerosorum stamunculorum, tenuium, albicantium, quæ flavis lunularibus apicibus dotata sunt, ac apice quo extra penicillum ferme digito transverso emicant tortuosè inflexo.

Gemmæ Florum conicæ sunt post aperturam flores ex albicante magis & magis flavescent, & spatio trium dierum fusco-rubescunt, ac tum foliis contractis & clausis sunt, atque cum eo colore emortui ex calyce decidunt, suntque fronde per totum annum floribus numerosis adornatæ.

Floribus deciduis *Capitula* flavo-rotunda ac quinquangulata conspiciuntur, quæ in calyce florum profundè confita sunt, habentque latera nonnihil introrsum inflexa; capitula hæc incisa flavum, gummosum liquorem qui *Gutta-Gambæ* similis, saporis autem & odoris debilis ac sylvestris est, exsudant, suntque per intersepimenta intermedia in longum distincta in quinque capsulas quæ singulæ per intermediam eminentem corticis futuram in duo loculamenta divisa sunt.

Semina, quæ in iis confita oblonga sunt, trilatera, uno latere rotundo in quo argenteo lanuginoso cortice circumdata sunt, suntque colore spadiceo-fusci cum nucleo albicante in medio.

Flores hæc arbor fert toto anno ubere proventu.

V I R E S E J U S.

Folia ulcerum sanationi serviunt iis applicata.

F I G. 29.

Sequentes hæc plantas *Alcæ* esse species, nemo vel mediocriter in Botanicis exercitatus, inficias ibit.

Sed miror Autores quatuor proponere, cum tres tantum describant, & totidem Icones exhibeant. Prima ergo nobis erit *Alcea Malabariensis*, *Abutili folio, flore majore, ex albo flavescente*. Sed quid interim de *Abutilo Indico Camerarii*,

cui florem magnitudine rosæ sylvestris albicantem, interius luteum adscribit, statuendum? Ut verum fatear, magnam videtur habere cum hac & sequenti Planta affinitatem, & nisi florum obstaret figura, quam in Leonibus exhibet *Camerarius*, majori cum audacia certi aliquid pronuntiare possem.

HIBISCUS POPULNEUS.

CLASSIS

MONADELPHIA POLYANDRIA.

Character genericus.

Cal. duplex: exterior polyphyllus.

Caps. 5-locularis, polysperma.

Nomen specificum.

Hibiscus foliis cordatis integerrimis, caule arboreo, calyce exteriori indiviso.

Synonyma authorum.

Hibiscus foliis cordatis integerrimis, caule

arboreo, calyce exteriori truncato. *Fl. zeyl.* 258.

Alcea malabariensis, *abutili folio, flore majore ex albo flavescente.* *Raj. hist.* 1069.

Novella litorea. *Rumph. amb.* 2. p. 224. t. 74.

Observationes.

Calyx exterior monophyllus, fere integerrimus, omnino indivisus.

P A R I T I,

PARITI, seu TALI-PARITI.

HIBISCUS TILIACEUS.

F I G. 30.

*P*ariti, quæ secunda species est ling. Bramanum Càri-Càpufi, est arbor altitudine trium ferme hominum.

Radix fibris suis capillaceis in latum se diffundens.

Caudex crassus amplexu unius hominis ambitu minor.

Rami fusci cortice interiore viridi.

Folia, quæ in nodis solitaria, vel cum novellis supra suum exortum ramis in petiolis mediocribus, rotundis, crassioribus, viridibus & in recta parte etiam rubescentibus proveniunt, sunt forma cordis humani latioris & rotundioris, in summitate oblonga-angusta cuspide eminentia, in postica parte ad petiolum oris per incisuram diductis, in margine tenuissimis crenulis, contextura solidiora & crassiora, in recta parte viridi-fusciora, in adversa viridi-clarissima & albicantia, lanuginosa seu tomentosa ac lenia instar *Veluti*.

Cum costa media, ex qua costulae ferme binæ & binæ exeunt ex petiolo tres utrinque *Costulae* egrediuntur, quæ ramos suos seu costas transversas versus marginem emittunt, ex hisce tribus ea quæ costæ mediæ proxima est arcuatim alte ascendit, suntque costæ in se invicem arcuatim incurrentes cum costis minoribus versus marginem superimpositis, & ex se ramos seu nervulos transversos, qui mutuo inoculantur, diffundentes, ac cum iis folium in adversa parte eminentes.

Flores qui in superiori parte furculorum supra ex origine foliorum petiolis uncialibus crassis & viridibus proveniunt, sunt etiam campanulae quinque foliis parum rotundis constantes forma & colore quoque similes iis *Bu-Pariti*, verum hi minores sunt, & in exteriori parte subasperi, nec tantopere se crispant ac corrugant, suntque in inferiori parte colli non rosa quinque foliorum, sed macula grandi rotunda, purpureo-rubrovalde fusca notati.

E me-

E medio maculæ purpureæ exurgit *Stylus Cylindraceus*, qui albicantibus & subflavis gemmulis seu glomis est circumdatus, in summitate, qua supra glomos emicat, nodo oblongo-craffo & purpureo-rubro & valde fusco extuberans.

Calyx est quinque foliorum viridium oblongo-cuspidatorum quæ in medio costa eminente in longum striata sunt, ac à decem minoribus cuspidatis foliis arctè comprehenduntur, constatque pede craffo, digitali, qui inferius duobus parvis cuspidatis & viridibus foliis ad inflexuram petioli, cui annexus est, succingitur.

Flores hi quoque rubescunt.

Floribus deciduis ex calyce erumpunt *Capitula* oblonga-rotunda à foliis calycis, quæ tum colore Perfico sunt, ferme in totum comprehensa, suntque hæc capitula pilis minutis albicantibus obfita, in longum quinque lineis seu fulcis striata, ac in quinque capsulas feminales per membranas intermedias distincta.

V I R E S E J U S.

Flores triti cum lacte mulieris auribus induntur pro doloribus capitis.

F I G. 30.

Secunda hæc species nuncupanda videtur *Alcea Malabarensis*, *Abutili folio, flore minore ex albo flavescente, exterius subaspero.* *Schem-Pariti.* Verùm cum nec descriptionis nec figuræ ullum invenerim vestigium, nihil est quod de eo referam.

Debuisset autem, ut antè monui, subsequi

HIBISCUS TILIACEUS. CLASSIS MONADELPHIA POLYANDRIA.

Character genericus.

Cal. duplex: exterior polyphyllus.
Caps. 5-ocularis, polysperma.

Nomen specificum.

Hibiscus fol. cordatis subrotundis indivisis acuminatis crenatis, caule arboreo, calyce exteriore decemdentato.

Synonyma authorum.

Hibiscus foliis cordatis subrotundis indivisis acuminatis crenatis, caule arboreo, calycum exteriore decemcrenato. *Roy. lugdb.* 532. *Fl. zeyl.* 259.

Malva arborea maritima, folio subrotundo minore acuminato subtus candido, cortice in funes ductili. *Steau. jam.* 93. *hist.* 1. p. 215. t. 134. f. 4.

Alcea malabarica, abutili folio, flore minore ex albo flavescente exterius aspero. *Raj. hist.* 1070.

Alcea indica sinarum, flore luteo malvaceo. *Pluk. amalb.* 6. p. 355. f. 5.

Althæa maritima arborescens diffusa, foliis orbiculato-cordatis crenatis subtus cineris. *Brown. jam.* 284.

Novella. *Rumph. amb.* 2. p. 218. t. 73.

Observationes.

Stipulae ovales, majusculæ, obtusæ.
Folia juniora subtriloba.

C U D U-

C U D U - P A R I T I.

GOSSYPIMUM ARBOREUM.

F I G. 31.

CUdù-Pariti, quæ species Pariti lingua Bram. *Capussi* . . . , est arbuscula altitudine duorum hominum nascens in arenosis.

Radix pinniformis cortice albicante fibras emittens.

Stirps duos in ambitu palmos crassus evadit, cortice est communi cum corculo in medio ligni.

Folia sunt instar manus in quinque digitos seu foliola oblongo-angusta & cuspidata, incisa, quorum medium magis oblongum, dein illud quod medio proximum, suntque crassitie mediocri, ad tactum nonnihil lenia, utrinque viroris nonnihil fusci.

E petiolo quinque *Costæ* viridi-albicantes exeunt, quæ singulæ in cuspidem foliorum incurrunt in adversa parte solum eminentes, & in recta tantum nonnihil proximè ad petiolum ac venulas tantum subtiles intra folium transversim mittentes; ac inter eas utrinque subtiles venæ lacunosæ denso cancelliformi contextu sunt.

Flores qui in summitate surculorum brevibus petiolis proveniunt, sunt quoque campanulæ quinque foliorum oblongo-rotundorum ejusdem formæ cum illis priorum specierum, suntque etiam colore ex albo flavescente, sed qui magis ad virorem vergit, minores cæteris, in adversa parte venis minùs eminentibus striati, minimè verò asperi, minùs quoque se crispant, in inferiori parte colli in umbilico rosa purpureo-rubro-obscura notati sunt.

In medio emicat *Stylus* albicans penicillo stamunculorum tenuium & rubrorum, quæ gemmis flavis & lunularibus dotata sunt, circumdatus cum superiori parte albicante extra stamunculorum penicillum eminens.

Calyx, cui insident, rotundus, arctus, viridi-albicans, & punctulis viridi-fuscis notatus, ac ad inferiorem partem tribus foliis viridibus, grandiusculis, oblongis, cuspidatis, quæ singula quatuor, quinqueve cuspidibus antiùs eminent, ac nervulis in exteriori parte in longum striata sunt, circumamictus.

Gemmæ Flarum cuspidatæ & conicæ sunt, suntque etiam flores hi, postquam per aliquod tempus aperti fuere, rubescentes ac coloris rubro-perfici, pellucidi ac nitentis.

Capfulæ Seminales, quæ floribus deciduis è calyce prodeunt, sunt trilatæ & in summitate strictæ ac cuspidatæ, lateribus nonnihil rotundiolis, viridi-dilutis, quæ punctulis lacunosis, viridifuscis effossa ac in angulis sulco striata sunt, in inferiori parte à calyce arcuè apprehensæ, constantque cortice crasso ac duriolo, qui odoris est instar fructus *Mangæ Indicæ*, in iis tria loculamenta sunt per intersepimenta membranacea, quæ singula è medio cujusque lateris oriuntur & in medio stylis lignosis concurrunt à se invicem distincta, continentia singula in se tria quatuorve semina ac densa filamenta candida, lanuginosa, quæ semina arctissime & dense involvunt.

Semina oblongo-rotundiola sunt colore in cortice primùm albicante, deinde fusco, nucleo intus albicante qui est saporis nonnihil ardentis & subacris.

Ex filamentis candidis *Gossypium* conficitur.

Toto anno *Flores* fert.

V I R E S E J U S.

Folia trita & cum lacte vaccæ in unctione capitis adhibita somnum conciliant, atque eodem etiam modo sedant dolores capitis ac ejus vertiginem. *Fructus* triti & in aqua epoti fluxui dysenterico sistendo conferunt serviuntque pro fulcis oris.

F I G. 31.

Posterior hæc species nobis vocabitur *Alcea Malaharensis Pentaphylla*, flores minore ex albo flavescente, semine tomentoso. Quod autem non exiguum cum *Sabdariffa* habeat affinitatem, neminem negaturum crediderim, qui utramque Plantam diligentius examinaverit.

GOSSYPIMUM ARBOREUM.

C L A S S I S

MONADELPHIA POLYANDRIA.

Charactèr genericus.

Cal. duplex: exterior 3-fidus.
Capf. 4-locularis.
Sem. lana obvoluta.

Nomen specificum.

Gossypium fol. palmatis: lobis lanceolatis, caule fruticoso.

Synonyma auctorum.

Gossypium foliis palmatis: lobis lanceolatis, caule fruticoso.

Gossypium caule erecto. *Hort. cliff.* 350. *Gron. orient.* 208. *Roy. lugdb.* 359.

Gossypium latifolium. *Rumph. amb.* 4. p. 37. t. 13.

Gossypium arboreum, caule lævi. *Baub. pin.* 430.

Gossypium herbaceum s. *Xylon maderaspatense*, rubicundo flore, pentaphylleum. *Pluk. alm.* 172. t. 188. f. 3.

Observationes.

Inter foliorum sinus sæpe lacinula, unde omnes sinus obtusi.

CHOVANNA-

CHOVANNA-MANDARU.
BAUHINIA VARIEGATA.

F I G. 32.

M *Andáru* quatuor sunt species, *Chovanna-Mandáru*, cujus duæ sunt species ejusd. nominis, *Velutta-Mandáru*, & *Cánschena-Púu*.

Chovánná-Mandáru prima, lingua Bram. *Tambidò-Mandáru*, est arbor altitudine quatuor hominum, frondibus densis & opacis latè sparsis, nascentisque in arenosis & petrosis.

Radix crassa est, in latum sua brachia diffundens, cortice sub exteriori crusta nigricante-rubro.

Caudex unum ferme pedem crassus.

Folia, quæ petiolis brevibus exteriùs rotundis, interiùs planis ac sulco striatis proveniunt, in superiori parte bifida ut caprarum pedes, ob quod à Lusitanis, *Peê de Capra*, nominata, ac interiora versus nonnihil clausa lateribus oblongis ac rotundis, versus anteriora leniter rotunda ora contractis, ac à postica parte rotundæ incurvaturæ, interiori superficie plana, ac colore viridifurdo, in adversa colore viridi-subcœruleo, ac in margine nervulo subtili viridi-diluto circumdata.

Ex petiolo *Costulæ* undecim viridi-dilutæ ac flavescentes excurrunt cum costula intermedia, quæ in fissuræ terminum intrat utrinque quinque ejusdem cum intermedia crassitiei, quæ à costa mediâ longiùs distant, ductu magis inflexo incedunt, omnesque marginem ingrediuntur, committuntque hinc inde mutuo costulas transversas parùm eminentes.

Flores, qui petiolis longiusculis & viridi-dilutis supra ex origine foliorum proveniunt, sunt odore fragranti ac rosaceo, quinque foliorum rotundiolorum ac parum oblongorum, quæ ad unam partem magis sita sunt, quorum unum quod majus est ac latius, & rotundioris formæ ac surrectum, colore intus purpureo-rubro, ac ad umbilicum floris coloris flavi, purpureis notis hinc inde tincti, venulisque purpureo-rubris variegati, ad oras autem colore magis purpureo-diluto, in superficie exteriori magis albicante; cætera quatuor magis oblonga, colore rosaceo-saturo, exteriùs diluto, horum duo quæ majori proximè adjacent, interiùs in ima parte sunt colore albicante, reliqua duo interiùs in totum colore ferme rosaceo: suntque folia venula intermedia latiori, ex qua venulæ obliquè anteriora versus excurrunt, striata.

Stamina in medio quinque vel sex, quæ apicibus surrectis ac viridi-diluto-flavescentibus dotata sunt, ac versus folium surrectum & variegatum

inflexa, quorum duo vel tria, quæ minora sunt, ac magis incurvata, colore candido, tria reliqua colore rosaceo, ac cum iis filiquæ germen in suo petiolo se prodit.

Ad petiolum florum *Unifolium* viride est venulis striatum à parte folii surrecti florem succingens, ac gemmam florum primùm includens.

Gemmæ Florum oblongo-rotundæ, ad summitatem contractiores.

Post flores *Siliquæ* oblongæ valdè compressæ, rectæ, glabræ, longæ septem, octovè circiter pollices prodeunt.

Fabæ quæ intus continentur, planæ sunt ac oblongo rotundæ, colore albo dum immaturæ, dum verò siccæ, colore ruffo seu flavo-rubefcente-obscuro ad spadiceum vergente, jacentque in propriis loculis cum sua longitudine in latitudine filiquarum corneo ac duro intersepimento à se invicem sejunctæ cum parvo umbilico in vertice juncturis laterum filiquarum hærentes.

Toto anno hæc arbor fert flores tempore pluvioso uberiori proventu.

Schorvanna-Mandâru Malab. sic dicta à floribus quos rubros habet.

V I R E S E ÿ U S.

R*Adix* in decocto data flatus discutit & lumbricos in pueris enecat, hoc modo sumpta cum saccharo & melle pellit tussim & pituitam solvit. *Cortex* contritus ac cum aqua, in qua *Oryza* lota est, in lotione adhibitus, humoribus evocandis confert. *Flores* cum saccharo decocti proficuè usurpantur loco sacchari rosati pro leni purgativo.

F I G. 32.

Arbores hæc quatuor, foliorum divisurâ imprimis insignes, ab aliis descriptas non invenio. Prioris ramulum siccatum ante biennium ex *Zeilan* Insula transmisit Dominus *Hermans*, addita sequenti inscriptione.

Arbor Sancti Thomæ. In floribus apparent sanguineæ striæ, ab effuso sanguine D. Thomæ, evatæ. Docuisse creditur D. Thomas in Malabar & Zeilan.

Minimè verò hæc arbores easdem censeo, cum *arbore de Sancto Thomæ Acoftæ*, sive *Macure*, cujus Historiam videre licet, lib. *Aromatum* Cap. xii.

Commodè autem primam appellari posse reor *Arborem filiquosam Malabaricam, foliis bifidis, flore purpurascens striato.*

BAUHINIA VARIEGATA.

CLASSIS
DECANDRIA MONOGYNIA.

Character genericus.

Cal. 5-fidus, deciduus. Petala patula, oblonga, unguiculata: superiore magis distante, omnia calyci inserta. Legumen.

Nomen specificum.

Bauhinia fol. cordatis: lobis coadunatis obtusis.

Synonyma authorum.

Bauhinia foliis cordatis: lobis coadunatis obtusis.

Arbor f. *Thomæ* f. *Asitra*. Zanon. hist. 26. t. 15.

Observationes.

Habitat in Malabaræ, Maderæ arenosis.

Corollæ patentes: Petalis ovatis, acutis, roseis, luteo purpureoque variegatis. LINN.

CHOVANNA-

CHOVANNA - MANDARU.

BAUHINIA PURPUREA.

FIG. 33.

Chovanna-Mandaru secunda, quæ est secunda species *Mandaru*; est quoque arbor procera ut prima species densis frondibus latè sparsis, nascentisque in arenosis.

Radix crassa brachia in latum diffundens.

Caudex quoque crassus unum ferme pedem.

Folia quoque bifida ac interiora versus nonnihil clausa proximè similia prioris speciei foliis, sed iis ut & cæteris majora, suntque profundiori fissura incisa quàm illa primæ speciei, & anteriora versus lateribus paulò magis contractioribus, tactu lenia in adversa parte, ubi venulæ inter costas intermediæ minùs exstant, colore magis hyalo, in recta viridi-fusciori.

Flores, qui unifolio viridi-flavescente & rubescente, crassulo, plicato & segmentis in inferiori parte fenestrato succinguntur, quinque etiam vel sex constant foliis oblongo-angustioribus, quæ unguiculis longiusculis & angustis sunt, colore purpureo-valde rubicundo, quatuor autem vel quinque, tota superficie tam exteriori, quàm interiori purpureo-rubicunda, unum ad petiolum intus & extra striis albis venulas inter purpureas depictum ac variegatum est.

Stamina quæ folium variegatum cum suis apicibus viridi-dilutis ac flavescentibus inflexa respiciunt, tria, quatuor, vel quinque sunt ac crassiora, ac ad exortum sex septemve plurimis parvis filamentis comitata, colore purpureo-valde diluto seu albicante. Inter stamina *Siliquæ* germen petiolo suo se prodit.

Gemmæ Florum quinquangulatæ.

Siliquæ hujus omnium specierum maximè longæ sesqui-spithamam aut etiam duas æquantes, latitudine pollicari, planæ quoque compressæ, rectæ & glabræ.

Fabæ, quæ cum sua longitudine in latitudine filiquarum confitæ, eadem cum fabis prioris speciei forma & colore.

Flores hæc arbor fert toto anno, tempore pluvioso uberiore proventu.

V I R E S E ÿ U S.

Radix masticata confert in dentium & capitis doloribus trita & apposita pro dolore arthritico, cum gingibere ficco trita & in unctione adhibita pro raucedine ex pituita oborta, in decocto data. *Foliorum* decoctorum vapor dolores corporis sedat in parte affecta exceptus. *Flores* simpliciter comesti purgativi sunt. *Cortex*, *Flores* & *Fructus* simul triti & mixti cum aqua in qua macerata fuit oryza, serviunt apostematis aperiendis & maturandis.

F I G. 33.

Denominanda videtur hæc species, *Arbor filiquosa Malabarica*, foliis majoribus bifidis, flore intensius purpurascente striato.

BAUHINIA PURPUREA.

C L A S S I S

D E C A N D R I A M O N O G Y N I A.

Character genericus.

Cal. 5-fidus, deciduus. Petala patula, oblonga, unguiculata: superiore magis distante, omnia calyci inserta. Legumen.

Nomen specificum.

Bauhinia fol. subcordatis bipartitis rotundatis, subtus tomentosis.

Synonyma authorum.

Bauhinia foliis subcordatis bipartitis rotundatis subtus tomentosis. Sp. Pl.

Observationes.

Habitat in Indiæ arenosis.

Flores patentes, purpurascens: Petalia lanceolatis, distantibus.

VELUTTA-

VELUTTA - MANDARU.

BAUHINIA ACUMINATA.

FIG. 34.

*V*elutta-Mandáru, quæ tertia species est Mandáru, lingua Bramanum, Davò-Mandáru, est arbuscula altitudine unius hominis, nascens in arenosis.

Radix minùs crassa nec profundè in terram descendens.

Caudex crassus unum circiter brachium.

Folia bifida quoque similia cum iis prioris speciei, sed lateribus oblongioribus ac profundius incisus sunt, & versus summitatem in cuspidem contractis, colore viridi-fusco in interiori, ac ad strias costularum nitentia, in parte autem exteriori colore viridi-flavescente, ac in ea parte grossioribus extantibus nervis inter costas striata.

Flores, qui folio fenestrato viridi & tenui succinguntur, sunt albissimi nullis tincti maculis, odoris nullius, constantes quoque quinque foliis rotundiolis, parum oblongis, quæ venulis striata subtilioribus.

Stamina in iis decem candida è medio exeunt versus unam partem quoque inflexa, coloris albi cum apicibus flavis ac nonnihil surrectis in fastigiis, & cum iis tenerum germen filiquarum, è cujus vertice filamentum crassiusculum exit, se prodit.

Gemmæ Florum oblongo-rotundæ.

Siliquæ minores cæteris, longitudine quatuor aut quinque pollicum, latitudine quoque pollicari, planæ quoque ac compressæ & glabræ, nonnihil incurvæ versus unam partem, ac dorso rotundo latoque circumscriptæ.

Fabæ, quæ cum sua longitudine quoque in latitudine filiquarum confitæ ac intersepimentis distinctæ, oblongo-rotundæ, crassiolæ seu minùs compressæ iis *Chovánna-Mandáru*, ac multo minores coloris flavi minùs rubescentis.

Flores

Flores hæc arbor bis terve in anno fert tempore pluvioso, uberiore proventu.

V I R E S E J U S.

IN aqua decocta facta lotionne pellit humores corporis; proficua quoque est pro ulceribus sanandis trita & iis apposita. *Radix* in oleo decocta facta perunctione pustulas parvas in auricula natas sanat. *Eadem* dentium dolorem sedat mansa & iis apposita. *Cortex* decoctus cutaneos corporis pruritus lotionne sedat. *Flores* cum pipere triti & fronti appositi conferunt pro dolore capitis.

F I G. 34.

Hanc speciem non malè vocari posse crediderim *Arborem filiquosam Malabaricam, foliis bifidis, flore candido striato.*

BAUHINIA ACUMINATA.

C L A S S I S

DECANDRIA MONOGYNIA.

Character genericus.

Cal. 5-fidus, deciduus. Petala patula, oblonga, unguiculata: superiore magis distante, omnia calyci inserta. Legumen.

Nomen specificum.

Bauhinia fol. ovatis: lobis acuminatis semi-ovatis.

Synonyma authorum.

Bauhinia foliis ovatis: lobis acuminatis semi-ovatis.

Bauhinia inermis, foliis cordatis semibifidis: laciniis acuminato-ovatis erectis dehiscentibus. Hort. cliff. 157. Fl. zeyl. 148.*

Bauhinia foliis bilobis, spicis laxis terminalibus. Brown. jam. 286.

Sennæ spuræ aut Asphaltæ affinis arbor filiquosa, foliis bifidis. Sloan. jam. 150. hist. 1. p. 51.

Observatio.

Corollæ campanulæ, albæ: Petalis obtusis. Stamina diadelphe in B. hac & B. divaricata, contrario ac in Papilionaceis modo. LINN.

C A N S C H E N A - P O U.
BAUHINIA TOMENTOSA.

F I G. 35.

Canschena-Pou est quarta species *Mandáru* vocata, lingua Bram. *Cantsánu*, est quoque arbor altitudine duorum ferme hominum, ramos quoque densos transversim diffundens.

Radix intus est corculo flavo.

Caudex est crassitie ferme semipedis.

Folia hæc bifida & illis priorum specierum similia, sed multò minora, lateribus versus anteriora, ut illa primæ speciei rotundiolis, ac ad petiolum rectioribus oris, nullo ferme angulo in curvatis, in utraque superficie valde lenia & pilosa lanugine, odore sunt forti, maximè cum teruntur, vespertino ac nocturno tempore interiora versus clausa sunt.

Flores, qui unifolio viridi-succinguntur, albo-flavescentes quinque foliorum, quæ oblongo-rotundiora & latiora ac unguiculis mutuo convoluta sunt; unum è foliis quod magis surrectum est & angustius ac oris versus interiora contractis ad unguiculum insignitum est pictura purpureo-rubicundo-obscuri coloris, quæ folium parvum in summitate acuminatum repræsentat. Odor eis nullus.

Stamina, quæ quoque decem habent, albo-flavescentia incurvatum versus folium, quod magis surrectum est ac pictura insignitum, ornata apicibus oblongis & flavis. In medio quoque germen siliquæ ex summitate filamentum crassiusculum ejiciens se prodit.

Siliquæ sunt longitudine ut illæ primæ speciei, ac exteriori superficie valdè lenes & lanuginosæ, cum teneriores sunt.

Fabæ valde parvæ oculis satis latis, quæ intersepimentis interstinguuntur, contentæ, cum sua longitudine quoque jacentes in latitudine siliquarum, similes fabis *Velutta-Mandáru* forma & colore.

Flores bis terve hæc arbor in anno fert tempore pluvioso uberiore proventu.

V I R E S

V I R E S E J U S.

Radix servit pro parotidibus aut strumis trita & iis apposita. *Radici*
Cortex decoctus & epotus proficuus est pro phlegmate, ventris vermi-
 bus, hepatis inflammatione, uti & pro hæmorrhoidibus. *Idem Cortex* tri-
 tus & parotidibus appositus tumorem tollit, ac eod. modo usurpatus confert
 in vulnere sanatione & carnem adducit.

F I G. 35.

Hæc non ineptè nuncupari poterit, *Arbor siliquosa Malabarica, foliis bifidis minoribus, flore albo flavescente striato.*

BAUHINIA TOMENTOSA.

CLASSIS

DECANDRIA MONOGYNIA.

Character genericus.

Cal. 5-fidus, deciduus. Petala patula, ob-
 longa, unguiculata: superiore magis distante,
 omnia calyci inserta. Legumen.

Nomen specificum.

Bauhinia fol. cordatis: lobis semiorbiculatis
 tomentosis.

Synonyma Authorum.

Bauhinia foliis cordatis: lobis semiorbicula-
 tis tomentosis.

Bauhinia foliis cordato subrotundis: laciniis
 rotundatis. Hort. cliff. 157. Hort. upf. 99.
 Fl. zeyl. 147. Roy. lugdb. 464.

Bauhinia foliis subrotundis, flore flavescente
 striato. Burm. zeyl. 44. t. 18.

Mandaru maderaspatense, foliis firmioribus
 bifulcis glabritie splendentibus. Pluk. alm.
 240. t. 44. f. 6.

Senna Zeylanica, folio singulari, cordato,
 flore lutescente magno. Herb. Hert. Arbor
 Siliquosa, Malabar. foliis bifidis minoribus,
 flore albo, flavescente, striato Not. in H. M.
 a D. Syen autem in notis pag. 58. ad primam
 H. Malab. Speciem annotatur, & dicit, prio-
 ris siccatum ramulum ex insula Zeilan. Trans-
 misit Dom. Hermans sequenti inscriptione:
 Arbor Sancti Thomæ. In floribus apparent

sanguineæ striæ, ab effuso sanguine D. Thomæ
 enatæ. Docuisse enim creditur D. Thomas
 in Malab. & Zeilan. Similis huic figura, sed
 floribus destituta reperitur in Plukn. Phyt.
 Tab. 44. Fig. 6. ubi vocatur Mandaru Made-
 rasp. foliis firmioribus parvis bifulcis, glabritie
 splendentibus, ad surculum densius stipatis.
 Flos Divi Thomæ vulgo, Commel. Hort. Amst.
 Cat. pag. 34. & Fl. Malab. pag. 8.

Observationes.

Rami nostræ arbusculæ sunt lignosi, glabri,
 punctis scabriusculi, nitidi; folia alternatim
 petiolis uncialibus infidentia circumscriptione
 fere orbiculari, a superiore parte ad medium
 circiter bifida, lobo scilicet singulo semiovato,
 superne viridia, inferne albicantia.

In media autem folii fissura apparet spinula,
 quæ nervi recti majoris productio est, & ejus
 continuatio.

Flores solitarii per ramulos oriuntur, petiolis
 infidentes, duobus foliolis linealibus instructis.
 Flores hi sunt maximi ad unum latus inclinan-
 tes, ut in senæ speciebus, decem staminibus
 instructi, pistillum unicum staminibus dimidio
 fere longius habentes.

Soliquæ sunt longæ, planæ, rectæ, com-
 pressæ, superficie externa lanuginosæ & lenes
 admodum, dum teneræ adhuc sunt. Fabæ, quas
 includunt siliquæ, longitudinaliter locantur,
 septis distinctæ oblongorotundæ. BURMAN.

Corollæ campanulatæ, albo-flavescentes:
 Petalis obovatis. LINN.

M A R O T T I.

Incomperta.

F I G. 36.

M *Arbusti* lingua Bram. *Cassu*, est arbor procera, ramis densis & opacis latè transversum diffusis, nascens in arehosis.

Radix crassa, ramos latè spargens, exterius valde nigricans, intus cortice rubescente, qui saporis est adstringentis, ligno albicante.

Caudex crassus, ambitu unius hominis amplexum implens, ligno albicante, cortice crasso, qui exterius ex viridi nigricans, sub exteriori crusta rubescens.

Rami cinerei, teneriores, villosi ac spadicei seu muscosi coloris.

Folia hinc inde in ramis, furculisque petiolis brevibus, viridibus, rotundis proveniunt; suntque spithamam longa, quatuor quinqueve pollices lata, forma oblongo-rotunda, anteriùs cuspidè oblongo-angusta eminentia, in margine crenata ac denticulis acutis emicantia, contextura solida, crassa, superficie plana, in recta parte viroris fusci, in adversa viroris communis vel clari, in utraque nitentis, maximè in adversa, suntque odoris sylvestris, nonnihil gravis.

Ex costa media quæ in recta parte nonnihil eminet, *Costæ* transversæ in adversa maximè eminentes, tenuiter verò in recta, obliquo annulari ductu exeunt juxta marginem tractu longiusculo excurrentes ac in arcus sinuati, venulisque subtilibus transversis, quæ & in superficie utrinque conspicuæ sunt intertextæ.

Flores in superiori parte ramorum hinc inde tum supra ex origine foliorum, tum ex ipso corpore septem octovè plus minus ad unum exortum congregatim petiolis curtis proveniunt, suntque gemmæ parvæ, quæ apertæ tres series foliorum offerunt; in prima interiori serie est stella quinque minorum crassorum cuspidatorum foliorum, quæ villosa sunt & spadiceo-fusca, lenia ac nitentia instar *Veluti*; in secunda serie quinque folia sunt majora, rotunda, parva, interiùs cochleato-cava, subrufa ac pilis candidis maximè in oris obducta, quæ singula unum cuspidatum folium stellæ intra se recipiunt: quæ in tertia seu exteriori serie sunt folia quinque cuspidata, viridia, exterius viridi-muscosa, quæ cum in gemmis sunt flores exteriora folia sunt reliqua includentia; ex umbilico.

Stamina quinque inferiùs crassiola, viridia & pilosa, supernè tenuia & albicantia

Tom. I.

K

albicantia cum apicibus rotundiolis albicantibus subflavis emicant in se globulum viridem, qui est rudimentum fructus complectentia.

Gemmae Florum rotundæ & nonnihil viridi-muscosæ.

Fructus, qui ramis petiolis curtis, crassis, ipsis ramis ferme duplo crassioribus appendent, ac pandi sunt, rotundi seu etiam oblongo rotundi, in summitate sæpe curto seu oblongo nodo eminentes, cortice exterius rufo ac muscoso & scabro, intus viridi, qui in se includit os pergrande, durum, crassum & subflavum, quod intus alba, crassiola & duriola carne obductum est, & in medio capacitate satis grandi nucleis decem, undecim, plus, minus sine intersepimentis intermediis repletum; suntque nuclei primum cortice crassio, molli, albicantes & flaviusculis pilis obsiti, forma irregulares & angulosi, intus repleti medulla alba, quæ primum liquida est & mucilaginosæ, dein cum planè maturi, obtecti sunt nucamento osseo scabro, suntque tum forma oblongo-angusto-rotundi & cuspidati, intus oleosi.

Fructus ac præsertim *Nuclei* gravis & sylvestris odoris sunt, qui in foliis est debilior.

Flores hæc arbor toto anno uberi proventu fert, ut & *Fructus* copiosos.

V I R E S E T U S.

Oleum quod ex *Seminibus Fructuum* educitur, proficuum est pro doloribus sedandis, sanatque corpus scabiosum ac partis affectæ pruritum tollit facta perunctione. *Idem Oleum* quoque oculis salis humoribus infestatis, uti sæpe fit in profusis lacrymis, conferunt; insuper *Idem Oleum* cum cinere mixtum commodè apponitur vaccarum cæterorumque jumentorum apostematis; cum fructu dicto à Malabaribus *Palega*, mixtum, vermes in ulceribus pedum hominum seu brutorum ortos enecat facta perunctione.

F I G. 36.

Hæc quoque cum sit ex illis arboribus, quarum nulla sit, quod sciam, apud reliquos autores mentio, nominari poterit *Laurifolia Malabarica*, fructu osseo, nucleos continente.

An autem in aliis quoque Indiæ regionibus nascatur, asserere nequeo, præsertim cum inter plantas meas siccatas *Javanenses*, *Ceylonenses*, aliasque, non reperiatur.

Incomperta.

C A N I R A M.

C A N I R A M.

STRYCHNOS NUX VOMICA.

F I G. 37.

C*Aniram* quatuor species, una ejus nominis, secunda *Cára-Caniram* duo *Valli-Caniram*.

Caniram, ling. Bramanum *Card*, est arbor procera, ramis densis latè sparsis, nascens in arenosis.

Radix crassa, supra modum amara & cortice flavescente.

Caudex ambitu amplexum duorum hominum implens, cortice cinereo-nigricante.

Rami cinerei hinc inde rubescentes ac detrita exteriori crusta flavescentes, furculi teneriores viridi-fusci, nodosi cortice amaro.

Folia in furculis bina & bina ex nodis proveniunt se mutuo in ordine obliquè decussantia, suntque oblongo-rotunda latitudine maxima in medio, antè rotundo-cuspidata, superficie plana, virore communi in recta non-nihil nitente, in adversa surdo, saporis valde amari, odoris planè agrestis.

Cum costa media ex qua hinc inde nervi tenues, transversi ac minus obliquè excurrunt ex petiolo *Costula* utrinque duæ exeunt, in recta etiam parte nonnihil eminentes, ac obliquo arcuato ductu anteriora versus excurrunt marginem folii relinquentes, & quidem quæ costæ mediæ proximæ sunt, altè assurgunt, suntque folia in recta parte nervulis eminentibus cancellatim contextis striata; in adversa autem venulis seu tenuissimis nervulis in densiores cancellos contextis dotata.

Folius jam tum per intervalla deciduis in illis notis, ac vestigiis quæ relinquant, nulla nova folia redeunt, *foliaque nova & tenella* tantum ex summitate furculorum succrescentium prorumpunt.

Flores in furculis ex nodis umbellatim proveniunt, suntque parvi, quatuor, quinque vel etiam sex foliorum viridi-dilutorum, cuspidatorum & crassiorum cum pedunculo crasso, parvo, viridi, calyci arcto quinque foliorum cuspidatorum infidentes, forma externa haud dissimiles caryophyllis, odoris debilis haud injucundi.

Stamina in iis quatuor vel quinque cum apicibus oblongis viridi-dilutis ex pede emicant, suntque pedi interiùs inserti; inter ea stylus viridi-dilutus, supra apices emicans, qui è globulo viridi in calyce sito prodit.

Flores cum in gemmis promicant omnibus foliis vetustis arbor est spoliata, ac cum *Gemmis Florum* simul *Tenella Foliola* velut nova germina prorumpere conspiciuntur.

Fructus, qui solitarii, vel etiam duo, tres, quatuor pluresve congregatim furculis petiolis curtis appendent, rotunda mala sunt glabra absque rugis

colore primùm viridi, dein aureo-flavo, carne, cùm immaturi sunt, albicante & parum aquosa; cùm maturi, candida & mucilaginosa, cortice crassiusculo & fragili, suntque *Saporis* valde amari.

Semina, quæ intra carnem fructus confita sunt, forma rotundiola, plana ac compressa, cum planis suis superficiebus jacentia in longitudine fructus, cortice, cùm immatura sunt, argenteo parùm ad spadiceum vergente, maturi cortice exteriori instar *Veluti* viridis; suntque pulpa valde amara.

Tota arbor ob *Amaritudinem* celebri.

Flores fert tempore æstivo, pluvioso *Fructus*.

V I R E S E J U S.

Radix decocta & epota purgativa est, humores per inferiora evacuans, quomodo etiam prodeest pro febribus pituitosis, doloribus colicis, intestinorum torminibus, ventris fluxibus easdem quoque vires habet, si in infusione detur, vel si ejus decoctum cum momento piperis fumatur; conducit in podagra, si cum ejus decocto pars affecta ungatur, confertque sedandæ vertigini capitis, atque etiam in atra bili, si ejus decoctum cum lacte vaccæ mixtum ad delibutionem capitis adhibeatur. *Cortex* contritus & mixtus cum aqua, in qua fuit oryza, flavæ bilis fluxum reprimat. *Folia* decocta rheuma seu catarrhos sistunt, facta lotionem corporis. *Succus ex Folis* expressus ac in decocto datus capitis dolores sedat, largiùs epotus venenæ vires habet mortem inducens, in stercore hominis comesto salus est. *Flores* sedant dolores unguum, si triti ac in oleo *Coqui Indici* cocti iis apponantur.

Usus *Seminum* in *Fructibus* per duos annos continuatus, sumpto singulis diebus uno aut duobus numero, efficit ut morsus venenatus colubri, vulgò *Cobra Capella* dicti, nullas noxas adferat.

F I G. 37.

Malus Malabarica folia & fructu amaricante, semine plano compresso, commode hæc ab aliis non descripta arbor, vocari possit.

Coluber autem ille venenatus, sive *Cobra Capella* Lusitanorum, cujus morsus semina hujus mali sanare, referunt Autores, frequentissimus est in Insula *Zeilan*, & præ aliis venenatus, vocaturque ibidem *Naja* & *Nagbaja*:

obtineturque illud particulare, quod in posteriori colli parte, conspicilli figuram gerat, distinctis coloribus expressam, uti quoque in ipsius exuviis, in Porticu Horti Academici suspensis, videre licet. Quas anno præterito, munere Domini *Hermani*, cum aliis rarioribus accepimus.

STRYCHNOS NUX VOMICA.

CLASSIS

PENTANDRIA MONOGYNIA.

Character genericus.

Cor. 5-fida. Bacca 1-locularis, cortice lig-noso.

Nomen specificum.

Strychnos fol. ovatis, caule inermi.

2

Synonyma auctorum.

Strychnos foliis ovatis, caule inermi. Fl. zeyl. 91. Mat. med. 77.

Strychnos foliis quinquenerviis. Wach. ultraj. 32.

Nux Vomica officinarum. Bauh. pin. 511. Raj. hist. 1814.

Colubriini ligni tertium genus in malabar. Bauh. pin. 301.

NILICAMARAM.

N I L I C A M A R A M.

PHYLLANTHUS EMBLICA.

F I G. 38.

Nilicamaràm, lingua Bram. *Anvash*, est arbor altitudine quatuor hominum, ramis densis transversum diffusis, nascens in arenosis & petrosis.

Radix crassa est, plurimis capillatis fibris se terræ affirmans cortice nigricante, quæ sub crusta nigricante intus nonnihil rubescit.

Caudex amplexum unius brachii ambitu implens, cortice nigricante ut & rami.

Folia, quæ in furculis tenuibus, rotundis ac spithamam & paulò amplius longis, qui hinc inde è ramis vel solitarii, vel bini, terni, vel quaterni ex eodem nodulo exoriuntur, brevissimis petiolis proveniunt, in duabus seriebus transversim & paulo obliquè anteriora versus reclinata, & cum planitiæ suarum superficierum furculos medios secantia, suntque parva, oblonga & angusta, latitudinis ubivis uniformis, plana, tenuia, solida seu densæ texturæ, una tantum venula in medio striata, in recta parte virore fusco, in adversa claro-diluto, suntque tempore vespertino seu nocturno, quæ in eadem serie sunt clausa ac ad se mutuo decumbentia, ad pedunculos autem singulorum foliorum cauliculi punctis cuspidibusque utrinque è latere emicant, quo ipso maximè cum foliis nudati sunt, scabri & asperi apparent.

Flores qui cauliculis foliaceis, maximè in eorum inferiori parte, ut & ramis, ex quibus cauliculi foliacei prodeunt, plures congregatim insident, parvi sex foliorum angustorum albicantium, habentes in medio stamen albicans cum nodulo seu apice flavo, qui postmodum obscurè rufescit, odoris nullius.

Gemmae Florum rotundæ & albicantes.

Fructus, qui floribus deciduis, ramis & furculis arctè insident, sunt plano-rotundi, duri viridi-diluti, etiam cum maturi sunt ac nonnihil transparentes, sex subtilibus venulis quæ in verticem concurrunt, in longum striati, carne succi plena, transparente ac viridi-diluta, quæ saporis est acidi, delectabilis & subadstringentis, suntque in eduliis; suntque furculi foliacei, quibus fructus insident, parte inferiori foliis nudati.

In medio fructuum *Officulum* est durum, lignosis filamentis oblitum, sex

sex lateribus rotundiolis, quorum tria apposita magis prominent, constans, ac per sex intermedia interstitia, quæ angulis adstricta sunt, in sex capsulas, in quibus singulis unum semen continetur, distinctum, sunt autem.

Semina parva, triangularia, duobus lateribus rectis & uno rotundo circumscripta, primùm albicantia, dein coloris rubri-obscuri ac nitentis.

V I R E S E J U S.

DEcocta in aqua servit pro morbis endemiis. *Folia* ejus tenera & in lacte acido epota conferunt fluxui dysenterico. *Fructus* exsiccati & in pulvere cum lacte acido spisso dicto *Tayr* dati quoque in dysenteria profunt. *Iidem* in decocto dati proficui sunt pro febre calida, uti & pro ardore pectoris, cum saccharo decocti & epoti vertiginem capitis sedant. *Aqua*, quæ ex *Fruetibus* distillatur, epota ardori jecoris restinguendo convenit.

F I G. 38.

Arborem hanc denominare placuit, *Acaciæ foliis Malaharicam, fructu rotundo, semine triangulo*. Imò planè non vereretur ad *Acaciam* referre, ni fructus obstaret, qui nullam cum ipsa affinitatem obtinet. Proveniunt autem cum in aliis Indiæ regionibus, tum præsertim in Insula *Zeilan*, varietatē *Acaciæ* species, Europæis hæcenus incognitæ. Præter enim legitimam sive *Egyptiacam*, quæ *foliis Scorpioidis Leguminofo C. Baubino* dicitur: Alteram *flore pulcherrimo Cat. Paris.* quæ *Americana* dici consuevit, & *Farnesianam Aldini*; frequens ibidem nascitur *Acaciæ* genus, flosculos ferens luteos racematim cohærentes, filiquis majori-

bus latis, planis, *Wawulathya Cingalensis* dictum, à *Wawula*, id est, vespertilionè, quod ejus spinulæ similes sint unguiculis vespertilionum, quibus tanquam hamulis, arborum ramis, in Indiâ observantur affixæ. Huic quoque floribus non dissimilis, filiquis oblongis minoribus, quibus semina majora exterius insigniter protuberantia conspiciuntur, in sylvis passim crescit, vocaturque *Cingalensis Catbukaraba*, à gratè acido foliorum sapore. Prætereaque *Acaciæ* foliis nonnullæ aliæ observantur, inter quas hæc ab Autoribus descripta, etiam numeranda venit.

PHYLLANTHUS EMBLICA.

C L A S S I S

M O N O E C I A T R I A N D R I A.

Character genericus.

Masc. Cal. 3-partitus, campanulatus.
Cor. o.
Fem. Cal. 4-partitus. Cor. o. Styli 3, bifidi.
Caps. 3-locularis. Sem. solitaria.

Nomen specificum.

Phyllanthus fol. pinnatis floriferis, caule arboreo, fructu baccato.

Synonyma auctorum.

Phyllanthus foliis pinnatis floriferis, caule arboreo, fructu baccato. Fl. zeyl. 333.
Myrobalanus Emblica. Bauh. pin. 445.
Rumph. amb. 7. p. 1. t. 1.
Nellika. Zan. hist. 159. t. 61.

O D A L L A M.

O D A L L A M.

CERBERA MANGHAS.

F I G. 39.

O *Dallam*, lingua Bramanum *Urò*, est arbor altitudine duum triumvè hominum, nascensque in arenosis.

Radix fibras capillatas in latum subtus terram emittens, cortice albicante subdulci & subamaro.

Caudex crassus, unius hominis amplexum ambitu implens ramosque tortuosos diffundens, ligno mollissimo cum corculo intus rufo, cortice lacteo-cinereo-fusco, qui amarus & mordax est; in furculis teneris cortex exterior viridi-fuscus, ac lignum ex filamentis minus tenacibus constans: corculum intus viride & humidum.

Folia, quæ hinc inde in ramis & furculis petiolis crassis, in interiori parte planis ac viridi-dilutis & lacteis proveniunt, angusto-oblonga sunt, ac linguiformia ad petiolum stricta, anteriora versus latiora, ac in cuspidem brevem & angustam, quæ versus adversam partem nonnihil reflectitur, contracta: suntque textura crassa, solida, lactea, mollia, superficie lenia, glabra & nitentia maximè in parte recta, ubi viroris sunt fusci, sapore amaro & pungente.

E costa media, quæ crassa est & viridi-diluta & albicans, & in adversa tantum eminet, *Nervi* valde subtiles intra folium & parum in adversa extuberantes transverso ac parallelo ductu exeunt *Venulis* subtilissimis intertexti.

Flores, qui umbellatim proveniunt in petiolis longis, crassis, languidis, lacteis, viridibus, qui supra ex summitate caulis erumpunt, sunt quinque foliorum albissimorum, cuspidatorum, quæ inferiora versus contractiora sunt, cum uno latere latius excurrentia, atque in parte, ubi minùs excurrunt & rectiori ora sunt, crassiora, & in unguiculis colore flavo seu croceo, insidentque cum pede crassiole viridi diluto calyci, qui quinque foliis oblongo-angustis, cuspidatis, crassiolis, interiùs albicantibus, exteriùs viridi-dilutis constat; ex medio florum emicant *Stamuncula* tenuia, quinque quæ crassiolis, flavis, striatis ac surrectis apicibus juxta unguiculos foliorum dotata sunt, ac pedi interiùs inserta, & cum iis stylus tenuis, liber, albicans cum nodulo crasso ac pyriformi in vertice ex primordio fructus qui infra calycem est, prodiens; floribus cum suis pedunculis è calyce decisis succedunt.

Fructus, qui petiolis crassiolis, longiusculis, languidis ac pandis appendent, suntque mala grandia oblongo-rotunda & nonnihil plana, ac in parte ubi magis compressa, tenui sulco in longum striata, pondere valde levia,
cùm

cum parvula, ac teneræ ætatis, oblongo-angusta; constantia cortice exteriori tenui, glabro, lacteo & viridi-flavescente; ad corticem intus pulpa tenui, albicante & lactea, quæ saporis est aquei.

In medio os est grande, referens nonnihil exemplar cordis humani, constans nucamento duro ac osseo, quod exterius sub pulpa mali lato interstitio filamentis lignosis & albis reticulatim per textum ac inter cancellos fungosa albicante pulpa stipatum est ac pulpa corticis circumdatum, includitque nucleos duos albos, candidos, qui intersepimento crasso, duro & cartilaginoso extuberante ac nucamento osseo affixo, à se mutuo sejuncti sunt, suntque nuclei forma oblongo-rotundioli cum sua longitudine siti in longitudine corculi; una parte, qua intersepimento adjacent, plano, altera rotundo & parum convexo latere, ac majori crassitie ad basim ossei nucamenti, saporis amari, in teneris autem nucleis pulpa sub cortice candido est instar albuminis ovi, seu mucilaginis claræ ac pellucidæ, quæ etiam sub-amara est.

Apud hosce Medicos non est in usu.

F I G. 39.

Hanc arborem, *Mangas* vulgo dictæ arboris, esse speciem, si quis pronuntiaverit, à vero non aberraturum crediderim. Verum cum Botanologi plures recenseant, easque vix nisi nominibus describant, vix videtur assignari posse, ad quam demum hæc referri debeat vel possit. Interim nobis erit *Persica similis angustifolia*, esse cordis humani figura, binos nucleos continente.

Transmiserat quoque jam sæpius laudatus

Dominus *Hermans* hoc anno, ex *Zeilan*, ad Excellentissimum & Illustrissimum Dominum de *Beueringh* quarumvis scientiarum, & imprimis Botanices Patronum & Mœcenatem summum, illud *Mangas* genus, quod ab *Acosta* *Mangas Bravos*, & fructu venenato à *C. Baubino* dicitur, verum molestiarum itineris, & cœli frigidioris impatiens, fermè exaruerat, antequam ad has oras appulisset.

CERBERA MANGHAS.

CLASSIS

PENTANDRIA MONOGYNIA.

Character genericus.

Contorta. Drupa monosperma.

Nomen specificum.

Cerbera fol. lanceolatis: nervis transversalibus.

Synonyma authorum.

Cerbera foliis lanceolatis: nervis transversalibus. Fl. zeyl. 106. * Osbeck. it. 91.

Manghas lactescens, foliis nerii crassis venosis, jasmini flore, fructu persici simili venenato. Burm. zeyl. 150. t. 70. f. 1.

Manghas fructu venenato. Bauh. pin. 440. Raj. hist. 1552.

Arbor lactaria. Rumph. amb. 2. p. 243. t. 81.

Observatio.

Arbor lactescens. Folia alterna, sparsa ad apices ramorum, lato-lanceolata, petiolata, glabra, integerrima, pedalia. Racemi terminales, ramosi, inæquales. Perianthium pentaphyllum foliolis lanceolatis, patentibus, coloratis, deciduis. Corolla alba, infundibuliformis: Tubo calyce longiore, interne angulato. Limbo quinquepartito, lobis ovatis, tubo brevioribus. Stamina Filamenta 5, brevissima, tubi superiori parti inserta. Antheræ ovatæ, tetragonæ, testæ lanugine tubi. Pist. Germen bifidum. Stylus filiformis, tubo fere brevior. Stigma ovatum, fissum. Pericarpium Drupa ovata, magnitudine ovi anseris, viride punctis albis minutissimis, uno latere compressum futuraque obsoleta; Semina 2, veluti duas castaneas magnas includens, venenatum, vomitorium. Osbeck. LINN.

M A I L -

M A I L - A N S C H I.
LAWSONIA SPINOSA.

FIG. 40.

M *Ail-Anschi* est arbor altitudine trium hominum, ramis densis & opacis latè sparsis, nascens in arenosis, dicta lingua Bram. *Mety.*

Radix crassa & profundè se demittens, fibras hinc inde dimittens cortice cinereo seu albicante, qui sub exteriori cuticula rubescit, intus albicans est.

Stipes ambitu paulo minus amplexum unius hominis implens, estque cum ramis cortice cinereo, ligno duro & albicante, intus cortex ramorum minùs vetustiorum sub cinerea corticula viridescit.

Folia furculis tenuibus, brevibus, qui etiam bini, terni, quaterni congregatim ramis crassioribus erumpunt, bina & bina vel solitaria proveniunt, iique brevissimis pedunculis insident, suntque parva, oblongo-rotunda & angusta, anteriùs cuspidata, seu etiam rotundiola, ad petiolum striata, contextura tenuia, superficie plana & glabra, viroris communis & nonnihil nitentis, saporis subamari.

Ex costa media *Costula* etiam in recta nonnihil eminentes, quæ arcuatim in se invicem incurrunt, exeunt venis nullis conspicuis intertextæ, sapore subamaro & odore nullo.

Flores proveniunt in summitate furculorum foliaceorum in parvis, tenuibus, rubris petiolis plures congregatim ac racematim, sunt autem parvi, odoris haud injucundi, hortensis, quatuor foliorum ex albicante subflavorum, crispatorum, latiusculo intervallo à se invicem distantium, quæ postea magis flavescent.

Stamina in iis octo albicantia apicibus grandiusculis & subflavis dotata, quæ bina & bina ex foliorum intervallis emicant; in medio se prodit globulus viridi-dilutus & rotundis, qui primordium est fructus cum stylo albicante in vertice.

Calyx quatuor foliorum cuspidatorum & viridium.

TOM. I.

L

Floribus

Floribus deciduis succedunt in racemis *Baccæ* rotundæ cum spiculo in vertice ac calyce suo inferius arctè contentæ, seminibus numerosis repletæ, & carne intra semina, saporis adstringentis, primùm virides, dein rubescentes, post nigricantes.

Semina sunt oblonga, cuspidata, angulata cum basi rotunda ad corticem sita, ac alia in superiori, alia inferiori baccharum cum strictiori parte seu cuspidate interiora baccharum respicientia, primùm subflava, natura fusca ac nigricantia.

Flores fert semel tempore pluvioso.

V I R E S E ÿ U S.

Radix in decocto data conducit in doloribus pedum ex podagra natis.
Folia in decocto cum saccharo data, seu simpliciter & in lacte epota conferunt pro ictero. *Succus* ex *Foliis* expressus & in lacte vaccæ cum saccharo epotus, urinantibus materiam albam & purulentam prodest.

F I G. 40.

Lubuit hanc plantam appellare *Oxycanthæ* sint & ossæ, vel molliuscula & membranacea
affinem Malabaricam racemosam subflavo flore. & Autores non addunt) & ad *Rhamni* spe-
 Si cui tamen obstitit semina, (quæ an dura ciem referre malit, nec cum eo litigabo.

LAWSONIA SPINOSA.

C L A S S I S

O C T A N D R I A M O N O G Y N I A.

Character genericus.

Cal. 4-fidus. Petala 4. Stamina 4 parium.
 Caps. 4-locularis, polysperma.

Nomen specificum.

Lawsonia ramis spinosis.

Synonyma authorum.

Lawsonia ramis spinosis. Fl. zeyl. 134.
 Hasselq. it. 464 *.
 Rhamnus malabaricus. Mail-anfchi. Pluk.
 alm. 38. 220. f. 1.
 Cyprus. Rumph. amb. 4. p. 42. t. 17.

C U M B U L U.
BIGNONIA CATALPA.

FIG. 41.

CUmbulū ling. Bramanum Bòn-Varò, est arbor procera ramis ex medio caudice in altum, minus verò in latum diffusis, nascens in arenosis.

Radix albicante & crasso ac molli cortice, qui subamarus est, ligno albicante, fibras longas emittens.

Caudex ambitu amplexum unius hominis excedens, vestitus cortice crassiole & molli, qui exteriùs crustā albicante obductus est & sub ea nonnihil viridis, intus albicans odorem calcis æmulum fundens.

Rami & furculi cinerei ac nodulis hinc inde interstincti, teneriores virides.

Folia, quæ longis, rotundis, crassiolis, languidis, viridibus petiolis bina & bina in nodulis proveniunt ac se mutuo ordine decussant, oblonga sunt, in longitudine unam spithamam & duos tresve pollices, in latitudine duos palmos æquantia, ad petiolum maximā latitudine, cum minora sunt formæ rotundioris & minus oblongæ, anteriora versus sensim contracta & in cuspidem oblongam desinentia, suntque tomentosa lanugine obsita, maximè in adversa & lenia, viroris in recta valde fusci & parum nitentis, in adversa clari ac diluti, odoris nisi sylvestris, saporis amari.

Ex costa media, quæ *Costæ* excurrunt in adversa parte & solum eminent, ac à margine reflexæ arcuatis ductibus multiplicibus, quibus minores arcus versus marginem superinducti sunt, in se invicem deferuntur; prope ad petiolum quoque utrinque ex costa media costa exit ramos quatuor, quinqueve majores versus marginem dimittens, ac arcuatim in se invicem conducens, suntque inter costas tractibus suis rectam folii partem striantes ac nervis numerosis transversis intercurrentibus, & solum in adversa parte eminentibus, qui tractibus suis rectam quoque partem striant, comitatae.

Flores in summitate furculorum plures congregatim brevissimis pedunculis pandi proveniunt, suntque flavi forma instar cucullorum, laciniis seu foliis quinque rotundiolis, crassiolis, quorum unum majusculum est & latius ac cæteris longiùs propendens, quatuor reliqua versus exteriora reflexa sunt incisi, supernè ad folia seu lacinias latiores quàm parte inferiori, ad calycem atque ad partem folii latioris & longioris magis protensi & convexioris, coloris interiùs flavo-clari, exteriùs ubi tenuiter pilosi sunt, flavo-fusci, odore nonnihil debili & non injucundo.

Stamina in iis quatuor flavo-albicantia ac nonnihil inflexa versus folium majus,

majus, quæ dotata sunt apicibus grandiusculis, flaviusculis ac inferiori cuculli parte interius inserta sunt, duo præ cæteris emicant; inter ea stylus flavo-albicans superius bifurcatus conspicitur, qui ex viridi capitulo, quod in calyce residet ac fundamentum fructus est, excurrit.

Calyx brevibus in oris est cuspidibus arcuè flores includens.

Gemmæ Florum viridi-subflavæ, oblongæ, foliis supernè in quinque angulos complicatæ.

Fructus, qui calyce florum primum in totum & arcuè excepti sunt ac brevibus pedunculis appendent, oblongo-rotundi, parte superiori crassiores, hinc inde tuberculis exturgentes, carne intus succulenta, flava, subdulci & amara, cujus humor expressus unctuosus redditur flavo intenso ac rubescente colore manum tingens, cortice crasso, primum virides, dein flavo-diluti, odoris quoque debilis, non injucundi.

In medio continetur unum officulum albicans, oblongum, durum, glabrum, pyriforme, ac acutis tuberculis hinc inde eminens, parum nuclei in se continens.

Bis in anno fert flores.

V I R E S E J U S.

R*Adix* in decocto data addito pauxillo oryzæ prodest in febre symptomatica comitante podagram seu dolorem arthriticum. *Eadem* data in lacte acido vel in Oleo *Sirchelini* proficua est pro flatibus & dolore thoracis. *Radicis Cortex* contritus & in aqua decoctus juvat in febre frigida, idem contritus & per tostionem in pulverem redactus servit in podagra facta perunctione partis affectæ. In lacte acido datus intestinorum sedat tormina, ad quod etiam confert succus foliorum epotus.

F I G. 41.

Arbori hic descriptæ nihil est quod addam nisi quod appellandam censeam *Nucem Malabaricam unctuosam, flore cucullato*.

BIGNONIA CATALPA.

C L A S S I S

DIDYNAMIA ANGIOSPERMIA.

Character genericus.

Cal. 5-fidus, cyathiformis. Cor. fauce campanulata, 5-fida, subtus ventricosa. Siliqua 2-locularis. Sem. membranaceo-alata.

Nomen specificum.

Bignonia simplicibus ternis cordatis, caule erecto, flor. diandris.

Synonyma authorum.

Bignonia foliis simplicibus cordatis ternis, caule erecto, floribus diandris. Jacq. amer. 25.

Bignonia foliis simplicibus cordatis. Hort. cliff. 317. Roy. lugdb. 289.

Bignonia arborea, foliis ovatis verticillato-

ternatis, filiqua gracili longissima. Brown. jam. 264.

Bignonia arbor, folio singulari undulato, filiquis longissimis & angustissimis. Plum. spec. 5. ic. 57.

Bignonia americana, arbor syringæ cæruleæ folio, flore purpureo. Duham. arb. 1. p. 104. t. 41.

Bignonia urucu foliis, flore sordide albo intus maculis purpureis & luteis adperso, filiqua longissima & angustissima. Catesb. car. 1. p. 49. t. 29.

Kawara Fisagi. Kæmpf. jap. 841. t. 842.

Observatio.

Arbor erecta. Folia terna. Cirrhi nulli. Flores diandri: staminibus duobus antheriferis; reliquis tribus castratis. Variat foliis cordatis & ovatis.

LINN.

C A N S C H I.

C A N S C H I.

T R E V I A N U D I F L O R A.

F I G. 42.

C *Anschbi*, lingua Bramanum *Schivánni*, est arbor procera nascens in arenosis.

Radix crassa ramos fibrosos quaquaversum ejiciens cortice cinereo-fusco, qui intus sub exteriori corticula est rubescens, ligno albo.

Caudex ambitu amplexum unius hominis implens, estque cum ramis cortice cinereo, qui intus est viridis.

Rami & furculi intus in medio ligno corculo fusco ac nodulis interfincti, ex quibus furculi novelli virides exsurgunt.

Folia, quæ in nodis petiolis longis, rotundis, viridibus proveniunt, grandia sunt, spithamam & amplius longa, duos ferme palmos lata forma oblongo-rotunda, ad petiolum lata cavitate, anteriora versus in cuspidem oblongam contracta, contextura tenuia & mollia, virore in recta fusco, in adversa communi vel etiam claro, utrinque parum nitente, saporis astringentis & amari; ex petiolo cum costa media ex qua costæ viridi-dilutæ obliquè anteriora versus exeunt, quæ à margine multiplicibus arcuatis ductibus in se invicem deferuntur, duæ laterales prodeunt, utrinque una, ex quâ costulæ septem, octo versus marginem emittuntur, quæ in se invicem quoque arcuatis ductibus incurrunt, suntque costæ etiam in recta nonnihil eminentes, ac nervulis transversis numerosis, viridi-dilutis, qui folium subeunt ac utrinque tenuiter eminent, & cancelliformibus plexibus venularum intertexti sunt comitatæ.

Flores in petiolis rotundis, viridi-dilutis, qui supra ex origine foliorum proveniunt brevibus ac tenuibus pedunculis plures congregatim & racematim insident, suntque viridi-diluti, constantes foliis cuspidatis, viridi-dilutis tribus, seu quod rarius est, quatuor, in quæ gemmæ relaxantur ac numerosis staminibus viridi-dilutis, quæ stylo viridi circumposita sunt, ac apicibus viridi-dilutis, seu etiam flavescentibus ac rufescentibus dotata, haud dissimiles fl. *Cit-Avánacu*, odoris nullius.

Gemmæ Florum rotundæ & nonnihil planæ, anteriùs in brevem cuspidem contractæ

H O R T U S

contractæ & viridi-dilutæ, sub illud tempus quo proruptio florum gemmis instat, omnibus foliis spoliatur arbor, quæ rursus tempore fructuum resumit.

Fructus, qui longiusculis, viridibus petiolis appendent, sunt plano-rotundi trium laterum, quæ striis distincta sunt, atque in vertice ubi striæ concurrunt gemmula eminentia, in medio singulorum laterum leniter striata, carne densa, suntque etiam cum matura sunt colore viridi.

Intus in medio continentur tria *Semina* per tenue intersepimentum à se mutuo distincta, quæ forma trilatera sunt, uno latere exteriori rotundo, ac duobus quibus intersepimenta contingunt planis.

V I R E S E Æ U S.

Radix in decocto data ventri tume-facto extenuando servit. *Eadem* juvat in podagra facta perunctione.

F I G. 42.

Præter denominationem *Baubinianum* in modum efformatam, plura exhibere non datur. Erit ergo nobis *Arbor racemosa Malabarica*, fructu triquetra. Ad *Nucem* referrem, si de

exteriore cortice plura constarent, cujus ut & fructuum figuram, omissis reliquis attributis duntaxat describunt Autores.

TRE VIA NUDIFLORA.

CLASSIS

POLYANDRIA MONOGYNIA.

Character genericus.

Cor. o. Cal. 3-phyllus, superus. Caps. 3-cocca.

Nomen specificum.

Trevia.

Synonyma authorum.

Trevia.

Arbor racemosa malabarica, fructu triquetra. Com. 30.

Observationes.

Habitat in arenosis.

Ad classem Monœciæ pertinet. LINN.

PALEGA-PAJANELI.
BIGNONIA INDICA.

FIG. 44.

P*Ajaneli* duæ species sunt, *Pálega-Pajaneli*, & *Pajaneli*.
Pálega-Pajaneli ling. Bram. *Davandicu*, est arbor procera nascens in arenosis, ramis minùs in transversum diffusis.

Radix fibrosa ramos quaquaversum emittens cortice crasso, molli, qui exterius est rufus, intus ex viridi flavescentes coloris, saporis subamari, ligno albicante & molli, qui facilè in filamenta protrahitur.

Candex ambitu unius hominis amplexum implens, cortice cinereo, & rami qui sub cinerea crusta virides sunt, teneriores virides, scabri seu ob punctula asperi, grandibus nodis, ex quibus ramos transversos binos & binos ejiciunt, extuberantes, suntque intus corculo fungoso & albicante, ligno pauco ad corticem, atque adeo valde leves: cùm vetustiores sunt, decidunt, notas relinquentes, in quibus etiam novi erumpunt.

Folia in furculis longis interiùs lira striatis, qui ex caudice ipso vel etiam ejus ramis crassis in quos diffusus est, prodeunt, simplices ac in nullos ramulos divisi ac quinque sexve cubitis plus minùs longi sunt, petiolis curtis ac interiùs striatis bina & bina & numero terna; quina, septena cum uno folio in extremitate proveniunt, suntque forma cordis humani, ad petiolum rotunda ora, anteriùs cuspidè angusta eminentia, contextura tenuia & mollia, superficie lenia, viroris in recta parte fusci, in adversa clari, sapore subamaro & sylvest. & odore.

Ex costa media *Costæ* in adversa solum parte eminentes obliquo annulari ductu exeunt, ac à margine reflexæ in se invicem incurrunt, suntque comitatæ *Nervulis* transversis in adversa solum parte eminentibus, ac *Venulis* cancelliformiter in se invicem ductis, quæ in adversa tantum conspicuæ intertextæ, odoris gravis.

Flores in apice ramorum proveniunt plures congregatim petiolis crassiusculis & viridibus, suntque grandes campaniformes cum collo oblongo, & ad unam partem nonnihil inflexo, calyce oblongo-rotundo & profundo insidentes, constantque sex foliis crassiolis, quorum quatuor quæ ad concavam colli partem sunt exteriora versus maximè reflecta, duo quæ ex adverso surrecta & minus inflexa: suntque folia fungosa nullis perducta venis conspicuis, in oris crispa & corrugata duabus pluribusve liris profundis exterius in longitudine striata; flores autem sunt coloris maximè interiùs albicantis seu ex albicante subflavi, exterius in colli convexa parte foliisque surrectis quæ versus eam partem sita sunt, striis rubescentibus tincti, odore fœtido.

Stamina in floribus quinque crassiola & nonnihil inflexa ex albicante subflava seu viridi-diluta, ac versus folia surrecta jacentia, ac in inferiori parte, quæ crassiora sunt, collo interiùs inserta seu annexa, geruntque apices incumbentes flavos, latos, ac ad unam partem in duas angustas lacinias contractos; cum staminibus emicat stylus tenuior & albicans, in summitate in planum extenuatus, qui

qui ex plano albicante ac subflavo capitulo, quod rudimentum fructus est, & in fundo calycis situm erumpit.

Calyx crassiolus laxè collum floris excipiens in ora parum cuspidatus ac ad concavam colli floris partem viridi-albicans, ad convexam rubro-obscurus.

Gemmae florum oblongo-rotundæ primum virides, dein cum se ex calyce magis produnt, apice rubro-obscuro.

Fructus, qui floribus deciduis succedunt, prægrandes sunt, formâ velut machæræ, tres spithamas longi, lati unum palmum, crassi unum ferme digitum cum oris ad unam partem nonnihil reflexis constantes cortice crassiole viridi, qui exterius viridi-fuscus est, ac dein magis infuscatur, interiùs primùm viridi-dilutus seu albicans, tenera ac humida carne, quæ dein in lignosam duriem evadit, ac flavum colorem assumit obductus, suntque in cortice exterius in medio in longum in utraque parte uno sulco striati.

Interiùs in medio fructus latum *filamentum* est, juxta ejus latitudinem in planum extensum, quod primùm tenerum & albicans, dein cum siccum, quoque duriolum ac velut coriaceum est, estque tum velut lingua distinguens fructum in duo loculamenta, in quibus singulis semina innumera continentur.

Semina autem lato-rotunda & valde plana seu compressa cum umbilico longiusculo membranaceo albicante involucro amicta, & lata membrana pellucida albicante circumcincta, jacentque seriatim in planum in suis involucris, alia proximè ad unam, alia ad alteram oram; nudata suis involucris viridia sunt & densæ carnis, saporis nullius.

V I R E S E J U S.

C*ortex* arboris servit pro consolidandis fracturis & scissuris tritus & cum vino appositus. *Radix* in decocto data in hydrope prodest. *Eadem* cum oleo decocta ad capitis corporisque malè affecti unctionem adhibetur. *Folia* tenella trita & unâ cum *Croco Malabarico* ulceribus admota ad sanationem conferunt.

F I G. 44.

Mirandum hanc arborem, *Ceylonensibus* quoque nostris Autoribus exhibita, alia expiscari nondum esse indigenam, ejus siliquæ inde ad me transmissæ licuerit, vocandam censeo, *Arborem siliquosam Malabaricam, cordato folio, fructu maximo oblongo plano, semine membranaceo.*

BIGNONIA INDICA.
CLASSIS
DIDYNAMIA ANGIOSPERMIA.

Character genericus.

Cal. 5-fidus, cyathiformis. Cor. fauce campanulata, 5-fida, subtus ventricosa. Siliqua 2-locularis. Sem. membranaceo-alata.

Nomen specificum.

Bignonia fol. bipinnatis: foliol. integerrimis ovatis acuminatis.

Synonyma auctorum.

Bignonia foliis bipinnatis: foliolis integris subcordatis acutis. Fl. zeyl. 236.

Arbor siliquosa malabarica, cordato folio, fructu maximo oblongo plano. Raj. hist. 1741.

P A J A N E L I.
BIGNONIA INDICA. β

FIG. 45.

P *Ajáneli*, quæ est secunda species ling. Bram. *Davandicù*, est arbor procera, ramos in altum, minùs verò in latum diffundens, nascens in arenosis.

Radix latè sparsa, cortice crasso, aqueo, cinereo-nigricante, intus albicante, saporis subamari, in ramos sparsi, ex quibus hinc inde novi stirpes circa medium caudicem expullulant, ligno albicante & minus dense contexto, quod in filamenta facile protrahitur.

Caudex ambitu amplexum unius hominis adimplens, ligno quoque fragili & in filamenta se findente, cortice quoque cinereo-fusco.

Surculi qui foliis vestiti sunt è caudice egrediuntur, suntque simplices in nullos furculos divisi, quinque, sexve ambitus plus minùs longi, virididiluti & nonnihil scabri seu punctulis asperi, rotundioli ac in una parte, quæ cum interiori foliorum convenit, angulo acuto eminentes, nullis extuberantes nodulis, ut illi primæ speciei, intus etiam fungosi & albicantes, ligno pauco ad corticem, atque adeo valde leves : surculi novi è summitate caudicis tantùm erumpunt, inferioribus vetustis deciduis, ac notas relinquentibus.

Folia, quæ in iis ramis passim bina & bina, seu nonnihil à se invicem distita petiolis curtis, languidis, interius striatis, proxime ad angulum, quo eminent, transversa proveniunt, multo majora sunt illis primæ speciei, longitudine spithamæ & amplius, forma oblonga, laterum difformium, quorum illud, quod caulium fastigium respicit, duplo ferme amplius & rotundioris oræ reliquo, ac ex inferiori parte petioli egrediens, antè in cuspidem angustam contracta, in recta parte viridi-fusca, in adversa clara, novella autem rubra seu hepatici coloris, odoris maleolentis, texturæ grossioris.

Costulæ, quæ ex media costâ in adversa obliquo arcuato ductu excurrunt à margine reflexæ multiplicibus arcubus in se invicem incurrunt, ramulos transversos, qui in adversa solum extant, ac venulis intertexti sunt, ex se distribuentes ; suntque folia in costarum nervorumque tractu in recta parte striata.

Flores quoque campaniformes ac similes illis primæ speciei, verùm hi
Tom. I. M quinque

quinque foliis incisi sunt, quorum tria ad concavam colli partem exteriora versus maxime reflexa, duo quæ minus incisa, surrecta & nonnihil reflexa sunt, ac folia multò crassiora, magis fungosa, ac in oris pilosa seu lanuginosa sunt.

Stamina in hisce floribus tantum quatuor, quæ bina & bina apicibus albicantibus, qui singuli instar duorum linteorum ex summitate dependent, arcuatim à se mutuo inflexa sunt.

Calyx spisso ac mucoso lacte, quo etiam florum exterior superficies inuncta, intus obductus; suntque flores uti folia odoris maleolentis seu fœtidi.

Fructus plane iidem.

V I R E S E J U S.

Foliis ejus pinfis & tritis & unà cum *Carécca*, id est *Mirabulano* Citrino maceratis in pirulis utuntur ad tingenda linteamenta colore nigro, quæ in suis exequiis gerunt.

Radix trita & decocta in oleo pro capitis dolore servit facta perunctione, quo modo usurpata catarrhos & quoscunque humores pituitosos caput obfidentes educit. *Cortex* radice in decocto datus tumoribus resolvendis commodus est. Decoctum ex *Cortice* & *Foliis* simul tritis in unctione corporis pro pustulis ac ulceribus servit.

F I G. 45.

Cum hæc arbor à præcedente non nisi foliorum figura, & situ, & quadantenus flore differat, fructu autem & semine conveniat, hinc nobis

erit *Arbor filiquosa Malabarica, folio majore mucronato, fructu maximo, oblongo, plano, semine membranaceo.*

BIGNONIA INDICA.

C L A S S I S

DIDYNAMIA ANGIOSPERMIA.

Character genericus.

Cal. 5-fidus, cyathiformis Cor. fauce campanulata, 5-fida, subtus ventricosa. Siliqua 2-locularis. Sem. membranaceo-alata.

Nomen specificum.

Bignonia fol. bipinnatis: foliol. integerrimis ovatis acuminatis.

Synonyma authorum.

Bignonia foliis bipinnatis: foliolis integris subcordatis acutis. Fl. zeyl. 236.

Arbor filiquosa malabarica, folio majore mucronato, fructu maximo oblongo plano. Raj. hist. 1741.

P A L A.
TABERNÆMONTANA CITRIFOLIA.

F I G. 46.

P*Ala* quatuor species sunt, quarum una ejus nominis, secunda *Cúrutu-Pála*, tertia *Códaga-Pála*, quarta *Caicottèn-Pála*.

Pála ling. Bram. *Santenù*, est arbor valde procera, ramis transversum latè sparsis, nasciturque in arenosis.

Radix profundè terram intrans, radículasque suas late diffundens, cortice flavo-obscuro seu rufo, qui lacteus & valde amarus est.

Caudex crassus duùm triumve hominum amplexus implens, estque cortice cum ramis cinericeo ac lacteo & ligno levi; rami veteres è nodis plerunque tres quatuorve furculos diffundunt.

Folia terna, quaterna, quinave simul furculorum summitati in nodo insident transversum in orbem expansa, suntque forma oblongo-rotunda, anteriùs rotunda ora seu etiam cuspidata, & ad petiolum stricte contracta ac velut linguiformia, contextura solida, densa & lactiplena, superficie plana glabra ac lenia, in recta parte virore fusco & nitente, in adversa valde diluto seu albicante ac surdo.

Ex costa crassa, viridi-albicante, quæ etiam in recta tenuiter & altè in adversa eminet ac crassiuscula & lata est, *Venæ* subtiles numerosæ rectè transversim, ac parallelo tractu proxime ad marginem exeunt, inde reflexæ in se invicem incurrunt, limbum relinquentes in superficie utrinque conspicuæ rectamque folii partem tenuiter striantes; sunt autem folia sapore amaro.

Flores fasciculatim proveniunt in furculis nodosis & viridibus, qui supra folia è nodulis ramorum quos complectuntur, recta prorumpunt, ac plures ut quatuor, quinqueve ramulos ex singulis nodulis proferunt singulis ramulis quatuor, quinque vel plures simul in summitate insidentes; sunt autem albicantes, subvirides, constantes quinque foliis rotundiolis, quæ versus unguiculos angustiora, in oris rugulis crispata ac rigide inflexa versus exteriorem partem, nullisque venulis striata sunt, insidentque pediculo albicante, qui inferne & superne crassior est, calyci arcto quatuor foliorum, ac in umbilico seu orificio, folia inserta sunt capillulis orbiculatim cinctus; suntque odoris jucundi & fortis, sed gravis, qui catarrhos & gravedinem excitat ac caput offendit, ob quas noxas invisi sunt.

Stamina in floribus quinque tenuia pediculo interiùs inserta & pilis albicantibus obsita, quæ prope orificium superius apicibus flavis & liberis eminent: inter ea stylus albicans tenuis ac liber est nodulo flavo dotatus, ortum ducens ex capitulo parvo, viridi, quod rudimentum fructus est, ac in calyce situm.

Gemmæ Florum oblongo-rotundæ & conicæ, ac inter pediculum angusto circulo constrictæ.

Fructus, qui plures congregatim surculis appendent, sunt filiquæ oblongæ cubitum ferme longæ, quæ angustæ, compressæ, ac virides, intus lacte plenæ, in se recondentes parva numerosa semina plana, oblonga, cum sua longitudine jacentia in longitudine filiquarum, ac ex anteriori & posteriori oculo penicillum argenteorum filamentorum ejiciunt in unam seriem per filamenta implicita, & colore viridi-flavo seu rufo sunt.

Hæc arbor toto lactea est, quod & cæteris speciebus est commune.

Flores fert semel in anno in *Januario*.

V I R E S E J U S.

C*ortex* ejus tufus & in decocto datus commodus est ventri leniendo, stomacho roborando flatibusque discutiendis ac ardoribus jecoris restinguendis; idem in decocto datus addito momento salis & piperis stomachi concoctionem adjuvat. *Idem* tritus & simpliciter in aqua calida epotus prodest in febre frigida, & hoc modo etiam lumbricos enecat. *Idem* tritus unâ cum aqua & ulceri appositus ad ejus sanationem & purgationem confert, quo modo usurpatus etiam pro dolore arthritico. *Corticis* decocti vapor exceptus in parte affecta dolorem mitigat. *Idem* Cortex cum semine *Cudû-Pariti* coctus in oleo auribus malè seu graviter audientium proficue inditur.

F I G. 46.

Cur hæ plantæ, quæ *Palæ* nomine veniunt, sub una eademque Classe militent, vix comprehendere possum, cum toto cœlo inter se differant, ut ex foliis, flore, & semine liquet: ansam potuit huic rei præbuisse, quod cum

omnes eodem modo lac præbere viderent incolæ, hinc ad unum genus retulerint: vocabitur ergo nobis prior, *Arbor Malabarica*, *Pentaphyllos*, *lactescens*, *filiquis angustis*, *longissimis*.

TABERNÆMONTANA CITRIFOLIA.

C L A S S I S

P E N T A N D R I A M O N O G Y N I A.

Character genericus.

Contorta. Folliculi 2, horizontales. Sem. pulpæ immersa.

Nomen specificum.

Tabernæmontana fol. oppositis ovatis, flor. lateralibus glomerato-umbellatis.

Synonyma authorum.

Tabernæmontana foliis oppositis ovatis, floribus lateralibus glomerato-umbellatis. Sp. Pl.

Tabernæmontana foliis lanceolatis. Hort. cliff. 76. Roy. lugdb. 413.

Tabernæmontana citri foliis undulatis. Plum. gen. 18. ic. 248. f. 2.

Observatio.

Habitat in utraque India.

LINN.

C U R U T U - P A L A.
TABERNÆMONTANA ALTERNIFOLIA.

F I G. 47.

Curutu-Pála, quæ secunda species Pála est, ling. Bram. Cudd, est arbor humilis altitudine unius hominis duorumve, nascens in arenosis.

Radix minùs demissè subfidet, radices laterales latè quoque diffundens, cortice subflavo ac lacteo, qui saporis est subamari & pungentis.

Stipes pedem crassus evadit, estque cortice lacteo fusco & in ramis cinereo.

Folia, quæ petiolis brevibus ac crassis in ramis & furculis proveniunt, oblongo-rotunda sunt, ad petiolum contracta, & anteriùs in cuspidem oblongam definentia, contextura quoque solida, lactea, virore in recta fusco & nitente, in adversa minus claro seu albicante.

Ex costa, quæ in recta etiam parte nonnihil eminet ac albicans est, plures *Nerviuli* albicantes ac in adversa solùm parte eminentes obliquo annulari & satis parallelo tractu exeunt, proximè ad oras excurrentes, qui in recta parte tractus sui vestigia relinquunt, suntque venulis subtilibus transversis, qui folium subeunt, comitati.

Flores proveniunt in superiori furculorum parte in petiolis lacteis, rotundis, tenuibus & languidis floribus primæ speciei majores in totum albi seu candidi, constantque quinque foliis oblongis, quæ ad pedem unguiculis strictis ac ad unam partem inflexa oris ex inflexura exterioribus magis rotundis; extenuatis ac crispis sunt; ac in medio crassiola nullisque venulis striata, suntque succincti quinque foliis viridi-dilutis & cuspidatis.

Stamina in floribus quinque interiùs pedi. florum inserta, ac apicibus flavo-albicantibus dotata, ac inter ea stylus viridi-dilutus & albicans ac bifidus, ac in utraque cuspidè communi dotatus nodulo è globulo oblongo-rotundiqlo ac viridi, qui fructus germen est, erumpens; suntque flores odoris grati & debilis.

Fructus in petiolis plures congregatim, ac bini & bini ex transverso prodeunt, suntque oblongo-rotundi, exteriùs cuspidati ac versus inferiora maximè cum cuspidè inflexi duobus lateribus rotundis, quæ acuto margine coeunt, constantes, ac superiori latere protuberantes, suntque cortice
crasso

crasso & lacteo, primùm viridi-obscuro, dein cùm maturi sunt, exterius colore flavo-aureo, interius flavo-diluto, aperiuntque se in superiori latere, ubi futura in longitudine per medium striata sunt.

Semina intus quinque, sex, septemve continentur cum filamentis velut ungulis juncturæ appendentia, suntque oblonga, figura valde irregulari accommodata ad aliorum seminum circumposituram; cum immatura sunt, intus aquosa & viridi-diluta, matura membranula exteriore corallina obducta, ac intus constantia officulo fusco minus duro in quo nucleus albus continetur.

Flores hæc arbor fert *toto anno*, maximè tempore pluvioso.

V I R E S E Æ U S.

Radix Cortex tritus & epotus in aqua calida fluxum ventris sistit ac prodest in dysenteria in lacte datus. *Idem* tritus cum aqua & apostematis appositus ea resolvit.

F I G. 47.

Secundam hanc *Palæ* speciem vocare lubuit | multum abfimilis est, quæ nomine *Kiridiwal*,
Arborem Malabaricam lactescentem, fimbriato flore, | ex *Ceylon* fuit transmissa, fructu mentulam sumiæ
fructu circa cuspidem reflexo. Huic autem non | referente, unde & ei nomen.

TABERNÆMONTANA ALTERNIFOLIA.

C L A S S I S

P E N T A N D R I A M O N O G Y N I A.

Character genericus.

Contorta. Folliculi 2, horizontales. Sem. pulpæ immersa.

Nomen specificum.

Tabernæmontana fol. alternis, caul. arborecente.

Synonyma authorum.

Tabernæmontana foliis alternis, caule arborecente.

Observatio.

Habitat in Malabaria.

LINN.

C O D A G A - P A L A.

NERIUM ANTIDYSENTERICUM.

F I G. 48.

COdaga-Pála, quæ tertia species est Pála, ling. Bram. Ategò-Cudò, est quoque arbor humilis, altit. ut Curutu-Pála, nascens in arenosis.

Radix minus submissè se demittit, fibras latè diffundens, cortice rubro-fusco & lacteo, qui saporis amari & minus pungentis.

Stipes quoque pedem crassus evadit cortice rufo & lacteo, rami autem cinereo.

Folia, quæ bina & bina petiolis curtis & viridibus proveniunt, maximè conveniunt cum foliis secundæ speciei, utpote oblongo-rotunda, antèrius cuspidata, lactea; nervi quoque ex costa, quæ in utraque parte eminent, obliquo, annulari ac parallelo tractu excurrunt in adversa solum parte eminentes, verum hæc majora sunt & latiora ac contextura minus solida, ac venulis numerosioribus inter nervos transversos intus pertexta.

Flores, qui supra ex origine foliorum uncialibus petiolis proveniunt, etiam candidi sunt quinque foliorum oblongo-rotundorum & angustorum, ac ad unam partem inflexorum, quæ textura densa & crassiola & in oris haud crispata sunt cum pedunculo longiusculo candido calyci arcto infidentes, suntque odoris jucundi & fragrantis.

In medio unus *stylus* ex orificio superiori pedis emicans cum stamunculis quinque parvis ut in fl. Pála.

Siliquæ quoque oblongo-angustæ sunt ac similes illis Pála, sed crassiores ac minùs compressæ, virides, spithamam plus minùs longæ intus quoque lactiplenæ.

Semina, quæ quoque numerosa in se recondunt, sunt etiam plana & oblonga, ac paulo majora illis Pála cum sua longitudine jacentia in longitudine filiquarum, ac ex solo anteriori oculo penicillum argenteorum filamentorum eminentia, ac per filamenta in unam seriem implicita, colore, cum vetustiora sunt, viridi flavo seu rufo.

V I R E S E J U S.

C*Cortex* contritus & epotus in lacte acido sistit fluxum ventris. *Cortex radicis* proficius est pro fluxu ventris quocunque, sive dysenterico sive lenterico, uti & pro fluxu hæmorrhoidali, eodem modo sumptus. *Idem* in aqua decoctus & epotus servit pro tumoribus corporis. *Radix* trita & cum aqua, in qua oryza lota fuit, decocta, confert pro angina gutturis & colli facta lotionem, servit quoque pro tumoribus corporis eod. modo usurpata, uti & pro dolore arthritico partibus affectis apposita, dentium quoque dolores sedat, vermes in iis enecando, ejus decocto in ore detento. *Semina* in decocto data profunt in febre calida, uti & ardore jecoris ac in podagra; lumbricos quoque enecat.

F I G. 48.

Huic denique *Pala* speciei nomen indidimus, quod sit *Arbor Malabarica lætescens, jasmini flore odoro, siliquis oblongis*.

Mirum autem videtur Autores nostros, nullam ulterius mentionem facere quartæ speciei,

quam sub initium Cap. *Pala Caicotteu Pala* appellârunt, studio autem an casu illud evenerit, incertum est, cum nec descriptio, nec figura, inter transmissas schedas fuerit inventa.

NERIUM ANTIDYSENTERICUM.

C L A S S I S

P E N T A N D R I A M O N O G Y N I A.

Charaſter genericus.

Contorta. Folliculi 2, erecti. Sem. plumosa. Cor. tubus terminatus, corona lacera.

Nomen ſpecificum.

Nerium fol. ovatis acuminatis petiolatis.

Synonyma authorum.

Nerium foliis ovatis acuminatis petiolatis. Fl. zeyl. 107. Mat. med. 102.

T I N D A - P A R U A .
M O R U S I N D I C A .

F I G. 49.

P*Arua* duæ species sunt, *Tinda-Parua*, & *Ana-Párua*.

Tinda-Párua ling. Bram. est arbor procera, nascens in arenosis.

Radix, quæ fibris terræ se affigit, cortice crasso, albicante ac subflavescente, molli, lacteo, saporis astringentis & ligno albicante.

Stipes ambitu unius hominis amplexum implens, cortice cinereo sublacteo, ut & rami & furculi, qui sub corticula exteriori viridi-fusci sunt.

Folia, quæ brevibus petiolis hinc inde insident, oblongo-rotunda, anterius nonnihil cuspidata, ad petiolum contracta, in margine denticulis tenuiter incisa, intus sublactea contextura rigida seu dura.

Ex costa media, quæ etiam in recta nonnihil eminet, at magis in adversa *Costæ* laterales egrediuntur, quæ à margine arcuatim reflexæ in se invicem deferuntur, suntque nervis intercurrentibus intertextæ, ac in adversa solum parte, quam scabram reddunt, solum eminentes; folia col. in recta viridi-fusci, in adversa viridis communis.

Flores in capitulis plano-rotundis, quæ petiolis simplicibus curtis furculis hinc inde insident, ut gemmæ plures unitæ prodeunt, suntque quatuor foliorum cuspidatorum, viridi-dilutorum.

Stamina in iis quatuor ex foliis longè emicantia, quæ singula in cuspidate uno nodulo albicante grandiusculo sunt dotata. Stylus in medio brevissimus cum capitulo albicante.

Fructus sunt baccæ rotundiolæ quæ suo calyce quatuor foliorum primùm arcuè obtektæ sunt, & è vertice stylum bifurcatum ejicientes, corticis tenuis, primùm virides, dein albescentes; cum maturæ, colore rubicundo & parùm nitente; unum capitulum gemmeum nonnisi unum fructum profert.

In fructibus sub cortice exteriori tenui unus *Nucleus* rotundus,
Tom. I. N viridis,

viridis, qui proprio nonnihil cartilaginoso rufescente cortice tegitur, continetur.

V I R E S E J U S.

Ejus decoctum in lotionē corporis servit pro febre calida. *Radix* confert pro morbo sacro trita & cum aqua oryzæ in lotionē adhibita. *Eadem* trita apostematis apponitur: folia decocta proficua sunt pro doloribus quibuscunque parte affecta cum iis linita; eodem quoque modo juvant in puerperis.

A N A - P A R U A.

ANa-Parua, quæ secunda species est *Parua*, ling. Bram. *Bendarli*.

F I G. 49.

Prior hæc *Parua* species appellanda videtur hujus capituli attingant Autores nostri, ejusque
Arbor Malabarica Baccifera, cortice albicante, nec descriptionem, nec figuram exhibeant, hinc
glomerato flore. Alteram autem speciem, quæ & plura de ea addere non licuit.
Ana Parua, cum nomine tenus, sub finem

M O R U S I N D I C A.

C L A S S I S

M O N O E C I A T E T R A N D R I A.

Character genericus.

Masc. Cal. 4-partitus. Cor. o.

Fem. Cal. 4-phyllus. Cor. o. Styli 2. Cal.
baccatus. Sem. 1.

Nomen specificum.

Morus fol. ovato-oblongis utrinque æqualibus inæqualiter ferratis.

Synonyma Auctorum.

Morus foliis ovato-oblongis utrinque æqualibus inæqualiter ferratis. Fl. zeyl. 337. *

Morus indica. Rumph. amb. 7. p. 8. t. 5.

C A V A L A M.

STERCULIA BALANGHAS.

FIG. 50.

CAvalam, ling. Bramanum, *Bencard*, est arbor procera ramis densis transversim sparsis, nascens in petrosis & arenosis.

Radix crassa recta in terram se demittens ac hinc inde à latere ac subtus fibris vestita, cortice albicante seu cinericeo & crasso, ac minus duro, qui saporis est aquei & subamari.

Caudex crassus unum circiter hominis amplexum, ac crasso indutus cortice, qui exterius cinericeus ac subcinericeo-viridis, intus ex viridi albicans ac humidus, ligno albo, quod confractum in filamenta protrahitur.

Folia, quæ hinc inde petiolis mediocriter longis, rotundis, viridi-claris & ad exortum atque ad folium extuberantibus proveniunt, oblongo-rotunda sunt, longitudine unam spithamam cum duobus tribusve pollicibus æquante, quæ ad latitudinem ferme est tripla, rotundis ad petiolum oris & tenuiter contractis, ac antè in mucronem parvum, qui versus unam partem passim reflexus est, constricta, crassitie mediocri, plana, lenia, glabritie in parte recta nitente, colore viridi-obscuro in utraque parte, at in recta virore fusciori, odore agresti.

Ex costa intermedia *Costula* viridi-clara in adversa parte eminentes obliquo ductu anteriora versùs exeunt cum ea in recta etiam conspicuæ ac à margine in plures arcus minores incurvantur, qui nervulos transversos hinc inde distribuunt: suntque folia inter hosce nervos subtilis texturæ, utpote venis subtilibus intertexta.

Flores fasciculati proveniunt in petiolis ramosis, viridibus & pilosis, qui vel solitarii, vel etiam bini & bini ex superiori parte furculorum erumpunt: suntque parvi, constantes quinque foliis angustis & cuspidatis cum suis cuspidibus interiora versùs inflexis, ac mutuo ad unum nodulum unitis & clausis quo rosam fenestratam repræsentant; sunt autem folia oris exteriora versùs inflexa, ac utrinque ad oras pilis transversis longiusculis obsita, exterius viridi-fusca ac subrufa, interius ex viridi-flavescentia oris valde lenibus rubro-fuscis, quæ instar rubri *Veluti* sunt; è medio stamunculum viride exit cum apice seu nodulo crassiole & flavo.

Gemmae Florum oblongæ & nonnihil conicæ sunt, pilosæ, virides ac rubescentes; ubi flores in gemmis prorumpunt, foliis omnibus nudatur arbor, quæ cum fructibus rursus resumit.

Fruſtus, qui craſſo communi petiolo pedunculis craſſis, bini, terni, quaterni, quini paſſim congregati inſident, rarius ſolitarii, ſuntque hi cum teneri ſunt & congregati plures ſimul proveniunt, in unum arcte juncti & capitulum, quod totidem laterum, quot numero ſunt, ac muſcoſum ſeu ſpadiceum & villoſum eſt, ac ex calyce florum prodiit, ac dein relaxato capitulo in tranſverſum cum juſta magnitudine ſunt rotundi ac parum oblongi, cortice craſſo ac duro, aurantio qui carne interiori albicante eſt ac intus membrana lacunoſa, cartilaginosa ſeu cornea ac ſubflava obductus conſtantes, ab una parte dorſo emicantes, ab altera in ventre futura ex pediculo per medium in longitudine ſulcati, quâ præ maturitate laxata deſluit materia viſcoſa ſeu gelatina, quæ inſtar mucilaginis exteriorem fruſtuum ſuperficiem lubricat eamque hinc inde obducit.

In hiſce fruſtibus, qui lata capacitate ſunt, *Fabæ* novem, decem vel minus oris ſuturæ umbilicis affixæ ſunt utrinque quatuor, quinqueve verſus dorſum pendentes, ſuntque craſſæ, rotundæ & oblongæ, longitudine unius ferme pollicis ac glabræ, corticibus duplicatis; dum tenella, molliſſimis & albis; qui exterior cortex inſtar cuticulæ eſt tenuis, ac faba matura coloris nigerrimi, in ſuperficie exteriori nitentis, conſiſtentia adeo fragili, ut in minuta fruſtula velut cortices igne aſſati ex attritione hiſcat; qui interior craſſior, duriolus ac puniceus, exterius obductus pulpa mucilaginoſa & albicante, intus veſtitus tenui & ſubruffa pellicula, quæ nucleum ſeu pulpam fabæ albam ambit; ſuntque fabæ toſtæ in edulis.

Flores hæc arbor in anno ſemel fert in *Februario*.

Apud hoſce medicos non eſt in uſu.

F I G. 50.

Hujus arboris nucem integram, copioſiſſimis ſeminibus reſertam, *Telabo* nomine, ex *Zeilan* præcedentibus annis accepi, quæ tamen licet probe matura, germen nunquam prodidit: flores ſtercus humanum quodammodo redolere, ſcribebat D^o. *Hermans*: & quia hujus attributi

nullam faciunt mentionem Autores noſtri, hinc etiamnum dubius hæreo, an *Telabo Cingaleſium*, non potius ſit huic affinis cenſenda, quam eadem ipſa arbor. Interim cum ad *Nucis* ſpecies pertineat, hinc nomen dedi *Malabaricæ ſulcatæ, mucilaginoſæ; fabacæ*.

STERCULIA BALANGHAS.

CLASSIS

MONOECIA ADELPHIA.

Character genericus.

Masc. Cal. 5-partitus. Cor. o. Filamenta 15.

Fem. Cal. 5-partitus. Cor. o. Germen columnæ inſidens. Capſ. 5-ocularis, polyſperma.

Nomen ſpecificum.

Sterculia fol. ovatis integerrimis, petiolatis flor. paniculatis.

Synonyma authorum.

Sterculia foliis ovatis integerrimis alternis petiolatis, floribus paniculatis. Fl. zeyl. 350.

Nux malabarica ſulcata mucilaginoſa fabacea. Pluk. alm. 266.

Clompanus minor. Rumph. amb. 3. p. 169. t. 107.

Observatio.

Fruſtus nutans, quinquelobus: lobis reflexis, more *Pæoniæ* dehiſcentibus. LINN.

A M B A L A M.

A M B A L A M.

CHRYSOBALANUS ICACO.

F I G. 51.

A *Mbalàm* duæ species sunt, quarum una ejus nominis, altera *Cát-Ambalàm*, seu *Peè-Ambalam*.

Ambalàm Br. *Godòè-Ambadò*, est arbor procera, ramos in altum minùs latè in transversum diffundens, nascentisque in arenosis.

Radix longa est, fibris permultis capillatis terræ firmiter adhærens.

Caudex crassus, unius hominis amplexum implens, cortice vestitus crasso, ligno molli.

Rami vetustiores lignosi & cinericei, corticeque astringente; teneriores autem virides ac cœruleo rore conspersi.

Folia, quæ in furculis teneris ac viridibus ac ad exortum extuberantibus, interiùs striatis passim quina, ac ordinatim bina & bina cum uno folio in vertice pedunculis brevissimis ac interiùs planis proveniunt, sunt oblongo-rotunda, longitudine ad suam latitudinem ferme dupla, anteriùs parva ac contracta cuspidè, suntque densæ contexturæ, mollia, lenia, glabra ac utrinque nitentia, virore sato, in adversa autem claro; quæ exortui furculorum folia proxima sunt, minora reliquis, maximum autem quod in vertice appendet.

Ex costa media *Nervi* in adversa parte eminentes transverso recto ac parallelo ductu exeunt, in recta, in qua costa nonnihil eminet, solum conspicui, excurruntque proximè ad marginem, ubi reflexi in se invicem incurrunt limbulum ad marginem relinquentes, suntque ramulis eminentibus & cancelliformiter unitis intertexti; folia autem odore sunt forti, & sapore acido-delectabili, ut cortex fructus *Mangæ Indicæ*.

Flores proveniunt in furculis teneris, viridibus; qui ex ramorum vetustiorum summitate prodeunt in minoribus ramulis plures congregatim proveniunt, suntque teneri hi furculi saporis acidi & parum amari, similis ei qui in fructibus *Mangæ*, odore quoque forti & acido: flores autem parvuli ac albi & velut stellulæ quinque vel sex foliorum cuspidatorum, quæ oris rotundiolis in cuspidem contracta, nec non rigidiuscula & nitentia.

In medio florum *Corculum* est flavum, ex ejus orbita ad folia *Stamina* parva, tenuia, albicantia, ac in vertice flavis apicibus dotata emicant decem vel duodecim, prout flores vel quinque-folii vel sex foliorum sunt, & ex meditullio corculi quinque vel sex minutæ cuspidès vel styluli eminent, estque corculum primordium fructus.

Calyx Florum est pro numero ejus foliorum quinque vel sex constans foliis flavo-albicantibus ac brevi cuspidatis, ac cum suis cuspidibus inter folia florum situs.

Gemmae

Gemmae Florum rotundæ sunt, primum virides, dein albicantes, sub illud tempus, quo flores prorumpere incipiunt, in gemmis, arbor hæc omnibus suis foliis nudatur, ac quamdiu floret, iis destituta est, cum fructibus rursus nova folia resumens.

Fructus in furculis, quibus flores infederunt petiolis longiusculis, crassis, languidis, pandis & cinereo-fuscis, plures congregatim seu fasciatim pendunt, suntque oblongo-rotundi ac duri, similes fructibus *Mangæ Indicæ* vel glandulis nostris, ut in suo viridi cortice sunt; cum immaturi sunt colore viridi-fusco, ac pulpa succulenta, quæ est saporis acidi, maturi verò coloris viridi-clari, dein sub-flavi, ac aciditate jucunda gustui & odoratui, suntque indigenis in eduliis.

In medio officulati duro ac grandi ossè quod totam ferme fructus capacitatem replet, ac exterius nervis lignosis albicantibus retiformiter striatis contextum est, & hinc inde sub contextura lacunosum ac punctiōni pervium, intus durum.

Duabus vicibus in anno hæc arbor fert *Flores & Fructus*; *Flores* in *Januario & Julio*.

Bramanis *Godæ-Ambadò*, est *Ambadò* dulcis, sic dicta, quod fructus sint acido-dulces ac gustu delectabili.

V I R E S E J U S.

Fluxum menstrui suppressi promovet, si *Radix* pudendis mulieris indatur. *Cortex* ejus tritus & in lacte acido epotus dysentericæ sistendæ commodus, ad quod etiam juvat, si ejus succus misceatur cum oryza, ex qua genus panis communi nomine, *Apen* dictus conficitur. *Ligni* decoctum proficue datur in gonorrhœa. *Foliorum succus* cum fructu arboris trito auribus inditus eorum dolorem sedat.

F I G. 51.

Cum arborem hanc cum *Mangas* vulgo dicto non exiguam habere similitudinem testentur Autores nostri; idcirco non ineptè ad hoc quoque genus referri posse arbitror: præsertim cum vox *Ambalam Malabarensium*, & *Ambadò Bramanum*, non malè cum *Canarensium Amba* & *Persarum Amba* (quæ *Mangas* vocatur) conveniat. Verùm cum ut alibi dixi, fructus hic plurimum

variet, ejusque species obiter duntaxat ab omnibus autoribus proponantur; & *Mangas* illud aliud genus, quod à *Linscot.* & ex eo à *C. Bauhino* in *Pinacis* exhibetur, non nisi nomine innotuerit, hinc certi aliquid determinare non possum. Appellandam interim putem *Mangæ affinem*, flore parvo stellato, nucleo majori ossè.

CHRYSOBALANUS ICACO.

C L A S S I S

ICOSANDRIA DIGYNIA.

Character genericus.

Cal. 5-fidus. Petala 5. Drupæ Nux 5-fulcata, 5-valvis.

Nomen specificum.

CHRYSOBALANUS. Frutex folio cotini crasso in summitate deliquium patiente, fructu ovali ceruleo. Catefb. car. 1. p. 25. t. 25. ? Guaiacra Maregr. bras. t. 2. c. 4.

Synonyma authorum.

Chrysobalanus. Jacq. amer. 23. hist. t. 94.

α Icaco fructu ex albo rufescente. Plum. gen. 44. ic. 158.

β Icaco fructu nigro. Plum. gen. 44.

γ Icaco fructu purpureo. Plum. gen. 44.

δ Chrysobalanus fruticosus, foliis orbiculatis alternis, floribus laxè racemosis. Brown. jam. 250. t. 17. f. 5.

Observationes.

Habitat in America meridionali.

Species an una vel plures vix dixero, quum tantum unica mihi visa δ, quæ caule scabro non est, sed Folia alterna, subrotunda, integerrima, subemarginata. Flores paniculati: Pedunculis exterius rotundatis, interius planis. LINN.

C A T - A M B A L A M.

Incomperta.

F I G. 50.

C *At-Ambalàm* seu *Peè-Ambalàm* lingua Bramanum *Coduco-Ambadò*, quæ secunda species est *Ambalàm*, cum priori maximè convenit, verùm.

Folia hujus minùs grandia & minùs oblonga sunt, quàm illa *Ambalàm*.

Fructus quoque passim minùs oblongi ac nonnihil rotundiores & paulò minores, nec tam uberi copia in surculis proveniunt, saporis acido-amari, ob quem minus sunt in eduliis.

Cat-Ambalàm seu *Peè-Ambalam* est *Ambalam* sylvestris: *Coducò-Ambadò* Bramanis est *Ambadò* amara, sic dicta quod fructus sint acido-amari.

Hæc cum prima ejusdem est virtutis dictis modis usurpata.

Incomperta.

A G A T T.

A G A T Y.

ÆSCHYNOMENE GRANDIFLORA.

F I G. 51.

A *Gaty*, lingua Bramanum *Agasth*, est arbor altitudine quatuor, quinqueve hominum, ramos surrectos è caudicis summitate & ex medio corpore in altum, minùs verò in latum ejiciens, nasciturque in arenosis.

Radix fusca, fibras capillatas longe lateque diffundens, cortice sub exteriore crusta fusco-rubescente, ac saporis astringentis.

Caudex crassus, hominis unius amplexum ambitu æquans, ligno molli, & corculo intus mollissimo, cortice inciso humor extillat tenuis & aqueus, qui postea incrassescit ac gummosus redditur.

Folia proveniunt in furculis tenuibus, languidis, viridi-dilutis, sesquispithamam ferme longis, interiùs striatis, qui ad originem extuberant, iisque bina & bina in duabus seriebus pedunculis brevissimis insident, ac anteriora versùs conversà furculos medios ad angulos æquales ferme cum superficierum planis interfecant: suntque parva, forma oblongo-rotunda, anteriùs quoque rotunda ora, longitudine sesqui ferme pollicis, & latitudine unius digiti transversa, ac ad exortum & ad summitatem latitudinis ferme uniformis, contextura crassiola & valde mollia, superficie lenissima, viroris communis & surdi in recta, in adversa viroris parùm diluti, suntque odore hortensi, & ubi manibus teruntur, fabaceo.

Ex costa media, quæ in adversa eminet, *Venulae* intra folium subtiles egrediuntur.

egrediuntur. Vespera ac de nocte folia in iisdem seriebus mutuo attactu superficierum clausa sunt, & in se invicem decumbentia.

Flores hinc inde in uno communi petiolo viridi-diluto, qui supra ex origine petiolorum seu furculorum foliaceorum prodit, quatuor, quinqueve plures congregatim proveniunt, suntque fabacei constantes foliis quatuor, uno folio surrecto, lato cum stylo medio, qui ei accumbit, curvaturæ unguli-formis ac velut ungulam efficiente, ac duobus foliis angustis & surrectis, quæ etiam unguli-formis curvaturæ, ac à latere ungulam amplectuntur, suntque hæc tria crassiola, albicantia, ac in longum venis striata, quartum, quod anterius est, & versus quod ungula inflexa & aperta, est oblongo-rotundum, latissimum ac pertenuè, venulisque subtilibus ac numerosis ex unguiculo in longum striatum, primum unguolata folia tanquam involucrum complectens, dein pendulum & se corrugans, colore primum albicante, dein flavescente, postmodum rubescente, ac ex rubro purpurascente.

Stylus unguliformis in summitate fissus in filamenta, quæ apicibus flavis ac oblongis ornata sunt, ac ad concavam partem, quâ folium latum, oblongo-rotundum respicit, sulcatura apertus, & filamentis albicante libero, qui suum quoque apicem in vertice gerit, obductus, reconditque in se filamentum viride: quod ex primordio fructus in calyce sito excurrit: suntque flores odore nullo.

Calyx profundus est, rotundus ac latus, & quatuor brevium rotundiolorum foliorum unguiculos foliorum circumdans, colore viridi-diluto.

Floribus deciduis succedunt *Siliquæ* oblongæ angustæ, rotundiolæ, rectæ, virides, quæ quatuor spithamas longæ, & digitum transversum latæ, cortice crasso sunt; in iis *Fabæ* oblongæ singulæ in propriis loculamentis, quæ parietibus carnosissimæ sunt cum sua longitudine in longitudine siliquarum consistæ, ac cum ungula seu umbilico in medio futuræ laterum siliquarum ad unam partem affixæ, atque nonnihil sub cortice extuberantes, suntque saporis fabacei, & similes phaseolis nostris nisi quod minores, primum virides, dein albicantes, seu ex albicante subvirides; suntque in eduliis.

Flores & Fructus hæc arbor fert tempore pluvioso duabus tribusve in anno vicibus, etiam toto anno sed rarius.

V I R E S E J U S.

IN podagra proficua, si ex *Partibus ejus* contritis fiat decoctum cum oleo, ac eo pars affecta perungatur. Radix mixta cum urina vaccæ humores tumoresque membrorum resolvit, iis apposita. *Arboris Corticis*

Tom. I.

O

succus

succus in ore detentes, idem cum melle permixtus prodest pro angina & oris pustulis, si cum eo guttur & os abluantur. *Cortex* coctus cum aqua & comestus pro variolis conducit. *Foliorum succus* naribus immixtus juvat in febribus quartanis & inveteratis die paroxysmi. *Foliorum decoctum* epotum pituitam & phlegma, nec non humores biliosos expurgat; in vertigine capitis & colera conducit, si *Folia* cocta in aqua edantur. *Flores* in decocto proficuè dantur pro catarrho, quin etiam hoc modo ad luxuriam incitare ferunt; eorum *succus* oculis immixtus pellit nubeculam ac visum noctu præcipue reddit.

F I G. 51.

Quia plurimas notas obtinet hæc planta, quæ cum *Sesban Alpini*, sive *Galega Ægyptiaca* *siliquis articulatis* *C. Baubini*, conveniunt, hinc non inconcinnè vocandam arbitror, *Galegæ affinem Malabaricam arborescentem, siliquis majoribus*

articulatis. *Sesban* autem ipsum *Alpini*, *Sesbaniam*, & *Absum*, in regno *Ceylonensi* non esse infrequentes, siccatae inde ad nos, unà cum feminibus translatae Plantæ, abundè notum faciunt.

ÆSCHYNOMENE GRANDIFLORA.

C L A S S I S

D I A D E L P H I A D E C A N D R I A.

Character genericus.

Cal. bilabiatus. Legum. articulis truncatis, monospermis.

Nomen specificum.

Æschynomene caule arboreo, flor. maximis, legum. filiformibus.

Synonyma authorum.

Æschynomene caule arboreo, floribus maximis, leguminibus filiformibus. Sp. Pl.

Robinia pedunculis subdivisis, foliis pinnatis, floribus folio majoribus. Sp. pl. 1. p. 722.

Sesban affinis arbor indiarum orientalis. Breyn. prodr. 1. p. 47. Comm. mal. 244.

Galegæ affinis malabarica arborescens, siliquis majoribus umbellatis. Raj. hist. 1734.

Turia. Rumph. amb. 1. p. 188. t. 76.

Observatio.

Foliola obtusa. Flores inter omnes Papilionaceos maximi, magnitudine ovi gallinacei, reliquis partibus plantæ majores. Vexillum ovatum, patens. Alæ ovato-oblongæ, versus apicem sursum falcatae. Carina alis conformis. Stamina diadelphea, sursum reflexa. Stigma obtusum. LINN.

C A D A - P I L A V A.
MORINDA CITRIFOLIA.

F I G. 52.

CAda-Pilava ling. Bram. Ma Cádá-Palá, est arbor nascens in arenosis & petrosis.

Radix cortice sub crusta nigricante-croceo.

Surculi superiori parte quadrangulati & sulcis striati, nodulisque extuberantes.

Folia, quæ in furculis è nodulis bina & bina & ex utraque parte in eodem ordine petiolis crassis rotundis, interius nonnihil planis proveniunt, grandia, oblongo-rotunda, ad petiolum contractiora & anteriora versus rotundis oris in cuspidem desinentia, contextura crassa, mollia, superficie plana, lenia, virore fusco & nitente in parte recta, in adversa claro, sapore sylvestri & subamaro.

Ex costa intermedia, quæ crassa est, viridi-diluta seu albicans, in adversâ altè eminens, *Costæ* quoque viridi-dilutæ obliquo, annulari & parallelo ductu exeunt, proximè ad marginem ac inde reflexè venis in se invicem deferuntur, suntque in recta quoque parte nonnihil eminentes venulis transversis, quæ haud eminent, intercurrentibus comitatæ, folia quæ furculorum superiorum partibus adhærent, sensim minora ac minora, petiolisque magis brevibus appendentia.

Flores supra ex fructibus proveniunt constantes foliis quatuor, quinqueve oblongo-angustis, cuspidatis, stelliformiter expansis, crassis ac venulis ad visum minùs conspicuis, suntque interiùs candidi; exteriùs ex viridi-diluto albicantes, habentque pedem rotundum longum viridi-dilutum & albicantem.

Stamina in floribus quatuor, quinque, sex, pro numero foliorum florum, brevia, subflava prodeunt, suntque velut lingulæ, quæ ad unguiculos foliorum orificio pedis insertæ sunt; cum iis emicat stylus viridis qui ad summitatem crassior, bifidus ac obscurè rufescens, estque pes florum, per quem is transmittitur, interiùs villo seu densis pilis obfitus.

Gemmæ Florum oblongo-rotundæ & flavo-albicantes.

Fructus in caulibus è nodulis ex adverso foliorum proveniunt in petiolis
Tom. I, O 2 longioribus,

longioribus, sesquiuncialibus, rigidis, viridibus & crassis, suntque forma oblongi, ad petiolum crassiores, in summitate strictiores, exterius distincti cancellis extuberantibus, oculatis, versus summitatem minoribus, ex quorum oculis gemmæ, quæ in medio oculatæ sunt, emicant ac extuberant, suntque colore primum viridi, in gemmis oculatis albicante, dein cum maturi, quoque albicantes, intus carne albicante, odore cum maturi sunt tetro & stercoreo, sapore amaro, flores qui supra in hisce fructibus proveniunt, cum suo pede gemmis ipsis insident, ac ex oculo, qui in medio gemmarum est, stylum suum accipiunt, suntque flores semper maximè conspicui plures arctè ad se invicem in summitate fructus cæteris ex gemmis inferioribus deciduis.

Semina, quæ in fructibus forma oblonga & plana, jacentque ordinatè propius ad corticem cum suâ longitudine ad gemmas, ex quo flores erumpunt erecta, ac carne intermedia à se mutuo sejuncta, suntque colore, cum sicca sunt, nigricante.

Bis in anno fert flores.

V I R E S E J U S.

Succus ex ea integra expressus ac cum oleo ex foliis fici inferni decoctus parti affectæ podagræ convenit, si cum eo perungatur; ad quod etiam servit perunctio radicis contritæ & mixtæ cum aqua.

F I G. 52.

Descrbitur hæc arbor nomine *Conifera*, *Ma-*
candou Javanensium, à *Bontio* Hist. Natural. &
Med. lib. vi. cap. vii. Ubi flores *Perichlymeni*
floribus assimilat, & *Consolidam Indicam* arbo-
ream, nominari vult, à viribus, quas in
Hæmoptysi insignes, sese in Nosocomio publico,
frequentissimè observâsse testatur. Additque,
fructus sub cineribus assatos à *Malaiis* comedi,

ad dysenterias, choleram, & pectoris vitia:
folia quoque sarcotica esse, & in vulneribus, &
ulceribus, carnem egregiè generare, & cutem
cicatrice obducere: in quam rem sal ex foliis,
arte Chymica quoque elici potest, quod præter
consolidantem qualitatem, etiam quævis invec-
terata, & cacoëthica ulcera, munda reddit.

MORINDA CITRIFOLIA.

C L A S S I S

P E N T A N D R I A M O N O G Y N I A.

C h a r a c t e r g e n e r i c u s.

Flores aggregati, monopetali. Stigma 2-
fidum. Drupæ aggregatæ.

Nomen specificum.

Morinda arborea, pedunc. solitariis.

Synonyma auctorum.

Morinda arborea, pedunculis solitariis. Fl.
zeyl. 82.

Bancudus latifolia, Rumph. amb. 2. p. 158.
t. 99.

A P P E L.

A P P E L.

Incomperta.

F I G. 53.

A *Ppèl* seu *Nalla-Appellà*, lingua Bramanum *Card-Nervoloe*, est arbor mediocris altitudinis, nascens in arenosis.

Radix crassiola plurimas fibras pilosas transversim emittens, estque colore croceo ut & odore.

Caudex quinque aut sex palmos convolutos crassus evadit, ramos furculos in altum diffundens, ligno albicante & corculo intus ruffo-fusco.

Surculi teneri, virides, quadrangulati, & in unoquoque latere sulco striati.

Folia, quæ in ramis furculisque petiolis brevibus, rotundis, viridi-dilutis bina & bina proveniunt, ac in ordine se invicem obliquè decussant, forma oblongo-rotunda sunt, antè brevè & angustâ cuspide, ad petiolum rotunda ora, in oris superioribus minutis ac raris apicibus, alia magis, alia minùs eminentia, contextura crassiuscula, solida & mollia, superficie plana & glabra ac lenia, in interiori parte viridi-fusca & nitentia, in exteriori viridi-diluta, odore hortensî acuto haud ingrato, sapore amaro & subacri.

Ex costa media utrinque quatuor aut quinque *Costulae* obliquo annulari tractu exeunt, quæ ad oras arcuatim reflexæ in se invicem subtilibus arcibus deferuntur, suntque costæ viridi-clarissimæ, in adversa parte eminentes, ac etiam tenuiter in recta, comitanturque venulis subtilibus ac cancellatim dense contextis.

Flores umbellatim proveniunt, suntque parvi, coloris albi, seu ex viridi-diluto albicantis, constantes quatuor foliis minutis & rotundis, quorum unum quod majusculum est & latius se aperit, magis albicans, reliqua quæ magis clausa, viroris nonnihil diluti, ac minùs albicantia, habentque in medio quatuor tenuia, albicantia stamina, quæ albicantibus & rotundis apicibus dotata sunt, ac stylum tenuem albicantem seu viridi-dilutum, bifurcatum ex rotundo, viridi globulo, qui ex calyce rotundo emergit, ac primordium fructûs est, emergentem, suntque etiam odoris fortis non injucundi.

Floribus deciduis *Baccæ* rotundæ prodeunt, quæ cùm immaturæ, sunt
 2 coloris

coloris viridi-diluti, maturæ autem coloris fusci seu nigri, intus officulum rotundum continentes.

Tota arbor est odoris acuti & hortensis.

Semel in anno fert *Flores & Fructus*.

Oleum ex radicibus per distillationem extractum tenue est & clarum coloris aureo-flavi & rutilantis, odoris vegeti & pergrati, saporis subacris & subamari, in distillando cum aqua simul ascendit eique innatat.

V I R E S E J U S.

*T*otius plantæ virtus inservit pro capitis totiusque corporis doloribus, si cum ejus decocto caput & corpus abluatur, atque eodem modo servit pro doloribus arthriticis, succus ex plantæ decocto extractus & saccharo conditus optimè in medicamentis usurpatur, quæ pro affectione mala ex causis frigidis oborta dantur. *Radix* contrita & epota cum aqua lientericæ commoda, cum salsa & marina cocta sedat dolores podagræ parti affectæ applicata. *Cortex* contritus & minutus cum melle etiam valet ad lienteriam sistendam cataplasmate facto. *Folia* dolores ventris pectorisque ex flatibus obortis mitigant ac solvunt in decocto data. In febre frigida proficuum est decoctum ex *Foliis* cum pipere trito & ebibitum, vel si cum decocto *Foliorum* lotio instituatur. *Oleum* ex *Radice*, seu potius *ejus Corticibus* extractum prodest etiam pro febre frigida, uti & doloribus ventris flatibusque discutit unctum in partibus affectis.

F I G. 53.

Arbor Malabarica baccifera, flore parvo, umbellato, odore, non incommode vocari posset | continens, obfaret. Si quis interim ad *Sorbum sylvestrem* referre malit, non multum eum quomodo meo judicio hæc arbor. Ad sambuci speciem | que à vero aberraturum crediderim. non difficulter retulisset, ni fructus, officulum

Incomperta.

A M E R I.
INDIGOFERA TINCTORIA.

F I. G. 54.

A Meri ling. Bram. Nely, est arbuscula altitudine unius hominis, ramos maximè transversos emittens, nascentique in arenosis & petrosis.

Radix albicans, lignosa, densis fibris vestita.

Stirps Brachium crassus evadit, estque ligno duro.

Folia in furculis tenuibus, qui è ramis suis paralleli exeunt ac ad exortum extuberant, & interiùs striata sunt, bina & bina in duabus seriebus proveniunt, iisque brevissimis pedunculis insident, ac quina, septena, paria cum uno in vertice, suntque parvula, forma oblongo-rotunda, anteriùs & ad petiolum rotunda ora, contextura tenuia & densa, superficie plana ac lenissima; cum costa media in adversa parte ex qua nullas costas conspicuas emittit, coloris viridi-sub-cœrulei, in recta fuscioris, in adversa clari, in utraque furdi; saporis subamari & languidi ardoris diutius masticata.

Flores in brevibus furculis, qui ex origine furculorum foliaceorum erumpunt, plures congregatim seu spicatim proveriunt, suntque parvi, fabacei, constantes quatuor foliis, unum folium est unguli-forme, & clausum, ac viride cum stylo quem continet ungulam efficiens: duo folia angusta, tenuia sunt, ac una interiori ora recta ac saturo-rosaceo rubore complectentia ungulam; quartum folium versus quod ungula inflexa est, oblongum & latiusculum, tenue ac viridi-dilutum, exteriora versus reflexum versus summitatem petioli, quem flores circumfident, situm; suntque flores odoris nullius.

In medio emicat *Stylus* viridis, cavus instar thecæ filamentum tenue, quod è filiquoso germine prodit, recondens, ac superiùs in parva ac tenuia stamuncula fissus, quæ minutis albicantibus apicibus dotata sunt, ac ad concavam partem uno filamento obductus.

Calyx Florum quinque cuspidatorum & viridium foliorum est.

Gemma Florum oblongo-rotundæ sunt, ac ad unam partem, in qua folium latiusculum se aperit, nonnihil planæ.

Floribus

Floribus deciduis succedunt parvæ ferme unciales, rectæ, rotundiolæ & angustæ *Siliquæ*, suis furculis brevibus, tenuibus pedunculis appendentes, coloris primum viridis, dein spadiceo-fusci, ac ad petiolum calyce quinque foliorum comprehensi.

Semina oblongo-rotunda sunt cum sua longitudine jacentia in longitudine filiquarum, quæ cum matura, coloris fusci & nitentis sunt.

Hæc arbuscula bis in anno tempore pluvioso & æstivo dat flores.

V I R E S E Y U S.

AD dolores calculi nephriticos mitigandos servit *Radix* in decocto data. *Eadem* & viribus veneni obsistit decocta cum aqua *Lanie* scilicet teneri *Coqui Indici*, & epota. *Folia* in difficultate mingendi juvant si trita cum aqua ventri applicentur. *Amè*, vulgò dicta *Indigo*, quæ ex Foliis paratur, pro exsiccandis tumoribus proficua.

F I G. 54.

Anil, ex qua *Indigo*, hic exhiberi, non est quod quis dubitet: quonam autem referenda sit hæc planta, minus inter sese consentiunt autores. *C. Bauhinus* in *Pinace Isatidi* sive *Glasto* subjungit, vocatque *Glasto affinem*. Alibi autem lib. 9. Sect. III. capite de Phaseolis Indicis, siliquam ejus describit, à D^o *Terentio* ex India missam, cum sequenti inscriptione. *Siliquula ut semen, huic chartulæ involuta, est herbæ Anil, nec est species Glasti, sed legumen. Garzias ab Horto Anil Arabibus & Turcis vocari asserit: Guzarattensibus autem, apud quos frequens, Gali, & nunc plerisque Nil, herbamque esse Ocymo similem. Clarissimus Piso in Brasilia passim luxuriare tradit plantæ Caachiræ ab incolis dictæ, binas species, unde Anil: priorique*

flores purpureos ex albo dilutos, tribuit, odoris fragrantissimi. *Rochefortius*, in Americæ insulis, trium pedum altitudinem vix æquare ait, & florem obtinere albicantem, odoris ingrati, seculus ac illam speciem, quam in Insula *Madagascar* provenire scribit, quæ exiguos flores purpureos ex albo variegatos præbet, jucundi odoris; eademque procul dubio est cum *Pisonis*, vocaturque in Historia Madagascarensi *Banghats*. Ipsam autem plantam ab Autoribus nostris descriptam, ex *Zeilan* hoc anno transmisit D. *Hermans*, additâ sequenti inscriptione: *Polygala Indica frutescens, ex cujus foliis Anil sive Indigo conficitur, verum Anil Ceylonense vilius est & ignobilius, eo quod ex Malabar, Ceromandel, aut Negapatan adfertur. Cingalensibus vocatur Atuari.*

INDIGOFERA TINCTORIA.

CLASSIS

DIADELPHIA DECANDRIA.

Character genericus.

Cal. patens. Corollæ carina utrinque calcaribus subulato patulo! Legumen lineare.

Nomen specificum.

Indigofera legum. arcuatis incanis, racemis, folio brevioribus. *Trew. chret. t. 53, 54.*

Synonyma authorum.

Indigofera leguminibus arcuatis incanis, racemis folio brevioribus. *Fl. zeyl. 273. Amœn. acad. 1. p. 408. Hort. upl. 208. Mat. med. 348. Mill. ic. t. 24. Indigofera foliis nudis. Hort. cliff. 487. Isatis indica, foliis rosmarini, glasti affinis. Bauh. pin. 113. Indicum. Rumph. amb. 5. p. 220. t. 80. Anil. f. Nil. inodorum color. Bauh. hist. 2. p. 945.*

C O L I N I L.

C O L I N I L.

Incomperta.

F I G. 55.

Colinil ling. Bram. *Schéra-Puncà* est arbuscula humilis, altitudine duum triumve pedum.

Radix fibrosa cortice albicante seu ruffo, qui saporis est amari & sub-acris, intus lignosa & albicans, odoris nullius.

Stipes quatuor digitos crassus evadit, ramosque maximè transversum diffundit, estque ligno duro, cortice sub cinerea crusta viridi, qui saporis est amari & mordacis.

Folia, quæ in furculis angulatis, tenuibus, viridibus, hinc inde parvis petiolis proveniunt, parva, oblongo-rotunda, anteriùs rotunda ora ac maxima latitudine versus superiora ad petiolum in angustum rectis oris contracta, in recta parte viridis communis, in adversa hyali seu viridi-sub-cœrulei, in utraque surdi, saporis subacris & subamari, ac languidi ardoris diutius masticata.

Ex costula, quæ in adversa tantum parte eminet, *Venæ* obliquè & rectà transversim excurrunt ductu parallelo in marginem incurrentes, tractu in recta & adversa parte conspicuo, cùm franguntur, ad tractum venarum angulo ad costam concurrente se dividunt. Foliis sapor amarus & mordax.

Flores parvi sunt & fabacei, constantes quatuor foliis, unum unguliforme, clausum ac multum inflexum cum stylo, quem continet, ungulam constituens, estque viridi-albicans; duo angustiora una interiori ora recta valde saturo ac rosaceo rubore ungulam ad latus complectentia; quartum, versus quod ungula inflexa & aperta est, latum, primùm folia duo cum ungula circumplectens, dein flore aperto versus exteriora reflexum, situm versus summam petioli floriferi.

Stylus viridis, cavus instar thecæ, filamentum viride, quod è germine siliquoso prodit, complectens, ac superiori parte in parva ac tenuia stamuncula, quæ apicibus flavis nodulata sunt, fissus & ad concavam partem uno filamento libero, qui flavo quoque apice nodulatus est, obductus.

Floribus deciduis succedunt *Siliquæ* oblongæ, angustæ, tenues, planæ & ad unam partem nonnihil inflexæ, duos tresve pollices longæ, glabræ, primum virides, dein rubro-fuscescentes.

Semina seu *Fabæ*, quæ intus sunt, à se mutuo per ipsam carnem filiquæ sejunctæ, oblongo-rotundæ, planæ, cum sua longitudine jacentes in longitudine filiquarum, cum umbilico ventri filiquarum affixæ, primum virides, dein nigricantes.

Præter filiquas *Fructus nostri* virides, tenuiter pilosi ac durioli furculis sæpe insidere conspiciuntur, qui in vertice sunt foramine pertusi & intus cavi.

Bis in anno fert *Flores* & *Fructus* tempore pluvioso & æstivo.

V I R E S E J U S.

Succus ex ea extractus addito momento mellis fervit pro oris pustulis, ore cum eo peruncto. *Radix* trita & decocta in lacte *Coqui Indici* conducit in morbo sacro factâ perunctione.

F I G. 55.

Magnam hanc plantam cum præcedente obtinere affinitatem, ex plerisque ejus partibus liquet; quare & non incommode *Polygalam Indicam minorem*, *filiquis recurvis*, vocari posse, existimem. An autem etiam *Indigo* præbeat, quamvis verosimile videtur, asserere non ausim: multo minus eandem esse cum *Madagascariensium Baugets*, cum ejus florem odoratissimum testentur, hujus autem inodorus observetur. *Her-*

nandes & *Recchius*, *Historiæ Mexiicanæ* lib. 4to, binas quoque plantas describunt, quæ cœruleo tingunt colore, quarum utramque vocant *Xihquilitz Pitzabac*, seu *Auir tenuifoliam*, ipsum autem pigmentum cœruleum sive *Indigo Mohuitli* & *Tleobuilli*. Neutra autem cum hic descripta planta, quadrat. Prior verò eadem videtur cum *Caacbrva secunda Pisonis*.

Incomperta.

S C H A G E R I - C O T T A M.
G R E W I A M I C R O C O S.

F I G. 56.

S *Chageri-Cottam*, quæ secunda species, lingua Bramanum, *Sasali*, est arbuscula humilis, altitudine unius hominis, nascens in arenosis.

Radix ramos fibrosos spargens, cortice rubro-sanguineo ac exterius nigricante crustula infuscato, ligno albicante, qui saporis est adstringentis.

Caudex crassitie unius brachii.

Surculi vetustiores cinerei, teneriores spadiceo-clari.

Folia, quæ in furculis petiolis curtis, rotundis, viridibus proveniunt, sunt multo majora illis primæ speciei, oblonga, anteriùs cuspidè eminentia, ad petiolum lata cavitate, crispa, in recta parte viridi-fusca & parum nitentia, in adversa clara.

Ex petiolo cum costa media, ex qua hinc inde *Costula* obliquo arcuato ductu anteriora versus exeunt, utrinque *Costula* lateralis erumpit, suntque costulae omnes duræ, lignosæ, rotundæ, & in adversa parte maxime eminentes, coloris viridis seu spadiceo-clari, ex se diffundentes numerosos *Nervulos* transversos, qui in eadem parte adversa eminent ac rectam tractibus suis striant; suntque folia contextura grossa, & in adversa parte ob nervorum eminentiam valde scabra.

Flores proveniunt in summitate furculorum in petiolis, plures congregatim ac tres simul conjuncti, constantque quatuor & quinque foliis oblongo-rotundis, angustis, surrectis, ex viridi albicantibus & subflavescentibus, quæ cum oris interiora versus cochleatim contracta sunt, habentque in medio congeriem numerosorum staminum tenuium, quæ flavis rotundis ac parvis apicibus dotata sunt, ac stylum viridi-dilutum ex globulo viridi-fusco, qui primordium fructûs est, emergentem, suntque flores inferiori parte foliis angustis ac flaviusculis succincti.

Fructus sunt baccae oblongo-rotundæ ac nonnihil pyriformes, ad petiolum stricti, coloris primum viridi-fusci ac furdi, dein nigri & nitentis, suntque sapore primum acido, qui ex maturitate dulcescit, atque indigenis est in eduliis: in medio durum, ex albicante subflavum, & grandiusculum ac pyriforme ossiculum est, quod in totum filamentis densis, quæ in arcus varios ordinatè ad se invicem conducta sunt, est obductum.

V I R E S E J U S.

Ardori membrorum restinguendo servit *Succus ejus* expressus, ac cum saccharo sumptus, cum ejus decocto os abluitur pro columellæ tumefactæ relaxatione. *Foliorum succus* cum saccharo epotus maximè conducit pro hepate & fluxu ventris, ejus lotio pro oris pustulis uti & in anginà cum eodem succo mixto cum aceto guttur commode abluitur. *Eorum decoc-* tum cum saccharo epotum proficuum est pro febre frigida.

F I G. 56.

Arboris hujus non unam dari speciem, ex Autorum verbis liquidò apparet: præsertim cum folia hujus multo majora esse tradant foliis primæ speciei: cujus figuram cum descriptione cur non addiderint, divinare nequeo. Certe si spinis esset armata planta hîc exhibita, eam

ad *Berberim* sive *Oxyantham* referre non dubitâssem, imprimis ob fructum non multum dissimilem, ejusque saporem grato-acidum. Jam autem & alia ob attributa, utrique plantæ communia, vocare lubuit, *Cornum Malabaricam*, folio cuspidato, ossiculo tomento obfuso.

GREWIA MICROCOS.

C L A S S I S

G Y N A N D R I A D E C A N D R I A.

Character genericus.

Cal. 5-phyllus. Petala 5: basi squama nectarisera. Bacca 4-locularis.

Nomen specificum.

Grewia fol. ovato-oblongis, flor. paniculatis. *Microcos* paniculata. Sp. Pl. 733.

Synonyma authorum.

Microcos panicula terminali. Fl. zeyl. 207. *

Microcos foliis alternis oblongis acuminatis. Burm. zeyl. 159. t. 74.

Microcos foliis alternatis, oblongis, acuminatis. Burman. Tab. 74.

Kokukirilla Herb. Herman. & Mus. Zeyl. pag. 10, communiter dicitur *Kocurille* de

Kleine Cocos Belgis ibidem. Confer cum hac Figuram Pluknet. Tab. 262. Fig. 3. quæ huic eadem videtur, an *Catutekka* hujus species, quæ invenitur in H. Malab. part. 4. tab. 28. sed quæ foliis est oppositis, fructu minimo.

Gaudet hæc arbuscula foliis oblongis, acuminatis, in acutum apicem desinentibus, glabris, venosis, obscure virentibus, alternatim cauli brevissimis pediculis adfixis, ad quorum insertionem squamma una, alterave instar gemmæ apparet; caulis scaber est rotundus, nigricans, in summo flores producit plurimos in thyrsum collectos, qui constant calice communi, septifolio, duos vel tres continente flores, quorum petala sunt quinque, oblonga, decidua, stamina plurima, capillacea, apicibus subrotundis. Pistillum unicum, simplex habentes, quod ab it in fructum subrotundum, Cocum Hermannò vocatum. BURMAN.

C A R U A.
L A U R U S C A S S I A.

F I G. 57.

C*Arua*, alio nomine *Babéna*, ling. Bramanum *Tiqui*, est arbor ad altitudinem quatuor quinqueve hominum assurgens.

Radix crassa, recta se in terram demittens ac hinc inde fibris transversis se affigens, cortice in exteriori crusta rufo-cinereo, sub eâ rubescente, qui fortem camphoraceum odorem spirat maximè tritus, ligno est duro, solido & albicante, odoris nullius.

Caulis ambitu amplexum unius brachii implens, diffundensque numerosos ramos & furculos, estque cum ramis cortice vestitus viridi, qui dein cum ætate rubescit, ac cum pellicula tenui lignum ambit & crusta cinerea obductus est, ac ligno duro, estque is cortex suo tempore deglubitus & in sole exsiccatus ipsum *Cinamomum*; verum quod hîc habetur, minus acre est quàm illud *Celonense*, ac velut sylvestre, cortice omni ex parte deglubito arbor emoritur.

Folia cum bina, tum solitaria proveniunt petiolis curtis ferme semipollicaribus, crassiolis, & interius late striatis, suntque forma oblongo-rotunda longitudine ad latitudinem ferme dupla, in summitate cuspidata, latitudine proximum ad medium cum minora & teneriora sunt, proximè versus petiolum, quæ maxima longitudine unius ferme spithamæ & amplius, superficie plana, in oris albicante zonula seu nervulo, quæ ex petiolo excurrit præcincta, viroris in recta parte vegeti & vividi, in adversa viridi-diluti; cum tenera sunt, coloris hepatici, prout vetustiora, ficciora, & magis rigida, ac fractu facilia sunt, & in minorem ambitum contracta & versus interiora crispa.

E petiolo tres *Costæ* viridi-dilutæ ac flavescentes excurrunt cum costa intermedia quæ nonnihil crassior est utrinque una, in recta & adversa parte extantes; suntque hæ duæ laterales primum brevi intervallo rectis tractibus meatæ, ac ad mediam junctæ, atque inde obliquo ac annulatim inflexo ductu anteriora versus altè ascendunt, ac proximè ad cuspidem progrediuntur. Ubi in venulas subtiles, quæ versus cuspidem deferuntur, disparent; ex costis extantibus plurimæ fibræ seu venæ intimo tractu per ipsum folium transversim egrediuntur, subtili cancelliformium venularum contextu comitatæ, suntque in majoribus foliis nonnihil eminentes, maxime in recta parte: folia sunt forti ac aromatico odore, præcipuè trita, ipsum cinamomi odorem spirantia, & sapore quoque cinamomi, licet minus vegeto; folia tenerissima rubescentia.

Flores petiolis viridi-dilutis, qui supra ex origine foliorum prodeunt plures congregatim seu umbellatim proveniunt, suntque stelliformes, ac parvi, conflantes sex foliis viridi diluto-albicantibus, parum oblongis ac rotundis oris, anteriora

anteriora versus contractis, ac brevi collo seu pediculo odoris amœni, in medio corculum est constans ex duabus staminum seriebus, in exteriori serie stamina sex viridi-clara, supra alia emicantia ac viridi-diluta, in superiori parte plana ac latiora; in anteriori serie sex stamina tenuia ac parva sunt cum nodulis seu apicibus flavis & crassiusculis in vertice, atque in ea serie ex iis insuper tria stamina cum illis, quæ in exteriori ordine similia paribus interval-
lis emicant, complectentia stylum tenuem ac viridem, in vertice nigrican-
tem, qui ex capitulo viridi-oblongo, quod primordium fructus est ac in pe-
diculis superiori parte continetur, egreditur; floribus ad pediculum adest
calyx arctus & exiguus.

Gemmæ Florum rotundiolæ.

Fructus sunt baccæ oblongo-rotundæ terite forma instar glandis quercinæ
arctè inclusi in calyce profundio, crassio, viridi, qui sex cuspidem est,
suntque superficie glabri primùm viridi-fusci & nitentes ac punctulis albicanti-
bus conspersi, & tum sub cortice pulpa viridi-clara, quæ flaviusculum, unctuo-
sum humorem exsudat, & saporis subacris adstringentis & unctuarii, conti-
nentque sub pulpa corticis unum grandem nucleum oblongo-rotundum &
glabrum, qui cortice tenui cartilaginoso obtectus est & pulpa densa ex albo
rubescens ac incarnati coloris & humore unctuario, qui in filamenta protra-
hitur, suffusa, ac saporis magis acris & minus astringentis est, constat, dein
cum maturi sunt, cœruleo-fusci & nitentes, qui color est in tenui exteriori
membrana, intus etiam pulpa viridi saporis aromatici ac subamari & acris ac
pulpa nuclei ex rubro cœrulescente constantes.

Flores hæc arbor semel fert in anno in *Januario*.

Ex cortice radice *Oleum* cum sale volatili, Camphora dicto, per distil-
lationem extrahitur estque aqua cum qua simul ascendit levius, consistentia
clarum & transparens, ac coloris subflavescentis, odoris fortis ac vegeti,
saporis peracris & profundè penetrantis constans ex particulis tenuibus & fa-
cile se dissipantibus in libero & aperto aëre; Camphora candidissima est, &
in odore Camphora communi excellentior: ejus particulæ in oleo primùm
distillato natant, ac ejus partibus insensiliter permixtæ sunt, olei transparen-
tiam ac claritatem minime obfuscantes, dum autem oleum refrigeratur, par-
ticulæ Camphoræ natantes ac sejunctæ, unæ aliis formâ satis regulari se affi-
gunt, constituentes primùm hastas oblongas, quibus partes aliæ de novo ac-
cedentes velut transversæ aculei ad rectos angulos se adjungunt, atque ita gra-
viores factæ decidunt atque ad fundum olei subsidunt: verùm hîc notatu dig-
nissimum est, quod dum se affigunt in duos vorticosos motus, qui per hori-
zontalia plana feruntur, cieri ac primùm quidem tardiùs, dein sensim velo-
ciùs, atque oleum ad suam superficiem ubi priùs refrigeratur, & ad fundum
plurimis particulis Camphoræ, quæ ejus transparentiam adimunt, imbutum,
cùm in medio adhuc sit clarum seu magis transparens, quin & particulæ
Camphoræ, quæ se sibi mutuò affigunt, partes oleosas primùm intra se in-
cludunt, eas visui subducentes, quæ dein particulis salis ad angustius spatium
versus

versus inferiora detrufis se ab iis resolvunt ac separant, superiora præ levitate petentes; est autem Camphora hæc maximè dissipabilis & flammam celerimè concipiens ac nullam faciem post flagrationem relinquens; de Oleo quod cum hoc Sale attollitur hæc notanda occurrunt, primum quod in odore ac sapore Camphoram maximè æmuletur, atque adeò facilè dissipabilis sit, ut licet in pannos incidat colore aliquo tinctos, nulla relicta macula evanescat ac diffletur; promptissimum quoque est ut ipsa Camphora in flamma concipienda in eo spiritum vini ab aqueis particulis depuratum referens, totumque brevi tempore igne depascitur, datque flammam albicantem & cœruleam, super igne positum & calefactum etiam cito consumitur, abitque in fenum albicantem, qui igne admoto flammare promptissimè concipit; de eo quoque expertum est, si linteum cum eo madefactum incendatur, eo remanente illæso igne plurimas ejus partes depasci, uti patet, si ignis jam conceptus ex sufflatione illico suffocetur, quin & illud linteum, quod ex igne illæsum reddit, ac primum acrem camphoraceum odorem exhalat, eo debilitato & evanescente gratum aliquem Cinnamomi odorem spirare: præterea hoc oleum in sulphur vel sal nitrum, vel etiam in illos sales simul permixtos conspersum, iis prorsus illibatis ac illæsis, à flamma in totum consumi ac depasci; quod si pulvis tormentarius eo imbutus sit, flammam concipit eo accenso, sed non nisi tardius, & postquam multæ particule olei depastæ sunt; singulare quoque experimentum est, quod sinus olei, qui ex eo calefacto super ignem exhalat, per pannum triplicatum seu quadruplicatum exceptos ad ejus superficiem in salem album & candidum, quod ipsamet Camphora est, se affigit, quin & hoc oleum, ut purum & clarum sit, cum tempore particulas quasdam camphoraceas demittit. Relatum quoque nobis est in locis frigidis, quod erat advectum, de suo fluore remittere. Oleum, quod ex hoc Malab. Cinnamomo extrahitur, transparens, clarum, flavum, rutilans ac fragrantis quoque odoris, & aquæ innatans, cum ex cinnamomo Celonensi, præter oleum innatans, etiam extrahatur quod aquæ fundum petit. Oleum ex foliis primum turbidum est, cum tempore flavescens ac transparens coloris viridescens, estque sapore quoque dulci & acri odorem cinnamomi tenuem spirans, in aqua subsidit ad fundum.

V I R E S E J U S.

RAdicis cortex in decocto datus vel in pulvere cum melle seu saccharo servit pro tussi & phlegmate expurgando. Idem contritus & permixtus cum aqua confert in podagra facta perunctione. Cortex Stipitum in decocto datus flatu quoque discutit. Idem in pulvere datus cum aqua calida dolores ventris sedat fluxumque ex frigore obortum sistit. Foliorum succus cum pipere & saccharo datus pro doloribus ventris & renum flatulenta materia servit; folia in pulvere data cum saccharo conferunt in vertigine capitis, uti & flores in pulvere cum saccharo & aqua frigida dati. Oleum quod ex Cortice Radicis cum sale volatili, Camphora dicto, per distillationem simul extrahitur: insignium & multarum est virium; optimè confert in omnibus affectibus paralyticis exterius in tempore applicatum: in podagra summum ac præsentaneum

præsentaneum remedium; vehementes partium affectarum dolores illico sedans iis inunctum, ad quod etiam confert intus sumptum; in asthmate aliisque affectibus pulmonaribus sanandis intus sumptum etiam maximè confert, uti & ad malignitatem febrium corrigendam; estque sudorem pellens in gangræna & sphacelo aliisque ulceribus malignis optimè quoque prodest, juvatque etiam pro impetiginibus, doloribusque artuum, ventris, oculorum; nec non tumoribus membrorum ex frigidis & pituitosis humoribus obortis; præterea in pedum contusione ut & vulneribus sensum partium stupefactum reparans; prodestque in rheumate seu fluxu capitis; ejus odor qui illico ex titillatione ac sternutationem, quam rheuma, ciet, sistit; in flatibus discutiendis quoque efficax est intus sumptum: appetitum quoque excitat ac calculosis prodest, suntque hæ virtutes intra breve tempus, quo illud oleum à nobis distillatum, ad usum medicum adhibitum, propriâ experientiâ compertæ, & sine dubio plures indies se prodent, estque hoc oleum in Nosocomio nostro medicamentum maximè catholicum. *Campbora* servit in affectibus uterinis ad provocanda menstrua, sudores quoque ciet, usurpaturque etiam loco *Camphoræ* communis. *Oleum Cinnamomi* puta *Corticis Arboris* confert in affectibus ventriculi, in torminibus ventris à frigore ortis. *Aqua Cinnamomi* cardiaca. *Oleum ex Foliis* prodest in Colica exteriori applicatum, summum remedium paralyticis, eorum aqua conducit in affectionibus cardiacis frigidis, daturque in potionibus sudoriferis. *Aqua Florum Cinnamomi* distillata cardiaca. *Oleum ex Fructibus* decoctum usurpatur in doloribus artuum.

F I G. 57.

Arbor hæc descripta *Canella* est *Malabarica*: Lusitanis, *Canella del Matto*: quæ *Ceylonensi* omnibus suis partibus longè est ignobilior & idcirco longè minori in pretio habita: Singula enim quæ de *Malabarica* prædicantur ab Autoribus, sublimiori gradu in *Ceylonensi* reperiuntur, quam quidem pluribus hic ut describerem, & gestiret animus, & materiæ exigeret affinitas, quin & nobilitas. Verùm cum aliorum labores meos facere nolim, hanc lampada D^o. *Hermans* lubens trado, qui suo tempore exactissimam *Cinnamomi*, omniumque plantarum *Ceylonensium* historiam, posteritati non invidet. Adjungere tamen lubet, coronidis loco, ipsius verba, quibus *Cinnamomi* ramos complures, unà cum arbusculis

vegetis, seminibus, radicibus, &c. ad me transmissit. *Canella* (inquit) ex qua *Cinnamomum*, *Kurudu* scribitur *Cingalensis*, pronuntiatur autem *Kurundu*: mihi est *Laurus Zeylanica*, baccis calyculatis, ex qua *Cinnamomum*. Mira naturæ diversitas in hac arbore conspicitur: destillatur ex radicis cortice, *Camphora*, ejusdemque oleum: ex trunci cortice oleum *Cinnamomi*: ex foliis, oleum *Caryophyllorum*: ex fructibus, oleum juniperino simile, cum pauxillo *Cinnamomi* ac *Caryophyllorum*, mixtum: ex his & excoquitur oleum pingue, crassum, instar ceræ, ad emplastra, unguenta, ac candelas conficiendas, commodissimum; medicamentum itidem internè & externè usurpatum, summum anodynum.

L A U R U S C A S S I A.

C L A S S I S.

E N N E A N D R I A M O N O G Y N I A.

Character genericus.

Cal. o. Cor. calycina, 6-partita. Nectarium glandulis 3, bifetis, germen cingentibus. Filamenta interiora glandulifera. Drupa 1-sperma.

Nomen specificum.

Laurus fol. triplinerviis lanceolatis.

Synonyma authorum.

Laurus foliis triplinerviis lanceolatis. Fl. zeyl. 146. Mat. med. 191.

Cinnamomum perpetuo florens, folio tenuiore acuto. Burm. zeyl. 63. t. 28.

Cinnamomum f. *Canella* malabarica f. javanensis. Bauh. pin. 409.

Observatio.

Habitat in Malabarica, Sumatra, Java. LINN.

F I N I S
P A R T I S P R I M Æ.

I N D E X

HORTI MALABARICI

PARTIS PRIMÆ

INDEX LINNÆANUS.

A.	Page	Carica Papaya	Page 21
Æ Schynomene Grandiflora	95	Cassia Fistula	37
Arbor Tristis	35	Catalpa	75
Areca Catechu	9	Catechu	9
Arundo Bambos	25	Cerbera Manghas	71
		Chryfobalanus Icaco	91
		Cocos Nucifera	1
B.		Caryota Urens	15
Bambos	25		
Bauhinia Variegata	57	E.	
Bauhinia Purpurea	59	Elengi	33
Bauhinia Acuminata	61	Eugenia Iambos	27
Bauhinia Tomentosa	63	Eugenia Malaccensis	29
Bignonia Catalpa	75		
Bignonia Indica	77	F.	
Borassus Flabellifer	11	Ficus Racemosa	43
		Ficus Benjamina	45
C.		Ficus Religiosa	47
Cambogia Gutta	41	Ficus Benghalensis	49
2		G. Gossypium	

INDEX LINNÆANUS.

G.	Page	Morus Indica	87
		Mufa Paradisaica	17
Goffypium Arboreum	55		
Grewia Microcos	105		
N.			
H.		Nerium Antidyfentericum	85
		Nyctanthes Triftis	35
Hibiscus Populneus	51		
Hibiscus Tiliaceus	53		
P.			
I.		Papaya	21
Iambos	27	Phyllanthus Emblica	69
Indigofera Tinctoria	101		
S.			
L.		Sterculia Benghalensis	89
		Strychnos Nux Vomica	67
Lawsonia Spinosa	73		
Laurus Cassia	107		
T.			
M.		Tabernaemontana Citrifolia	81
		Tabernaemontana Alternifolia	83
Michelia Champaca	31	Tamarindus Indica	31
Mimusops Elengi	33	Trevis Nodiflora	67
Morinda Citrifolia	97		

I N D E X

P A R T I S P R I M A E.

A.		Page	Canfchi	Page	76
A G A T Y	—	95	Carim-Pana	—	12
Ambalam	—	91	Carua	—	107
Ambapaya	—	21	Cat-Ambalam	—	93
Ameri	—	191	Cavallam	—	89
Appel	—	99	Caunga	—	9
Arcalu	—	47	Champacam	—	31
Atti-Alu	—	43	Chovanna-Mandaru	—	57
			Chovanna-Mandaru	—	59
			Coddam-Pulli	—	41
B.			Codaga-Pala	—	85
Bala	—	17	Colinil	—	103
Balam-Pulli	—	39	Canna	—	37
Bupariti	—	51	Cudu-Pariti	—	55
			Cumbulu	—	75
			Curutu-Pala	—	83
C.					
Cada-Pilava	—	97	E.		
Caniram	—	67	Elengi	—	33
TOM. I.	—				11

I N D E X.

I.	Page	Pala	Page	81
Ily	25	Palega-Pajaneli	77	
Itty-Alu	45	Papajamaram	23	
		Pariti	53	
		Peralu	49	

M.

Mail-Anfchi	73			
Malacea Schambu	27			
Manjapumeram	35			
Marotti	65	Schageri-Cottam	105	
		Schunda Pana	15	

N.

Nati-Schambu	29			
Nilicamaram	69			
		Tali-Pariti	53	
		Tenga	1	
		Tinda-Parua	87	

O.

Odallam	71
---------	----

P.

Pajaneli	79	Velutta-Mandaru	61
----------	----	-----------------	----

V.

Tenga




Cocos
Nucifera

1870-1871



Tengu 2


Cocos
Nucifera



Tenga 3




Cocos
Nucifera




Tenga

4




*Gocos
Nucifera*



Caunga




Areca
Catechu



Caunga

6



Areca
Catechu





Tengu 2


Cocos
Nucifera



Tenga 3




Cocos
Nucifera



Tenga

4




*Cocos
Nucifera*

Caunga




Areca
Catechu



Caunga

6



Areca
Catechu







Caunga

7

Areca
Catechu



Caunga 8



Arica Calechu

100



Borassus
Flabellifera





13

Bala

*Musa
Peridivaria*



Bala ¹⁴

Musa
Paradisaica

1

Amba-paja
Papaja



Carica
Papaya

1

2

3

4

5

6

7

8

9

10

11

12

13

14

15

16



Illy

Arundo
Bambos





Ily

*Arundo
Bambos*



Malacca Schambu 17



Eugenia
Jambos

Handwritten text, mostly illegible due to extreme fading and bleed-through from the reverse side of the page. The text appears to be organized into several paragraphs, with some lines indented. Faint words and phrases are visible throughout the page.

Nati
Schambu




Eugenia
Malaccensis

Champacam

19



Michelia
Champaca



Elengi

20




Mimosaops
Elengi



Manja pumeram 21



Nyctanthus
Arbor tristis





Conna 22


Cassia
Fistula

Balam Pulli

23



Tamarindus
Indica




Coddam Pulli

24



*Cambogia
Gutta*





Pariti seu

Tali Pariti 30

*Hibiscus
Tiliaceus*





Ficus
Benjamina




Arealu

27



Ficus
Religiosa





Ficus
Benghalensis





Bupariti

29

*Hibiscus
Populneus*




Pariti seu

Tali Pariti 30

*Hibiscus
Tiliaceus*









Chovanna Mandaru


32

*Bauhinia
Variegata*





Chovanna Mandaru





Chovanna Mandaru

32

*Bauhinia
Variegata*





Nilicamaram 38

Phyllanthus
Emblica




Velutia mandaru

34



Bauhinia
acuminata





Ganschen-pou

35

Bauhinia
Tomentosa



Caniram

37



Strychnos
nux vomica



Odallam 39

Cerbera
Manghas

Mail ansehi

40



Lansonina
Spinosa

Handwritten text, mostly illegible due to extreme fading and bleed-through from the reverse side of the page. The text appears to be organized into several paragraphs, with some lines indented. A vertical line is visible on the right side of the page, possibly indicating a margin or a page fold.



Gumbulu

41

Bignonia
Catalpa

Clausen +2



*Trevia
nudiflora*



10/10/10



Pajaneli 44


Bignonia
Indica



Curutu
Pala

46

Tabernæ-montana
Alternifolia

Pala

Tiberna montana
Citrifolia

1. The first part of the document discusses the importance of maintaining accurate records of all transactions and the role of the accounting department in ensuring the integrity of the financial statements. It also highlights the need for regular audits and the importance of transparency in financial reporting.

2. The second part of the document focuses on the implementation of internal controls to prevent fraud and ensure the accuracy of financial data. It outlines the key components of a robust internal control system, including segregation of duties, authorization procedures, and regular monitoring and evaluation.

3. The third part of the document addresses the challenges faced by organizations in managing their financial resources effectively. It discusses the importance of budgeting and forecasting, and the role of the accounting department in providing accurate and timely financial information to support decision-making.

4. The fourth part of the document explores the impact of technology on the accounting profession. It discusses the benefits of automation and the use of data analytics in financial reporting, and the need for accountants to stay updated on the latest technological advancements.

5. The fifth part of the document discusses the importance of ethical considerations in accounting. It highlights the need for accountants to adhere to professional standards and the importance of maintaining objectivity and integrity in all financial reporting.

6. The sixth part of the document discusses the role of the accounting department in supporting the overall strategic goals of the organization. It emphasizes the importance of providing accurate and timely financial information to management and the need for the accounting department to be proactive in identifying and addressing potential financial risks.

7. The seventh part of the document discusses the importance of communication and collaboration between the accounting department and other departments within the organization. It highlights the need for clear lines of communication and the importance of working together to achieve the organization's financial goals.

8. The eighth part of the document discusses the importance of continuous improvement in the accounting department. It emphasizes the need for regular training and development for accounting staff and the importance of staying updated on the latest industry trends and best practices.

9. The ninth part of the document discusses the importance of maintaining accurate records of all transactions and the role of the accounting department in ensuring the integrity of the financial statements. It also highlights the need for regular audits and the importance of transparency in financial reporting.

10. The tenth part of the document discusses the importance of maintaining accurate records of all transactions and the role of the accounting department in ensuring the integrity of the financial statements. It also highlights the need for regular audits and the importance of transparency in financial reporting.



Codaga Pala

47

Nerium
Antidysentericum



Tinda parva



*Morus
Indica*






Cavalam 49

Sterculia
Balanghae



Ambalam 50

Chrysobalanus
Icaco





Agati 51

Eschynomene
grandi
flora





Cada pilava

*Morinda
Citrifolia*







Ameri

34



Indigofera
Tinctoria



Colinil 35

Incomperia

